



蔡中郎伯喈文集序



漢蔡中郎傳邕傳學辭章為靈紀  
 十裔及諸雜文章凡百四篇傳於  
 世傳所載者釋誨幽冀刺史闕所  
 陳政要七事金商門答災異疏被  
 敕時表及世傳獨斷女訓文選陳



太丘等碑文初學記短人賦總十  
數篇而已按唐書藝文志洎吳氏  
西齋書目並云邕集十五卷今之  
所傳總十卷亡外計六十四篇其  
中可疑者宗廟頌贊述武皇平亂  
之功又有昊天眷佑我魏之句以

魏宗廟也又有魏武帝祠喬太尉  
人稱丞相冀州牧魏主操謹遣掾  
再拜祠文姜伯淮碑稱建安二年  
又平劉鎮南碑建安十三年薨太  
和二年葬按邕傳本董卓被誅邕  
爲王允所害時年六十一據邕金

商門答災異被收表云臣今年四  
十八靈帝光和元年也董卓被誅  
獻帝初平三年也光和元年戊子  
至初平三年壬申邕正六十一矣  
又初年盡四年改興平二年改建  
安至五年正月薨操薨三月改延

康十月禪子魏王丕即初平四年  
是爲二十六年太和二年乃魏明  
帝之二年至是又八計邕死己三  
十六年矣按初平已前操尚在誅  
卓之歲操始爲東郡太守破黃巾  
於壽張至建安十三年操自爲丞

相二十一得操自進為魏王亦有  
魏宗廟而操不得先稱魏王武帝  
及武皇也其姜伯淮鎮南薨葬相  
後年代差遠邕安得紀述耶是集  
也今既缺五卷矣見所傳者蓋後  
之好事者不本事迹編他人之文

相混之耳非十五卷之本編固矣  
建安黃初之文體多相類復不逮  
廣被衆集固不可知其誰之作也  
偶閱而有得識于帙末天聖紀號  
龍集癸亥余月我生明後八日海  
陵西齋平陽歐靜識之序

嘉靖甲申孟冬月  
宗文堂鄭氏新刊

蔡中郎文集序 畢

新刊蔡中郎伯喈文集目錄

一卷

故太尉喬公廟碑

東鼎銘

中鼎銘

西鼎銘

黃鉞銘

太尉喬公碑

朱公叔議

鼎銘

墳前石碑

王子喬碑

二卷

郭有道郭林宗碑

文範先生陳仲弓銘



陳太丘碑

陳太丘碑

汝南周巨勝碑

彭城姜伯淮碑

陳留范史雲銘

玄文先生李子材銘

颯士國叔則銘

三卷

司空楊秉碑

臨晉侯楊公碑

漢太尉楊公碑

文烈侯楊公碑

琅琊王傅秦朗碑

劉鎮南碑

四卷

太傅文恭侯胡公碑

胡廣碑

胡公碑

太傅祠前銘

漢交趾都尉胡府君夫人黃氏神誥

太傅安樂侯胡公夫人靈表

議郎胡公夫人哀讚

五卷

光武濟陽宮碑

太尉汝南李公碑

陳留索昏庫上里銘

陳留太守胡公碑

胡碩碑

六卷

答丞相可齊議

幽冀二州刺史久缺疏

難夏育上言鮮卑仍犯諸郡答詔問災異八事  
被收時表

七卷

和熹鄧后謚

薦邊女禮

為陳留太守上書  
薦皇甫規

八卷

表太尉董公可相國

讓尚書乞在閑冗

巴郡太守榭板

宗廟祝嘏辭

九祝辭

宗廟送毀議

上始元服與群臣上壽

表賀錄換誤上章謝罪

讓高陽侯印綬符策

九卷

京兆樊惠渠頌

祿史張玄祠堂碑銘

表滿來碑銘

幼童胡根碑銘

十卷

明堂月令論

月令問答

外傳

胡廣黃瓊頌

上漢書十疏

述行賦

短人賦

飲馬長城窟行

釋誨

篆勢

隸勢

此書原係正德乙亥春三月錫山蘭雪堂華堅允剛活字銅版部行今鄭氏得之繡梓重刊行

目錄終

卷十一

悲憤詩

十九首

蔡琰題

胡笳

古詩

一十九首

飲馬長城窟行

古詩

傷歌行

塗候引

長行歌

美女篇

雜詩

十六首

情詩

送應氏

二首  
三良

七哀

歌行

苦寒行

善哉行



燕歌行

雜詩二首

芙蓉池作

明堂詩

辟雍詩

灵臺詩

寶鼎詩

白雉詩

詠懷詩

卷十二

雜詩

情詩二首

遊仙詩

秋胡詩九首

胡廣黃瓊頌

述行賦

短人賦

飲馬長城窟行

篆勢

隸勢

釋誨

蔡邕獨斷

新刊漢中郎蔡伯著文集目錄終



新刊蔡中郎文集卷之一



漢左中郎將蔡邕伯喈撰

故太尉喬公廟碑

光光列考伊漢元公克明克哲實敷實聰如淵之  
浚如岳之嵩威壯虓虎文繁雕龍撫柔疆垂戎狄  
率從敷教中夏五教攸通帝謂我后朕加君功命  
君三事時亮天功公拜稽首翼上惟恭左右天子  
祗厥勲庸庶績既熙黎民時雍上下謐寧八方和  
同丕顯伊德作憲萬邦公諱玄字公祖少辟孝廉

辟司徒大將軍府為侍御史牧一州典五郡出將  
邊營入掌機密歷三卿同三司享年七十五光和  
七年夏五月甲寅以太中大夫薨于京師朝廷所  
以弔贈如前之儀其九月乙酉葬於其所三孤故  
臣門人相與述公言行咨度禮則文德銘于三鼎  
武功勒於鉦鉞官簿第次事之實錄書于碑陰俾  
爾昆裔永有仰於碑陰

喬氏之先出自黃帝七葬于喬山子孫之在不更三  
姓者咸以為氏漢興世以禮樂為業高祖諱仁位至

大鴻臚列名於儒林祖侍中廣川相考東業太守公  
稟性貞純幼有弘姿剛而不虐威而不猛聞仁必行  
睹義斯居文以典術守以繼固弱冠從政當官而行  
刺史周公辟舉從事所部二千石受取有驗公糾廢  
贓罪致之於理時有耕房桂戚之託周公累息功不  
為之動史魚之勁直山甫之不阿於是始形舉孝廉  
除郎中洛陽左尉特進穎王梁不疑為河南尹當事  
以對是時畏其權寵而為屈辱者多矣公不折節解  
印綬去辟司徒舉高弟補侍御史以詔書考司隸校

尉趙祁事子尉郭貞私與公書非接使御命之儀公封書以聞貞以文章得用鬼薪公離司寇辟大將軍梁公幕府屢以據正于其隆指將軍嘉之無言不讎又以高弟補侍御史在職旬有羗戎匪茹震驚隴漢西府舉公拜涼州刺史威名克宣凶虜革心清風席卷至則無事車師後部阿羅多卑君相與爭國兵作亂公遣從事牛稱阿傳輕舉騎奉辟責罪收阿羅多卑居繁燉煌正虜以聞阿羅多為王卑君侯稱以奉使副指除侯部候不動于戈揮鞭而定西域之事以

美談及值饑荒諸郡飢餓公開倉稟以貸救其命主者以舊典宜先請公曰若先請民以死廩訖乃上之詔報曰邊穀不得妄出玄擅出於是玄有汲黯憂民之心後不以為常公達於事情剖斷不疑皆此類也遷齊相視民如保赤子討惡若赴水火刑明賞遂民知勸懼臨淄令賂之賊多罪止正受鞠就刑沒齒無怨以不先請免官徵拜上谷太守民有父子俱行凶人七惡言當道曉之不止其子殺之而捕得公以其見侮辨直不舉文書以遇赦令蕃縣有帝舜廟以故

事齋祠戶曹史張機有懲罰貨祠巫自託以舜命約  
公云不得譴公覺其奸態收考首伏即日伏辜遷漢  
陽太守上邳令皇甫真贓罪明審收考髡宮死於冀  
市後以病去徵拜議郎司徒長史循王愷桓帝同產  
以懷逆謀黜對嬰陶王以公長於襟帶拜鉅鹿太守  
惺畏怖明憲檢于靜息自將作大匠徵未到而章謗  
先入故轉拜議郎遂用免官徵度遼將車遷河尹少  
府大鳴臚司徒司空詐病而去悉引衆災雖非已負  
公皆以自克遜位歲餘拜尚書令時河間相蓋升以

朝廷在蕃國時鄰近舊恩歷河南太守太中大夫在  
郡受取如億以上創毒深刻公表升會放狼藉不顧  
天網損辱國家為上招怨當肆市朝以謝兆民幸遇  
贖令罪除惡在可免升官禁錮終身沒入財賂非法  
之物以充帑藏懲戒群下連表上不納而升仙為侍  
中公稱病終徙拜光祿大夫復拜太尉如前遜位復  
拜少府病不職拜太中大夫凡所獲祿皆公府所特  
表選臨難受位自九列之後乃以不耻公紀綱張弛  
氣決不于見是非而作速於登機乃寔居從容申七

和樂寬裕愛士親仁凡見公容貌聞公聲音莫不熙  
怡悅懌思樂模則來者忘歸去者願還雅性謙克不  
吝於利欲惟尔子群孫並在仕次魯無順媚一言之  
求身沒之日無獲大位在百里者莫得好縣比方公  
孫未有若茲者也初公為舍於舊里第卒推與其孤  
至於即世樞損無所清儉仁以與之効於斯為著魏  
魏乎若德允世之表儀也已

東昂銘

維建寧三年秋八月丁丑延公于玉堂前延乃詔曰

其以大鴻臚喬玄為司空拜稽首以讓帝曰俞往三  
讓然後受命公乃虔恭夙夜帝采勤施八方旁作穆  
穆以對揚天子丕顯休命曰在先民毗于天內不著  
股肱必其思心式率天行式昭德音公亦尅紹厥由  
鑒乎法罔敢不法昂于誠罔敢不法昂于誠用總是  
群后保乂帝家勛在方冊民咸曰休哉惟帝念功越  
若采三月丁丑遷於司徒

中昂銘

維建寧四年三月丁丑延公登於玉堂前延乃制詔

曰其以司空喬玄為司徒公拜首以讓帝曰俞往三讓然後受公允迪厥德宣力肆勤戰<sub>上</sub>競<sub>上</sub>以役帝事越其所以率夫百辟媚于天子曰都慎厥循思求同寅協恭以和天衷德則昭之違則塞之田乃不敢不躬枉乃不敢不匡股肱之事既充三事之繇允備灾青作見乃引其青白凡度徵不若彛倫不叙是惟臣之收祇以疾苦表越十月庚午記此

西鼎銘

維光和元年冬十二月丁巳延公于崇德殿前乃制

詔曰其以光祿大夫玄為太尉公拜稽首曰臣聞之三讓莫或克從臣不敢辟臣犬馬齒七十可以生可以死其戮力閉私悉心在公以盡為臣之節于時待軒私階與聞公之昌言者莫不惕厲如履薄冰既乃碑表有代

黃鉞銘

孝桓之季年解甲入塞抄盜起凶奴左部梁州叛羣逼迫兵誅淫衍東移高句麗翮子百固逆謀並發三垂騷然為國憂念四府表公昔在梁州柔遠能通不

煩軍師而軍師克定及在上谷漢陽連在營郡督力  
方剛明集御衆徵拜度遼將軍始受旄鉞鉦鼓之任  
扞禦三垂公以吏士年乃 勤於奔命人馬疲瘁  
撓鈍請且息州營橫發之役以補漸貌朝廷許之於  
是儲廩豐饒奉使不懸人逸馬畜弓勁始利而經用  
省息官有餘資執事無放散之尤簿書有進入之贏  
治兵示威戎士角躍旌旗曜日金鼓奮霆守有山岳  
之固攻有必克之勢羗戎受首于西疆百固冰散于  
東鄰鮮卑收迹烽燧不舉恠事三年馬不帶缺弓不

受驅是用鏤石作茲鉦鉞軍鼓陳之東階以昭公文  
武之勛焉帝命將軍乘茲黃鉞威靈振耀如火之烈  
公之位群狄斯柔齊斧罔設人士斯休

太尉喬公碑

公諱玄字公祖梁國睢陽人也大鳴臚之曾孫廣川  
相之孫東萊太守之元子也膺受純性誕有特表岐  
嶷而起等總角而逸群至于初紳高明卓異為衆傑  
雄其性疾華尚朴有折而不撓臨大節而不可奪之  
風經藝博記周覽博涉瑰琦在前靡所不識當世是

以服重器歸高名州郡交請待以訪斷歷端首則義  
可行馭瓜牙而威以布察孝廉除郎中洛陽左尉以  
公事去辟司徒舉高弟侍御史直道而往用已其蒞  
辟大將軍而府表拜涼州刺史遷齊相以公事去詔  
書印綬即家拜上谷太守遷涇陽太守徵拜議郎司  
徒長史鉅鹿太守被詔書為將作大匠為受罰者所  
音拜議郎即徵拜度遼將軍遷河南尹少府大鴻臚  
遂陟司空司徒託病遜位起家拜尚書令以疾篤稱  
拜光祿大夫後拜太尉久病自替復為少府太中大

夫春秋七十五光和七年五月甲寅薨公性質直不  
憚強禦在憲臺則有盡規之忠領州郡則有虎眈之  
威其拔賢如旋流討惡如霆擊每所臨向清風光翔  
遠近豫震茲可謂超越衆庶彰於遠邇者已於是故  
吏司徒博陵崔烈廷尉河南吳整等以謂至德在已  
揚之由人苟不矯述夫何舍焉乃共勒嘉石永昭芳  
烈遂作頌曰

赫矣喬父秉文握武內為宗幹出為藩輔在憲彈枉  
竟由厥矩允牧于涼劉彼裔土爰將度遼亦用齊斧



敷教四畿旋統京宇敷茲五服衆庶是與膺踐七命  
翼我哲聖登空補袞陟德訓敬尹尉清晨熙帝之政  
終始為貞負章以定遺慶在民皇哀其命立石刊銘  
莫迹斯聽魂而有靈万億其盛

朱公叔議

涇益州刺史南陽朱公叔卒門人陳季珪等議所謚  
云宜曰忠文子陳留蔡邕議曰昔在聖人之制謚也  
將以勸善彰惡俾民興行賢愚臧否依事從實雖文  
武之美靈厲之穢罔不具存自王公已降至于列國

大夫皆用配號傳于無窮秦祚一言謚而黜其事漢  
興以來惟天子與二等之爵然後有之公卿大臣其  
禮闕焉歷世彌久莫之或循益州府君貫綜典術率  
由舊章始與諸儒考禮定議加陳留府君以益州之  
謚是後覽之者亦無間焉今子重纂襲前業不忘遺  
則孝既至矣禮實宜之謹覽陳生之議思忠文之意  
叅之群學稽之謚法夫萬類莫貴乎人百行莫美乎  
忠故夏后氏正以人統教以忠德然則忠也人德之  
至也而猶有三焉孔子曰進思盡忠又曰臣事君以

忠奉上之忠也爲人謀而不忠乎焉能無誨之忠也  
春秋左氏傳小大之獄必有情忠之屬又曰上思利  
人忠撫下之忠也三者人之剛而忠行乎其忠益州  
府君自始事至沒身忠言不輟乎口謀不已乎心其  
在帝室正身危行言如砥矢策合神明蹇上之諫文  
章具存奉上忠矣其在部臣匡諗梁出自一疑心不  
我聽者果有躓覆不測之禍謀誨忠矣爰牧冀州時  
值凶荒勞苦思勤恤度事誅斃貪暴糾戢貴黨雖則  
強禦當官能行夫豈淫刑將有利也發墓盜柩議而

不罪夫豈漏姦察以情矣撫下忠位在牧伯職據納  
言秉權食祿實有年數而君無畜好財貨不益舊糲  
食槩布衾謂之精麗者昔魯季孫行父卒宰庀家器  
無衣帛之妾無食粟之馬君子曰相三君矣而無私  
積可不謂忠乎而謚曰文予春秋外傳曰忠文之實  
也然則文忠之彰也以為實文以彰之事通議合兩  
名一致是忠貞儉也稱文也邾子蘧篠卜遷于史繹  
曰利于民不利於君公曰民苟利矣孤亦與焉於是  
遷而遂卒謚曰文公是危身利民之稱文也衛大夫

孔圉謚曰文子子貢疑焉惟敏而好學不耻下問傳  
尼與之是勤學問之稱文也府君所在屢以忤違玷  
以深患苟除民害死生以之前後三黜一離耳靡於  
身危矣兼包六典侖世作師猶復宗事趙叟示有修  
尊能下問矣有一於此猶可以稱况乃忠兼三義文  
備三德於古志不悖而謚法亦曰宜矣本議曰忠文  
子按古之以子配謚者魯之季文孟懿子衛之孫文  
公叔文皆諸侯之臣也至于王室之卿大夫其尊與  
諸侯並故以公配春秋曰劉卷卒葬劉文公公羊傳

曰劉卷者何天子大夫也經又曰王子虎卒左傳曰  
王叔文公卒而如同盟禮也此皆天子大夫得稱其  
禮與盟同諸侯敵文明也又禮緣臣子咸欲尊其君  
父故雖侯伯子男之臣自稱其君咸得曰公及其卒  
也異國之人稱之皆然是以邾子許男公以葬春秋  
之正義也以列言之則府君王室亞卿也有王叔劉  
氏之比臣子之辭言之則有邾許稱公之文雖無士  
而其位是也今曰公猶可若稱子則降等多以懼禮  
發曰父將詭時聽周有仲山甫伯陽嘉父子賢老之

福老之稱也宋有正考父魯有尼配謚之稱也春秋  
曰孔父子曰伯某父亡之稱也父雖非爵號與同禮  
天子諸侯滅用優賢異亡順平門人臣子所稱之宜  
可於公父之中擇一處焉斯不得稱子而已

鼎銘

忠文朱公名穆字公叔有殷之胄微子啓以帝乙元  
子周武王封諸宋以奉成湯之祀至元子啓生公子  
朱其孫氏焉後自沛遷于南陽穆立節忠亮世篤爾  
行履恪機任守死善道不幸而卒朝廷閔焉今使

謁者中郎楊賁贈穆益州刺史印綬魂而有靈嘉其  
龍榮嗚呼哀哉肆其孤用作茲寶鼎而銘載體功俾  
後裔永用享祀以知其先之德

墳前石碑

維漢二十一世延熹六年粵四月丁巳文忠公益州  
太守朱君名穆字公叔卒于京師其五月丙寅葬于  
宛邑北萬歲亭上陽舊兆域之南其孤野受顧命曰  
古者不崇墳不封墓祭服雖三年無不於寢今則易  
之吾不取也爾其無拘于俗無廢予誠野欽率遺意

不敢有違封墳三板不起棟宇乃作祠堂于邑中南  
白陽里備器鑄鼎銘功載德懼墳封彌久夷子平壤  
於是依德像緣雅則設茲方石鎮表靈域用慰其孤  
罔極之懷乃申詞曰

歆惟忠文特惟朱父實天生德丕承洪緒彌綸典  
術允迪聖矩好是真厲疾彼強禦斷剛若九柔亦  
不茹仍用明夷邁改受侮帝曰休哉朕嘉乃功命  
汝納言之宛遂大宋爵位相襲烈祖尚書令肅宗  
之世守于臨淮考曰先生實為陳留太守乃及忠

文克慎明德以服享祖禰之遺風悉心臣事用媚  
天子顯允其勲績尋綜六藝契闊馳思所以啓前  
惑而竟後疑者疊上為雖商偃其猶疾諸初率孝  
廉除郎中尚書侍郎豐令獨運際存亡之要乃諫  
五事諫謀深切退處畝畝以祭天象享應著為孝  
順晏駕賊發江淮時辟大將軍府實掌其事用拜  
宛陵令非其好也遂以辭獲辟大將軍再拜博士  
高第作侍御史明司國憲以齊百僚矯枉董直周  
不阿順以黜其位潛于郎中羣公並表乃遷議郎

登于東觀纂業前史於是冀州凶荒年饑民匱而  
貪婪之徒乘之為虐錫命作牧靜其方乃據洪化  
奮靈武昭令德塞群遠貞良者封植殘戾芟夷去  
惡囚人獸增王之盜相與比而作慝用陷我非辜  
獲徵拜議郎病免官徵拜尚書清一以考其素正  
直以醇其德出納帝命乃無不允雖寵作齊栗山  
父喉舌靡以尚書享年六十有四漢皇二十一世  
延熹六年夏四月乙巳卒于宮天子痛悼詔曰制  
詔尚書朱胤女祖蹤父拜稽首翼之惟恭謂督不

志夙夜在公吳天不弔降茲篤歿不遺一爰禪屏  
我皇我皇悼心錫詔孔傷但以益州贈之服章  
刊彝得宣昭遺光子七孫未載賢裔

王子喬碑

王孫子喬者民世上之真人也聞其仙舊矣不知與  
於何代傳問道家或言頴川或言彥之初建斯域則  
其斯立傳承先人曰王氏墓紹胤不繼荒而不嗣歷  
載彌年莫之能紀泊于永和元年十有二月當臘之  
夜上有失聲其音甚哀附居者王聞而怪之明則上

其墓察焉洪霄下無人踪見一大鳥跡有祭祀之處  
左右或以為神其後有人着絳冠大衣杖竹策立塚  
前呼樵孺子尹秀謂曰我王子喬也爾勿復取吾先  
人墓前樹也須臾忽然不見時令太山葛熙稽古老  
之言感精瑞之應咨訪其驗信而有徵乃造靈廟以  
休厥神於是好道之儔自遠來集或絃歌以詠太一  
或談思以歷丹田其疾病疔瘵者靜躬祈福即獲祚  
若不虔恪輒顛踣故知至德之省兆真人之先祖也  
延喜八年秋八月皇帝遣使者奉犧牲以致祀祇

之敬肅如也相國東萊王章字伯義以為神聖所與  
必有銘表昭示后世是以賴鄉魏伯陽之踪閔民蒸  
尹喜之風乃為長史邊乾訪及士隸遂樹玄石紀遷  
列傳志之所有覽焉

伊王君德通靈含光耀乘純貞應大道羨久榮漂  
長風葉世俗飛神形翔雲霄浮太清乘螭龍載鶴  
軒戴華蓋奮金齡推羽旗曳霓旌騁同極壽億齡  
然為孝念所生歲終闕孤卅情存墓家舒哀聲送  
鳥跡竟舊城被終衣垂紫纓呼孺子告姓名由此

悟感怖警修祠宇及几筵饋饗進其香時傾顧匡  
流社熙帝庭祐邦國相黔民光景福耀無垠

蔡中郎文集一卷

新刊蔡中郎文集卷之二

漢左中郎將蔡邕伯喈撰

郭有道太原郭林宗碑

先生名泰字林宗太原界休人也其先出自有周王  
季之穆有魏叔者實有懿德文王咨焉建國命氏或  
謂之郭林其後也先生誕膺天秉聰敏明哲孝友溫  
恭仁篤柔惠夫其器量弘深姿度廣大浩々焉汪々  
焉奧乎不可測已若乃砥節勵行直道正辭貞固足  
以幹事隱括足以矯時遂考覽六籍探綜群緯周流



華夏游集帝學教文武之將陞極微言之未絕于時  
纓綬之徒紳佩之士望形表而累附聆嘉聲而響和  
者猶百川之歸巨海鱗介之宗龜龍也爾乃潛隱衡  
門收朋勤誨童蒙賴焉用祛其蔽州群聞德虛已備  
禮莫不能致群公休之遂辟司徒掾又舉有道皆以  
疾之將蹈洪崖之遐跡紹巢由之絕軌翔外以舒異  
超天衢以高時稟命不融享年四十有三以建寧二  
年正月乙亥卒凡我四方同好之人永懷哀悼靡所  
賞念乃相與推先生之德以圖不朽之事僉以為先

民既沒而德音猶存者亦賴之於見述也今其如何  
而闕斯禮於是建碑表墓昭銘景行俾芳烈奮乎百  
世令聞顯乎無窮其詞曰

於休先生明德通玄純懿淑靈受之自天崇壯幽  
潛如山如淵禮樂是悅詩書是敦匪惟摭華乃尋  
厥根宮牆重仞允得其門懿乎其純確乎其操洋  
洋縉紳言觀而高樓運泌立善誘能教赫也三事  
幾行其招委辭召貢保此清妙降年不來民斯悲  
悼爰勒茲銘擄其光耀嗟未來世是則是効之也

文範先生陳仲弓銘

君諱寔字仲弓潁川許人也其先出自有虞氏中葉  
當周之盛德有妣滿者武王配以大姬而封諸太昊  
之墟是為陳胡公春秋之末失其爵土遂以國氏為  
世篤懿德令問不顯君膺皇靈之清和受明哲之上  
咨憑先民之遐迹秉玄妙之淑行投足而軌其軌施  
舍而合其量天其仁愛溫柔足以孕育群生廣大寬  
裕足以包覆無方剛毅強固足以威暴矯邪正身純  
化足以陶冶世心先生有匹德者故言斯可象靜斯

可効是以邦之子弟遐方後生莫不同情瞻仰由其  
模範從其趣尚戾很斯和爭訟化諉雖嚴石猛正迫  
以刑戮未若先生潛導之速也其立朝事上也恭順  
且厲舍章直方無顯諫以彰壘不割高而引長常幹  
州郡腹心之任義則進之以達道否則退之以光操  
然後德立名宣蓋當世辟司徒府納規諫謀主彌三  
事人用昭明台階允寧遷聞喜長清風暢於所漸儉  
節溢於監司郡政有錯爭之不從即解綬去復辟太  
尉府遷大丘長民之治清歛反於端懿者猶草木偃

於翔風百卉之挺於春陽也以所執不協屬所以斯  
舉矣不俟終日辟大將軍府道之行廢有分於命乃  
離密網以就禁錮潛伏不式十有八年大忌蠲除舉  
賢良方正大將軍司徒並辟君曰七十有懸車之禮  
况我過諸遂不應其命容止法度老而彌壯况所履  
行事類博審不可勝故略舉首目其實錄之記在乎  
其傳春秋八十有三中平三年八月丙子卒大將軍  
三公使御屬徃弟祠會葬誄行告謚曰文範先生刺  
夏太守樹碑頌許令已下至於國人立廟舊邑四時

祭嘗歡哀承祀其如祖彌先生存重稱亡歆血食猶  
行於已得斯於人固上世之所罕有前哲之所不遺  
也孤嗣紀銜恤在疚敢錄言行終始所守乃有二三  
友生咨度禮則咸曰君化道神行功有國法施于民  
祀典所宗鄉人之祠非此遺孤不得專辭昔者先生  
其樂茲土築室講誨精靈所寧紀順奉雅意遂定兆  
域宜有銘勒表墳墓俾後生之歌詠得音者知丘封  
之猶存也乃作銘曰

於熙文考天授弘造淵玄其深巍峩其高剛而無

虐柔而不撓誕鋪模憲亦世作教君之誨矣民胥  
効矣道行斯進廢乃斯止鮮我顛泰既多幽否舍  
榮取辱涅而不緇德之休明賤不為耻超邈其猶  
莫與方軌

陳太丘碑

先生諱寔字仲弓潁川許昌人也含元精之和膺期  
運之數兼資九德總修百行於鄉黨則恂々焉斌々  
焉善誘善導仁而愛人使夫少長咸安懷之其為道  
記用舍行藏進退可度不徼訐以干時不遷怒以盜

下四為郡功曹五辟豫州六辟三府再辟大將軍寧  
隨事半歲太丘一年德務中庸教敦不肅政以禮成  
化行有識會遭黨事禁錮二十年樂天知命澹然自  
適交不諂上愛不黷下見機而作不俟終日及文書  
於宥時年已七十遂隱丘山懸車告老四門備禮闕  
心靜居大將軍何公司徒袁公前後招辟使人曉喻  
三欲待表便可入踐常伯起補三事佩紆金紫光國  
重勳先生曰絕望已久飾巾待期而已皆遂不至弘  
農楊公東海陳公每在袞職群僚贊之皆奉首曰穎

川陳君命世絕倫大位未躋慙於文仲竊位之負故  
時人高其德重於公相之位也年八十有三中平三  
年八月丙子遭疾而終臨沒顧命留葬所卒時服素  
棺槨財周襯喪事唯約用過乎儉群公百僚莫不咨  
嗟叢叟知名失聲揮涕大將軍吊祠錫以嘉謚曰徵  
士陳君稟岳瀆之精包靈輝之純天不憖遺一老俾  
身我王梁崩哲委于時靡憲晉紳儒林論德謀績謚  
曰文範先生傳曰郁々乎文哉洪範九疇彝倫攸叙  
文為德表範為師則存誨沒號不亦宜乎三公還令

祭以中牢刺史敬弔太守南陽曹府君命官作誄曰  
赫矣陳君命世是生令光醇德為士作程資始既正  
守終有令奉禮終沒休矣清聲遺官屬掾吏前後赴  
會刊石作銘府丞與比縣會葬荀慈明韓元長等五  
百餘人總麻設位哀以送之遠邇會葬於人已上河  
南尹神府君臨郡追嘆功德述錄高行以為遠近鮮  
能及之重部大掾以成時銘斯可謂存榮沒哀死而  
不朽者也乃作銘曰

我々崇岳吐符降神於皇先生抱寶懷珍如何吳

穹旣喪斯文微言已絕來者曷聞交、黃鳥命不可贖哀何可極

### 陳太丘碑

維中平五年春三月癸未豫州刺史典以褒功述德政之大經是以作謚封墓興於周禮衛鼎晉銘其昭有實故太丘長穎川許昌陳寔字仲弓含聖哲之清和蓋人才之上美光明配於日月廣大資乎天地辟四府宰三城神化著於民物形表圖於丹青魏、爲其不可尚也洋洋乎其不可則也儉約違時懸事致

任微碎交至遂不胥就春秋八十有三寢疾而終人將軍賜謚群后建碑國人立廟先有二子季方元方皆命世希有繼期特立季方盛年早六亦圖容加謚元方在喪毀瘁消形嘔血絕禮過哀率礼不越於時嘉蓋像郡國欽盛德之休明懿鍾鼎之碩義乃樹碑鐫石舊世寵光於堊先生冠耀八荒闡德之宇深道之網繼期立表以訓四方惟亮天工群生之望高明允實有馥其芳載德亦世休有烈光欽慕在人舊有憲章過牧斯州庶奉清塵弃子而邁靡瞻靡聞嗟我

懷矣曷所咨詢告哀金石戒昭其勤

汝南周巨勝碑

君諱總字巨勝陳留太守之孫光祿勳之子也君應  
坤乾之淳靈繼命世之期運玄懿清廟貞厲精粹  
仁足以長人嘉德足以合禮總六經之要括河洛之  
機授天心以立均贊幽明以揆時沈靜微密淪於無  
內寬裕弘博含乎無外之織罔不總也是以實繁於  
華德盈乎譽初以父任拜郎中疾去官察孝廉是時  
郡守梁氏外戚貴寵非其好也遂以病辭太守復察

君蓋乃俯而就之以明可否然猶私存衡門講誨之  
樂不營已也又委之而旋故大將軍梁冀專國作威  
海內從風世之雄材優逸之徒莫不委質從命而顛  
覆者蓋以多矣聞君洪名前後三辟而卒不降身由  
是縉紳歸高辟公事德大尉司徒再辟三辟察賢良  
方正州率才襄賁令省病不就擾攘之際災青仍發  
聖上詢諮師錫策公車持徵君仰瞻天象俯效人事  
世路多險進非其時乃託疾杜門靜居里巷無人跡  
外庭生蓬蒿如此者十餘年強禦不能奪其守王爵

不能活其慮至延喜二年乃更闢門延賓享宴醴樂  
及秋而梁氏誅滅十二月君卒然則識機知命可觀  
於斯矣洋洋乎若德雖崇山千仞重淵百尺未足以  
喻其高究其深也夫三精垂耀處者有表爰在上世  
作者七人焉有該有行備九德齊光日月洞靈神明  
如君之至者與亶所謂天民之秀也享年五十不登  
期考遐邇嗟悼痛心失圖乃振與建碑勒銘以旌休  
美其辭曰

厥初生民天賜之性有醜有醇有否有聖伊茲圖

君允丁其政誕效明德自始至今與乎其文如星  
之布確乎不搖如山之固追踪先緒應期作漢潛  
心大猷譚思德謨遁世無悶屢辭王寮洋洋必立  
于以道造意尔童蒙是訓是教瞻彼榮寵譬諸雲  
霄優哉游哉侔此弘高名振華夏光耀昆苗清風  
丕揚德音孔昭

彭城姜伯淮碑

先生諱肱字伯淮彭城廣人也其先出自帝胤在皇  
唐蓋与四岳其業能礼於神舜命秩宗爰封于宮其



裔呂望佐周剋殷俾侯齊因姓有姜氏即其後也高  
祖上父皆豫章太守穎陰令先生既踏先之純德牀  
歟之高姿立性純固百行循備但其平生所能事親  
惟孝友如大舜五十而慕友于兄弟有棠棣之華焉  
諱之度躅惠理和有上德之素安靜守約有及嬰兒  
恬蕩之固至操動信邑中化之外元不閉治藏無隱  
及其季而知之者三墳五典八索九丘俯仰占候推  
步陰上有名物定事之能獨見先覩之効然猶奪而  
不厭誨人不倦童冠自遠方而集者蓋千餘人夫水

盈而流德交而形是故德行外著洪声外布華夏同  
稱名振當世凡十辟公府九宰賢良方正公車徵玄  
纁禮聘又家拜建為太守太中大夫先生盤桓育德  
莫之肯就 不隕獲於貧賤不充詘於富貴接乎其卒  
出乎其類生民之傑也年七十有七建安二年四月  
辛巳卒於是從弟子陳留申屠蟠等悲悼傷懷惟微  
言之欲絕成絕論之筆乃建碑於墓甄述景行述矣  
先生應天淑靈孝友是備上德是經弘此文藝就怡  
其寧恂上善誘童冠來誠有 其與有聲顯上

群公 十有令赫上聖皇仍獲其聘交策辟固守此  
玄龍綽乎其依確乎其操疇昔洪崖雙名並高嗟乎  
頽後緝紳衣綽依上我徒靡則靡効勤名金石彌而  
益睢

貞節先生陳留范史雲銘

先生諱丹字史雲陳留外黃人陶唐氏之後也其在  
周室有士會者為晉大夫以受范邑遂以為氏漢文  
景之際爰自南陽來家于成安生惠及廷三年官至  
司農廷尉君則後也君受天正性志高行潔在平初

弱固已藐然有烈節矣時人未之或知君為縣吏而  
從佑進非其好也退不可得乃託死遁去親戚莫知  
其謀遂隱竄山中涉五經覽書傳尤篤易尚書孝立  
道通久而後歸遊集太孥知人審友苟非其類無所  
容納介操所在不顧貴賤其在鄉黨也事長惟敬養  
惟惟愛言行奉勤斯為措式郡縣請召未嘗屈節其  
有備礼招延虛已訒正亦為謀奏其忠直以處士奉  
孥薦除郎中君乘蕪長未出京師喪母行服故事闕  
闕後還郎中君遂不從州郡之政凡其事君過則彌

之闕則補之通清夷之路塞邪枉之門奉善不拘階  
次屈惡不畏強禦其事繁多博不可詳載雅性謙儉  
躰動能苦不樂假借與從事荷傳徒行人不堪勞君  
不勝其逸辟太尉府俄而冠帶士或以群薰見嫉時  
政用受禁錮君離其罪閉門靜居九族中表莫見其  
面晚郎禁寬困於屢空而性多檢括不治產業以為  
卜筮之術得因吉凶道治民情以受薄賈且無咎累  
乃嚮卦於梁宋之域好事者菴之應時輒去禁既蠲  
除太尉張公司徒崔公前後四辟仕不為祿故不庠

於位諱不苟合故特立於時是則君之所以立節明  
行亦其所以後門矢途也年七十有四中平二年四  
月卒太尉張公兖州劉君陳留太守淳于君外黃令  
劉君僉有休命使諸儒叅察典札作誄著謚曰貞節  
先生昭其功行錄記所履著於耆舊刊石樹銘光示  
來世

於顯貞郎天授懿慶誕茲明哲允迪得譽如淵之  
清如玉之素園之不濁涅水不汚用行思忠舍藏  
思周伯夷是師史鮪是慕榮貧安賤不悵窮達耳

死善道遺名之故身沒善存声休載略

玄文先生李子材銘

玄文先生名休字子材南陽宛人也其祖李伯陽周  
柱下史覲衰世而適為其後雄俊豪傑往々嘖出有  
戰國自漢名臣繼踵枝胄散遷其于宛尚矣王莽為  
位漢祚中移考翼佐世祖匡復郊廟錫封茅土卿  
牧守于時相逐休少以好學游心典謨既綜七經又  
精群緯鈎深極奧窮覽聖旨君則玩其辭動則察變  
雲物不顯必考其占故能獨見前識以先神意若古

今常難疑義錯繆前人所希論後學所不能見休及剖  
判剖散幽暗昭爛猶發積於目所不覩體所不聞遂  
登東岳歎百王遺風習容闕里以叶禮中退而講誨  
童冠仰焉傳上如也郡署五官掾功曹司空胡公顯  
以儒者特進大鴻臚仍禮優請固秉讓虛辭此三命  
不為利回不為義改臨寵審已不動其守可謂純潔  
皓素綽有餘味者已其於鄉黨細行敦睦九族篤信  
父友不可得而詳也初妃出後妃未字年既五十苗  
胤不嗣以永壽二年夏五月乙未卒凡其親詔朋徒

慶味相與大會而葬之。昀俎之禮節文曲備時令。戴  
君臨喪命謚郡遣丞掾冠蓋咸屆既定而後罷焉。於  
是固好交舊僉以為仲尼沒文不在茲。韜積美玉喪  
英賈之求而無繼。悽尔永息乃刊斯石。懿德是不  
于茲先生秉德恭勤天啓哲心其繇孔絕經緯是  
綜雅麗是分行已守道匪礼不遵處約不威聞宥  
不欣榮不能華威不能震天仁厥命以尚以仁有  
惠云載惟邦之珍安與考謚也。以玄文身沒名彰  
配黔作隣遺善罔極丕昭億年嗚呼哀哉。

處士國叔則銘

伊漢二十有一世處士有國典字叔則者夫其生也  
天真淑性清理條暢精微周密包括道要致思無利  
深總曆却織入真文藻分葩如春之榮守根據窮不  
虛其聲偉德若茲惟世之英乃逸隱身高藪稼穡孔  
勤童蒙來求魁之用文不義富貴譬諸浮雲州郡礼  
招休命交集徒如名位而已莫之能起也。博士徵奉  
至孝耻已處而復出若有初而無終絜耿介於丘園  
慕七人之遺風年七十有五建寧二年六月卒臨沒

顧命曰知我者其察豈乃為銘載書休美俾來昆裔  
永有諷誦以先生之德其辭曰

民之齊敏卓時挺生思心精敏綜物通靈術有玄  
妙于時游情聞道賄異惕然若寫守死善操與世  
無營渾其若濁徐然後清綽其若煥終其益貞有  
恒矣誰獨秉其經嗟來世尔是瞻是聽

新刻蔡中郎文集二卷終

新刻蔡中郎伯喈文集卷之三

司空楊秉碑

公諱秉字節叔弘農華陰人也其先蓋周武王之穆  
胥唐叔之后也末葉以支子食邑于楊因氏馬周家  
既微耆曾無緒暨漢興烈祖楊熹佐命征伐封赤泉  
侯嗣子業綾冕相繼公之丕考以忠蹇亮弼輔考安  
登司徒太尉公承風緒世篤儒教以尚書歐陽某京  
氏誨授四方學者自遠而至蓋踰三千初辟司空舉  
第拜侍御史遷豫州兖州刺史任城相徵入勸講拜

太中大夫左中郎將尚書出補右扶風留拜光祿大夫  
夫遭權嬖貴盛六年守靜外戚火燔尔乃遷大僕太  
卿公事繼位陝辰之間俾位河南攢疾強見遴姦黨  
用嬰胸靡起家復拜太常遂陟上司沙汰海內料簡  
貞實抽拔喪達與之同蘭芳任器重從駕南巡為朝  
德然知權過於寵私富俸國大因苛有望變復還條  
表聞啓導上怒其時所免州牧郡守五十餘人饗矣  
是絀英才是列善否有章京夏清肅在位七載年七  
十有四延熹八年五月丙戌薨朝廷惜焉寵賜有加

自奉嚴初動遵禮度量村受任當官而行不為義疾  
唯是苛政固其守厨無宿肉器不樓雕宿喪嬪儷妾  
不嬖御可謂立身無過之地正疾枉清儉該備者矣  
昔仲尼有垂三戒而公克焉故能匡朝盡直獻可去  
奸忠侔前後聲塞宇宙非黃中純白窮達一致其惡  
能立功立事敦聞于下昭升于上若茲魏、者乎於  
是門人學徒相與刊石碑表勒鳴勳讚懿德傳億年  
於戟公惟岳靈天挺德翼精神綢緼仁哲生應台任  
作邦賴帝欽亮訪典刑道不或迄有成光遐邇穆其

清

司空臨晉侯楊公碑

皇帝遣中謁者陳遂侍御史馬助持節送柩陳遵桓  
典蘭臺令史十人將羽林騎鉦車介士前後鼓吹以  
驃騎將軍官屬及司空法駕與公鄉尚書三臺已下  
葬我文烈侯三年九月申申小祥會如初四年九月  
戊申大祥公鄉尚書三臺已下會如小祥之禮公之  
祖納忠於前朝以離艱禍父隱約蟄卒蟄治家師  
尊唯儉之尚公生值謙褊資賄廢空手執勤役定跡

道里以修經術險阻難曷所不嘗侍以其靜烈其  
密固動則不違則競度容覆載無競伊人謀無不處  
言無不信自在弱冠布衣之中固以流芳名茂實公  
孫同倫莫能齊焉者矣州郡禮招莫之能屈委百里  
位辟公事令自侍御史侍中已往道為帝師德為世  
表體尊名重階級彌崇而公處以恭遜行以固慎得  
大而心小居高而志降夫驕吝之壹周公其猶病諸  
而公恍然以為行首不亦泰乎及其所以匡輔本朝  
忠言嘉謀造膝詭辭當事而行言從既不敢納亦不



敢宣密誠潛功貽于帝躬家無遺草論者不見嗟乎  
為達事君之軀得人臣之上儀諸已以貴不貴歸非  
不樂引美故雖彷彿猶不敢載以順公之雅初受封  
自以功不副賞前後固辭章凡十上憂愠情之形于  
容色雖不克從情旨昭顯晚節為廷尉公曰昔在三  
后成功惟殷于民而臯陶不與焉蓋咨弓之也及為  
特進又曰唯漢重臣中興以來克稱斯位者其惟高  
密元后乎吾何得以堪諸寢疾頓命無辭要言約戒  
忠儉而已孤處銜恤求恩懇禱而獲以贊銘之

赫々列侯卓爾超倫於唯揚公乃華降神故能名  
哲德亞聖人受茲介福位極人臣包羅五典本道  
根真為國之師海上經文頻曆鄉校五登鼎鉉建  
名著忠確越前賢撥災興化蚌蟹不臻風雨有時  
屢獲有年三乘宰相應祚于天臨晉是侯子々孫  
孫億兆不窮如山之堅四時潔祠以承奉尊祀事  
孔明奉亡如存馥々芬々以慰顯魂

漢太尉楊公碑

公諱賜字伯猷弘農華陰人姬姓之國有楊侯者公

其後也其在漢室赤泉祐高丞相翼宣咸以盛德光  
于前朝祖司徒考太尉繼跡宰司有勛力公承家崇  
軌受天醇素欽承奉構閑于伐何烈風維而不易其  
趣文以典籍尋道入奧操清行廟潛晦幽閑人事不  
咎州郡之命辟大將軍府不得已而應之遷陳倉令  
公乃因是行退居庐公車徵以病辟司空奉高第拜  
侍中越騎校尉帝篤先業將問故訓公之群公之萃  
進受尚書于禁中遂少府光祿勳敬揆百事莫不時  
序度伊知恤閭闔推清列作司空地平天成陰陽不

咸公遂身退託疾告退又以光祿大夫薨命司徒五  
品宣給人倫燮和理股肱耳目之任華不克明及至  
太尉四時順動三時先潤群生豐遂太和交薄作六  
卿五蹈三階受爵開國應位特進非盛德休功假于  
天人孰能該備寵兼包令錫如公之至者乎公躰資  
明啓長於知見凡所辟選升諸帝朝者莫非瑰才逸  
秀拜彖儲佐惟我下流二三小臣穢損清風愧于前  
人永亂合同僚各所審紀公勲績刊石立銘以慰永

懷

釐降絕畷篤生柔嘉俛胤祖考光輔國家三崇在  
服帝載用和奧絜我公凡執丕貞在棟伊隆于昂  
斯寧德被宇宙華夏以清受茲介福履祚孔成爲  
邑河渭袞冕綬綬以佐天子祇事三靈丕顯伊德  
萬邦作程爰銘爰贊式昭懿聲

文烈侯楊公碑

公諱賜字伯猷兼通五典周覽篇籍以爲尚書帝王  
之壯士有國之大本也是以三葉相承所其義指五  
代之微言王政之約罔網不尋其端源究其條貫

乎其見聖人之情旨也蓋以翮騰餘縱思高游夏以  
初潛山澤授誨童冠後生問以發祛蔽文其材素者  
蓋不可勝數乃由宰府遂作帝臣于時聖幼將入學  
群公以溫故知新德宜師保乃以越騎校尉援于光  
光之內帝座已北面以納大誨其聞人善誘則恂  
焉罔不伸也引情致踰則閭焉罔不釋也迄用有  
成緝熙光明惟帝念功六在元鄉三事勛假皇天澤  
充區域疆土建封申增戶邑人臣之極位兼而有之  
然處豐益約九命茲恭可謂高朗令終有始有卒者

已於是門生大將軍何進等瞻仰涿泗公喪之禮  
合明徒稽諸典則僉以為匡弼之功政事之實則詔  
策諫諍故臣志其詳若夫道術之美授之方策則是  
門人二三子所特貴綜敢竭不才譔錄所審言于碑  
乃申頌曰

魏之聖猷匪師不昭十子困蒙匪師不教於皇文  
父邈哉伊超如玉之固如嶽之喬我之斯堅仰之  
彌高示我顯德授我無隱正席傳道承帝之問誨  
茲一人萬邦作順微之我徒實賴遺訓文武作式

元勛既奮光啓爵土垂統末胤存榮亡哀沒而不泯

司空文烈侯楊公碑

曰漢有國師司空文烈侯楊公之孫太尉  
公之胤子皇祖考以懿德胥及肆勤或建休勲啓洪  
範公祗服弘業亮丕堂構小乃不敢不慎大亦不敢  
不戒用罔有戮言失行在於其躬洎在於舉先志載  
言罔不做該乃自宰臣以從王事立功不有用辭其  
祿筮作御史允執國憲納于侍中在帝左右爰董武  
授王師孔閑群公舊德碩儒道通術明宜建師保廷

入華光侍宴露寢敷典誥之精旨達聖王之聰叡帝  
以機密齋栗常伯處任鮮克知臧以釐其采命公再  
作少府俾率其屬以熙庶績天地作儉國家丕承軍  
門祛襟式遏寇虐命公再作光祿亦總其熊羆之士  
不貳心之臣保乂帝家若々大理惟制民命々公作  
民尉惟刑恤之勞施惟明折獄蔽罪于憲之中亦三  
禮六樂國體元幹命公作太常明德惟馨八音克諧  
神人以和永世豐年溥天率土而衆莫外命公作司  
空翊明其政惟天陰隲下民彝倫所由順序公唯哉

之時惟休哉親百姓敷五教命公作司徒而敬敷父  
義母慈兄友弟恭子孝時惟休哉昭孝於辟雍命公  
作三老帝躬以祗敬導有虞於上庠茫々大軍垂光  
烈耀命公作太尉璇幾連周七精循軌時惟休哉帝  
欲力干四方公則長之辟道或回公則弼之夏恭夙  
夜不敢荒寧用對揚天子大簡其勲用授爵賜封侯  
于臨晉功成化洽景命有頃帝乃震慟執書以泣命  
於左中郎將郭儀作策賜公驃騎將軍臨晉侯印綬  
兼號特進謚以文勲之命異備而後即世肆其孤彪

敬儀古式昭銘景烈

天鑿有漢誕先元輔世作三事勛在王府乃及伊  
公克光前矩悉心畢力胤其祖武化合群心澤漫  
綿宇帝曰文烈勝嘉君功為邑河渭建茲封土申  
備九錫以祚其庸位此特進于異群公昔在申品  
匡佐周宣嵩山作頌大雅揚言今我文烈帝載用  
勲叅光日月比功四時身沒名存永世慕思

琅邪王傳蔡胡碑

君諱胡字仲明蓋倉頡之精胤姬稷未胃也昔叔度

文王之昭建侯于蔡以國氏焉迄于平襄周祚微缺  
王室遂卑齊晉交爭強楚侵陵昭侯徙於州采公族  
分遷氏宗干圍奕乘載德常歷宮尹以建于茲君雅  
操明允威厲不猛履孝弟之性懷文藝之才包洞典  
籍判摘沈祕知機達要通含神契既討三五之術又  
采二帝之業以魯詩告授生徒雲集莫不自遠並至  
栖蓬不易其志葦食曲肱不改其樂心棲清虛之域  
行在玉石之間是以德行儒林智周當代四岳稱名  
帝曰余聞元和元年徵拜博士舒演奧祕贊理闕文

所立卓爾度躡雲縱其選士也抑規枉錯進聖擢倖  
極遺逸於九臯揚明德於仄陋拔茅以彙幽滯用際  
加以清敏廣罕好是正直規誨之策曰諫王庭忠讜  
著烈令聞流行聖朝以審國貴先帝遺體或以繼絕  
襲位正於何保未洽雅訓驕盈僭差或蹈憲理非弘  
直碩儒莫能匡弼察君道審行修德進退可度遷河  
間中尉琅邪傳及從經行術之方示以謀謀之威率  
禮莫違乃國用靖雖安國方輔梁孝仲舒之相江都  
靡以加焉勲績既盛帝簡其功將授上位遷紫官壽

不來遘此疾凶年五十八永興六年夏卒

嗚呼哀哉凡百君子咨痛罔極殷懷傷悼流惻如  
何昊天喪我師則爰勒銘式昭其德天敏明哲  
於赫我君含弘光大玄覽孔真潛樂教思韞玉衡  
門雲龍感應莽徒三千珠藏外耀鶴鳴聞天若時  
徵庸登祚王臣統彼前疑定此曲文恭佐七德俾  
相二番身沒稱顯京遺令勲表幸揚名垂示后昆

劉鎮南碑

君諱表字景升山陽高平人也君膺期誕生瑰諱大

度黃中通理傳物多識為郡功曹千里稱平上計吏  
辟大將軍府廷比軍中侯在位十旬以賢能特選拜  
刺史莅州永漢元年十一月到官清風先馳莫不震  
肅奸軌改節不仁引頸爾乃班愷、流惠和慕郡唐  
叔之野棠思王遵之驅却策賦政造次德化宣行俄  
而漢室大亂禍起蕭牆賊臣專政豪雄虎爭縣邑間  
里奸仇煙發州縣殘破天下土崩四海大壞當是時  
也雖有孔翟之聖賢諸貢之勇勢無所措其智力君  
過險而建略遭難而發權招命英俊援得驍雄謀臣

武將合策明計出自北境遷屯漢陰因滄浪以為隍  
因春乘以為庸南撫衡陽東綴滄沂西靖巫山保义  
四疆選才任良武序賢能簡將命卒棊布星陳備要  
塞之戍八方之邊勸穡務農以田以漁糝粟紅腐年  
穀豈夥江湖之中无劫掠之患沅湘之間无攘竊之  
民郡守令長冠帶章服府寺亭鄉崇棟高門如皆舊  
當世知名輻輳而至四方樞負自遠若歸窮山幽谷  
於是為邦百工集趣機巧万端器械變通判民无窮  
鄰邦懷慕交揚益州盡遣驛使以冠蓋相望下民有康



我之歌群后有歸功之緒莫匪嘉績克厭帝心即遷  
拜教又遷安南將軍領州如故于時諸州或失土流  
播或沒害人民死喪百遺二三而君保完万里至干  
滄海聖朝欽亮析主授上俾疾成武遣御史中丞鍾  
繇即拜鎮南將軍錫鼓久大車策命褒宗謂之伯父  
置長史司馬從事中郎開府辟召儀如三公忤復遣  
左中郎將祝耽援節以增威重并督交揚二州委以  
東南惟君所裁雖周召授分陝之任不遠之也交州  
殊遠王塗未夷之民帝附大小受命其郡縣長吏有

缺皆來請之君權為遷置以安荒裔輒別上聞齊桓  
遷刑封衛之義也此功既亢廣開雍泮設俎豆陳黜  
彝親行鄉射躋彼公堂篤志好孝吏子弟受祿之徒  
蓋以千計洪生巨儒朝夕講誨閭如也雖洙泗之  
間孝者所集方之篋如也深愍未孝遠本窮直乃令  
諸儒改定五經章句刪剗浮辭芟除煩重贊之者用  
白少而探微知機者又尤遺書寫遷新者留其本故  
於是古典集必膺州閭及延見武將文吏教令溫雅  
禮接優隆言不及軍旅之事辭不遷官曹之文上論

三墳八索之典下陳世忠義之方內岡如秋霜外柔  
如春陽不伐其善不有庸如彼川流每往茲通可謂  
道理丕才命世希有者已仁者壽宜享胡苟昊天不  
弔年六十有七建安十三年八月遘疾殞薨耕夫罷  
耜織女投杼老幼哀號若喪父母時道路艱險留墳  
州土轉移葬端立墓父勉其子妻勉其夫欲共扶送  
至于鄉里南鄉太守樂陽亭侯曼恩等言及志在州  
里者自各發卒具送靈柩之資授徵拜五官中郎將  
乃共上歸本縣葬見聽許太和二年葬于先茆於是

臣故新淪休伐以為申伯朝侯之翼周室受輅車乘  
馬玄裘赤寫賜詩入詠功烈于大雅至今不朽况乎  
將軍收二州二紀功載王府賜命優備賴而生者毓  
子孕孫能不歌歎乃作頌曰

猗歟將軍膺期挺直桓々其武溫々其仁初幹千  
里允顯使臣幕府禮命集于此軍督齊禁旅如熊  
如羆奮然南顧綏我荆衡將軍征采民安物豐江  
湖交壤刑清國興蔽芾年棠召伯聽訟周人勿刻  
我賴其報欲報之德胡不億年如何殂逝孤棄萬

氏鑄勒之石以紀洪勳昭示來世垂芳後昆

新刊蔡中郎伯喈文集卷之三終

新刊蔡中郎伯喈文集卷之四

太傅安樂鄉侯胡公碑

公諱廣字伯始交趾郡尉之元子也公應天淑稟發  
性貞固九德咸修百行畢備遭家不造童而夙孤上  
奉繼親下慈弱弟崎嶇險約之中以盡孝友之道及  
至入學從訓歷觀古今有生而知之聞一覩十見以  
同覽六經博總群議旁貫憲法通識國典年二十七  
察孝庶除中尚書侍郎尚書左丞尚書僕射幹練機  
事綢繆樞極中亮唯允簡于帝心周密冠于庶事迂

濟陰太守其為政也寬裕足以容眾和柔足以安物  
剛毅足以威暴體仁足以勸俗故禁不用刑不用賞  
其下望之如日月從之如影響思不可忘度不可革  
道愛洽於人心超無窮而垂則徵拜大司農遂作司  
農遷太尉以授立之封安樂鄉侯錄尚書事耨疾屢  
鮮策賜詔第復拜司空功成退和立特進又拜太尉  
復以特進致命休神又拜太尉遜位歸爵旋於舊土  
徵拜太中大夫尚書令太僕太常司徒永康之制以  
定策元公復封前邑錄尚書事疾病詔第又授太傅

入恭橫衛五昭九列七統三事諒闇之際三據象宗  
和人事於宗伯理水土於下台訊五品於司耀三辰  
於上階光弼六世歷載三十自漢興以來鼎臣元輔  
蓋哀老成勲被萬方与祿終始未有若公者焉春秋  
八十二建寧五年三月壬戌薨于位天子悼惜群后  
司農詔五官中郎將任崇奉冊贈以太傅安樂鄉侯  
印綬拜室家子一人郎中賜東園祕器賜絲帛含飲  
之備中謁者董詡弔祠護喪錢布賻賜率礼有加賜  
說曰文恭昭显行迹四月丁酉葬于洛陽塋故吏濟

陰池喜感父之義率慕黃鳥之哀推尋雅意徬徨日  
二休績丕烈宜宣于此乃樹石作頌用禡德音詞曰  
於皇上德懿錄孔純大孝昭備思順履信膺期命  
世保茲旧門淵泉休茂彪炳其文爰尚天裁翼上  
惟恭夙夜出納紹跡魚兪賦政于外神化玄通音  
被汝南越用熙雍帝曰休哉命公三事弓耀柔嘉  
式是百司股肱元首庶績咸釐二氣變雍五微采  
備動格皇天澤洽后土封建南蕃受茲介祐王藻  
在冕葦服艾甫路車雖鑿四牡修扈贊事上帝祇

祠宗祖陟降盈虧與時消息既明且哲保身遺則  
同軌且爽光充區域生榮死哀流統同極

胡公碑

公諱廣字伯始南郡華容人也其先自媯姓建國南  
士曰胡子春秋書焉列于諸侯公其後也考以德行  
純懿官至交趾都尉公寬裕仁愛覆載博大研道知  
機窮理盡性凡聖哲之遺教文武之末墜罔有不綜  
年二十七察孝廉除郎中尚書侍郎左丞尚書僕射  
命內正機衡允釐其職文敏暢乎庶事密靜周乎樞

機帝用嘉之遷濟陰太守尔乃布愷悌宣柔嘉通神  
化道靈和拂揚惠風以養真激清流以盪邪取忠肅  
於不言消奸究於瓜牙是以君子勤礼小人知取難  
林息於官曹刑戮廢於朝市餘貨委於路衢餘種播  
于畝畝遷汝南太守增修前業考績既明入作司農  
實掌金穀之淵藪和鈞關石王府以充錄作大尉宣  
暢渾元人倫輯睦日月重光遭國不造帝祚無主授  
立孝桓以紹宗緒用首謀定策封安樂鄉侯少邑之  
如加于群公入錄機事聽納總已致位就第復拜司

司空敷土導川俾順其性功逸身退告疾固辭乃為  
特進爰以休息又拜太常典司三禮敬恭禋祀神明  
嘉歆求世豐年聿懷多福復拜太尉尋中前業又以  
特進逍遙致位又拜太常遺疾不夷遜位歸爵遷于  
舊都徵拜太中大夫延和末年聖主革正幸臣誅薨  
引公為尚書令以二千石居官委以閫外之事釐改  
度量以新國家弘綱既整袞闕以補乃拜太僕車正  
馬閑六駟習訓遷太常司徒成宗晏駕推建聖嗣復  
封故邑與叅機密寢疾告退復拜太傅錄尚書事于

春秋高矣繼親在堂朝夕定省不違子道旁無几杖  
言不稱老君喪致哀卒禮不迨其接不答賓雖幼賤  
降等禮從薰尊而彌恭勞思萬幾身勤心苦雖老業  
子嬰兒其服方叔克壯其猷公曰納于台屋正考父  
俯而循休曷以尚茲夫蒸之至孝德本也體和履忠  
行極也博聞周覽上誦勤勞王家茂功也用能十登  
三事薦受介趾亮皇世於六王嘉無績於九有窮生  
之光寵享言耆之遐紀昭明德以保身與福祿乎終  
始年六十有二建寧五年春壬戌薨于位天子悼痛

則文選誄語曰文養如前傳之儀而有加焉禮也故  
吏司徒許詡等相與欽慕崧高蒸民之作取言特計  
功之則論集行跡銘諸琬琰其詞曰

伊漢元輔時惟文恭聰明睿哲思心卒容畢力天  
機帝休其庸賦政于外有邈其蹤進作鄉士粵登  
上公百揆時叙五典克從萬邦黎獻且唯時雍勲  
烈既建爵土乃封七被三事再作特進弘唯勿冲  
作傳以訓赫之猗公邦家之鎮澤被華夏遺愛不  
淪日與月與齊先並運存榮亡顯沒而不泯

胡公碑

維漢二十有一世建寧五年春三月既生魄八日壬戌太傅安樂鄉侯胡公薨越若來四月辛酉葬我君文恭侯於是掾太原王允鴈門畢整屬扶風魯宙潁州敦歷等僉為公之德也築而不犯威而不猛文而不幸實而不朴靜而不滯動而不躁總天地之中和覽生民之上操聰明膺敏蕪先覺涉觀憲法契闊文學睹臯陶之闡闡孔子之房奧然而約之以礼守之以恭寬之以納衆汎愛多容其誘仁也恂々焉怡々

其使天蒙意開圻復勞偽戾優順逸者能夫勤信及其創基即位發跡機密聖朝其知其能夙夜惟寅以允帝命是以頻繁機極三升而不出焉乃還譚其舊章彌綸古訓貫萬品研精微用補之前臣之所缺十年而無愆強計可乎富平周慎逸於博士偶山甫平喉舌疋虞龍而納言唯帝命工以二郡其為政也導人以德師不以已教以忠肅厲以知耻人悅其化天樂其和士相競於公朝民勸行於私家徽墨縈而靡係鞭朴棄而無加洋々乎若德宣滋嚴以為威寬以



為福而已。執五作卿士七蹈相位。太僕司農太傅司  
空各一。司徒特進名二。太常太尉各三。光輔六。世歷  
載三千有餘。其致之也。通水泉於潤下。繁后土於稼  
穡。訓五品於群黎。參人勳於區域。耀三辰於渾光。叮  
大中於皇極。傳聖於幼冲。率曰。奠於舊職。譬彼四特。  
功成則退。在盈思中。升降以順。建封域於南土。踐殊  
域於特進。榮祿統業。垂乎來胤。公自二郡及登相位。  
凡赫許用。遂至大位。者故司徒中出。祝括其餘。登堂  
闈。據賦政。策勲衽。功流化者。蓋不可勝載。唯我永臣。

頑蔽無聞。仰慕群賢。惡乎不及。自公寢室。至於薨。臨  
參與。嘗禱列在。喪位。雖廢物戮力。不愆于禮。進睹墳  
塋。几延靈設。退顧俯廊。然永闕感悼。傷懷心肝。若割  
相與。累次德行。並舉功勳。刊之于碑。用意哀思。  
煥文德。伊朝后。應期運。作漢輔。喜中丹膏。民主澤。  
洪溥。亶攸序。亘地區。充天宇。麟高達。踵退武。揚景  
烈。垂不矩。仰遂古。耀昆後。

大傳祠前銘

天蓋有漢山岳降靈於肅文恭應期誕生好是懿德

柔惠且貞爰初在服皇嘉其聲納于機密惟清守於  
三邦三邦事寧越尹三鄉伯揆時序七受八命作此  
元輔左右六世靖綏土宇蠶彼群主保賴亶叙詔跡  
龍夷繼軌山甫遭國不造仍世短祚援立聖嗣但公  
之謨帝曰文恭朕嘉尹功為邑安樂以祐其庸登位  
特進于異群公休命丕顯先寵克章公拜稽首是對  
是揚藹之惟公民斯攸望春秋既暮侯爾乃喪不愆  
是遺碑屏於皇新廟奕七于以烝嘗子之孫之承嗣

漢交趾都尉胡府君夫人黃氏神誥

夫人江陵黃氏之季女實曰列羸其先出自伯翳別  
封子廣以國氏焉高祖父汝南太守曾祖父延城大  
尹祖父番禺令父以主簿掌證太守事命明君以立  
臣節漢南之士以為羨談初都尉君娶于故豫州刺  
史即黃君之姊生太傅安樂侯廣及卷令廣而卒繼  
室以夫人生童紀未泚而天夫人懷聖善之姿韜因  
母之人撫育二孤導以義方思齊先姑神罔時恫致  
能迄用有成誕膺繁祉廣歷五鄉七公再封之祿康

亦有孝廉宰牧二城九鼎之義夫人是享爰暨雅孫  
更士三官或典百里或作虎臣銀艾貂蟬近侍顯尊  
受茲介福于我夫人自都尉任於京師及廣兄弟式  
叙漢朝夫人居京師六十有餘載其乘輅執轡朝皇  
后採柔桑千蚕宮手三盆于繭館者蓋三十年上有  
帝室龍光之休下有堂宇斤斤之祚心耽其榮體安  
其玄遠圖之慮用遺舊若欲留此焉康寧之時亟以  
為言太夫人年九十一建寧二年薨于太傅府是日  
辛酉公之季子陳留太守碩卒於洛陽左池里舍公

御哀憐祗候其屬遵奉遺意不敢失墜乃俾元孫顯  
咨庶群儒以考其衷僉曰昔帝舜浚於蒼梧殞于虞  
郊二妃薨于江湘不即兆于九疑延陵季子定惟吾  
人長子道終不葬羸博夫遭時而制不遠遷徙菟氣  
所之不係丘壠帝舜以之神罔時怨季札以之仲尼  
嘉焉鑿帝藉之高論綜精靈之幽情稽先人之遐邇  
順母氏之所寧茲事躰通而義同允不可替於是公  
乃為辭昭先考然後卜定宅兆龜筮襲屨遂營窀穸  
之事舉封樹之禮十月既望粵翼日巳酉葬我夫人

黃氏及陳留太守碩于此高原雒陽東界閔亭之何  
李俊中常侍謁者李納弔且送塋持贖錢二十萬  
布一百匹再以中牢祠群后畢會榮哀孔備于時濟  
陽故吏舊民中常侍勾陽于肅等二十三人思應慕  
化推本義銘著斯俾諸昆裔瞻仰以知禮之用是為  
神謨乃申頌曰

於穆天人家邦之媛昔在嬴代黃國氏建致于近  
祖亦降于漢天祚明德福祚流衍既作母儀祖信  
思順登壽考七用永蕃戀子孫以仁追猗先典度

云洽演齊跡湘靈配名古人休矣耀光于億斯年

太傅安樂侯胡公夫人靈表

夫人編縣舊族章氏之長女也實曰顯章令儀小心  
秉操寒淵仁孝婉順率禮無遺體季蘭之姿蹈思齊  
之跡永初二年十有五日爰初來嫁誕成家道仰奉  
慈姑竭歡致敬俯誨膝下化導周悉至德修於其機  
微音暢於神明故能參姒之功兼生人之榮朝  
春路寢贊桑蚕宮光寵有祭七服有充前後奉斯禮  
有三十餘載夫人生五男長曰整百齊次曰千億叔

辭次曰官釋威次曰碩季叡伯仲各未加冠遭離氣  
同時夭折叔讓郡孝廉及李更歷州寧舉茂才葉令  
京令為議郎季以高第為侍御史諫議大夫侍中亮  
貫中郎將陳留太守皆早即世夫人哀悼劬頽由是  
被疾遭太夫人憂篤年七十七建寧三年薨夫人之  
存也契闊中饋婉恣供養依生奉仁紹述雅意其閔  
月附於太夫人窀穸于茲地魂而有靈欽明定省神  
心欣焉其實寧之元女全盈追慕永思階恒罔極遂  
及斯表鐫著堅珉頌曰

慈母氏之不永兮懷殷恤以推傷惟子道之無窮  
惜聞謫之未央庶胡耆以期順委我以夙喪思心  
恆以激切割肝以絕腸昔先聖之遺辭言仁者其  
壽長嗟予姚之憂患躰愷悌以慈良失延年之報  
祐獨何卒乎穹蒼日月忽以將暮抱長結以含愁  
尋修念於在昔原疾病之所由元子若弱天心傷  
賴以自憂暨叔季之勛終哀情結以彌綢皇姑沒  
而中感逐大漸兮速流疾蹙々而日通氣微々以  
長沒消精魂飄以遐翔曾不可乎援招尔乃順旨

於冥之繼存意於不違附靈於皇姑尚魂魄之有  
依潛幽室之黯漠昔昭明之景輝一往超以未及  
須且邈其彌遲顧新廟以累欷杖几筵而增悲嗟  
既逝之益遠眵悠々而不追


議郎胡公夫人哀讚

議郎夫人趙氏突曰永姜允有令德秉心寒淵舒詳  
閑雅儀節孔備女師四典窈窕德象罔不習孰以供  
婦道議郎早世檢誨幼不義方以導其姓中禁以閑  
其情孤顙儉節用啓各悔少侍中襲先公之爵以議

郎出為濟陰太守是時夫人寢疾未甦而國家方有  
柴陽寇賊震驚帝師簡選州辟授仕進衛不得辭王  
命親醫藥夫人乃自矜精稟氣力銳起若愈以勸遣  
顙到官月餘所疾暴盛春秋五十八中平四年薨于  
京師顙有剖符之福於國典疾篤不得隱親增感氣  
絕不得自察輕佻為之事闕為求廢雖不毀以隋沒  
亦因悴於傷懷知我如此不如弗生號眺告哀以氣  
躰骨踰年然後獲聽追惟考君存時之命迎格舊土  
同允此城孤心摧割靡所底念仰瞻二親或有神誥

靈表之文敢曰亮闇叙我憂痛作哀讚書之于神慙  
于小子夙離西艱嚴考湏沒我在齒年母氏鞠育載  
矜載憐啟斯勤斯慈愛備存匪雅驕之範我執度教  
誨嚴請昭示好惡俾我屬類畏威忌怨用免咎悔踐  
繼先祖即爵其土二將是臨與帝割符守于濟陰其  
夫寢疾榮此寵休疾用歡痊翊日斯瘳將征將邁從  
養陶丘景命祖逝不愍少留疾大漸以危函兮精微  
微而浸衰逼王職於憲典兮子孫忽以替遠因不臨  
此氣絕兮平不親夫含飯陳衣衾而不省兮合槨棺

見昔予考之即世兮安宅兆于舊邦衣存意以  
奉亡兮懸靈柩而同來考妣壽莫慘兮離華神經集  
而移兮孤精怛兮增哀攝尺以長兮美除點而永墳  
黃壚密而無間兮出入闕其無門議柩在茲兮不知  
魂景之所在悼孤子之不遂兮思情瘵以傷肝幽情  
淪於后坤兮精哀達乎昊軋





新刊蔡中郎伯喈文集卷之五

光武濟陽宮碑

惟漢再受命曰世祖光武皇帝考南頓君初生濟陽  
令有武帝行過宮常封閉帝將生考以令舍下濕開  
空後殿居之建平元年十二月甲子夜帝生時赤光  
室中有明使卜者王長卜之長曰此善事不可言歲  
月嘉禾一莖生九穗長於凡禾因為尊諱王室中微  
哀平短祿姦玉弄輸有神器十有八年罪成惡熟天  
人致誅帝乃龍見泉淵躍漢上破前隊之衆彌二公

之師牧兵略地經營河朔戮刀戎功翼戴更始又不  
即命帝位闕焉於是群公諸將據河洛之文叶符瑞  
之珍僉曰歷數在帝踐祚允宜乃以建武元年六月  
乙未即位鄆縣之陽元域之陌祀漢配天不失舊物  
李固三十有六年方內又安蠻夷率服巡狩太山禪  
梁父皇代之遐邇帝者之上儀罔不畢奉道德餘慶  
延于無窮先民有言樂其所自生而禮不忘其本是  
以虞稱媯納姬美周原皇天乃審實始于此其路蘇  
哉所謂神麗顯融越不可尚小臣河南尹鞏瑋先祖

銀艾封侯歷世卿尹受漢厚恩瑋以商其餘烈郡奉  
孝廉大官承來在濟陽願見神宮追惟桑子褒述之  
義用敢作頌

赫矣天光爰耀其輝篤生聖皇二漢之微稽度軌  
則誕有靈姿黃鸞定熄群凶於夷匡復帝載乃以  
綏巡于四岳展義有方登封隆禪升中于爰茲初  
基天命孔彰于孫之保之無疆

太尉汝南李公碑

公諱咸字元卓汝南西平人蓋秦將李相之後孝武

大將軍廣之胄也。枝流葉布，家于茲土。文武繼踵，世為著姓。曾祖父江夏太守伯父東郡太守父受純懿之姿粹忠清之節夙夜履考孝配大舜敦詩書而悅礼樂觀天文而察地理無洞與神合契抗流行邁操色過孔父奉廉除郎中光祿茂才遷衛國公相受高密令勤恤民隱政成功績同遷徐州刺史百司震肅褻饗風靡惡直醜正公事法官帝念具勤室被榮命漁陽太守還遷度遼將軍叶德魏絳和我綏邊徵河南行憂乞行服闋奔命孝和皇帝時機密久缺百僚

僉允詔林尚書歷僕射今納言危行以公事去民神憤怒之帝曰逾哉徵不拜將將大匠大司農大鴻臚大僕射公所蒞也憲天心以教育沐浴垢濁以揚清為固有賞蓋有億兆之心懿鑠之美昭登于上丕顯之化宣聞于下及建上司位太尉補袞關叙倫彝天人交招無折雖元凱翼堂周郡輔姬未之或喻功遂身退以疾自遜求歸田里先孝致仕七十有六嘉平四年薨海內咨嗟莫不惻為於故吏潁川太守張溫等相與嘆曰名莫隆於不朽德莫盛於萬世銘列顯于

鍾陽清烈光于來裔刊石立碑德載不泯

天齋三台地健五岳降生我哲應昌之足奔世載  
德名昭圖錄既文且武桓、紹續外則折衝內則  
大麓惟清 品物以喜告老懸車天人靡欺曾  
不百齡祀我國基人之為七云亡八極悼思能始  
於寵宣流鐫紀斯石鳴烈顯休

陳留索昏上里社銘

曰社祀之建尚矣昔在聖帝五行之官而共工子句  
龍為王及其沒也遂為社祀故曰社者土地之主也

周禮建為社位左宗右社稷我醜攸行於是受服  
膏恒動於是所農又班之於兆民春秋之中命之供  
祠故自有國至于黎庶莫不事焉惟斯庫里古陽武  
之戶牖鄉春秋時有也子華為秦相漢興陳平由此  
社宰遂相克定天下為右丞相封曲逆求平之世虞  
延子為大尉司公至嘉平延弟曾孫放字子鄉為尚  
書外戚梁冀乘寵作辭首策誅之王室以績封召都  
亭侯太僕太常司空昆天子而維四方克錯功其往  
烈有常於里同監爰暨邦人令以為宰相繼踵咸出

斯里秦一漢三而虞氏為雖有積善餘慶終身之致亦斯社之所相也乃與樹碑作頌以示則後昆唯王建祀明事百神乃顧斯社于我兆民明德惟馨其慶聿彰自羸及漢四輔代昌爰我虞宗乃世重光元勳既立錫茲土疆乃公乃侯帝載用庸神人叶祚且巨且長凡我里人盡受嘉祥刊銘金石永世不忘

陳留太守胡公碑

書諱碩字秀叡又趾都尉之孫太傅安鄉侯少子也

其先與楚同姓別封于胡以國為氏臻乎漢弈世載德不替齊勳君幼有嘉表克岐克嶷不見異物習與性成孝於二親養色寧意蒸上雍上雖曾閱頽兼無以尚也總角入學治孟氏易歐陽尚書韓詩博綜古文周覽篇藉言語造次必以經綸加之行已忠儉事施順怒公躰所安為衆共之驕怪不萌於內喜愠不形於外可謂無兢伊人溫恭淑慎者也初以公在司徒除郎中肅衛十年以叔父憂疾自免州郡交辟皆不就後以大將軍高第拜侍御史遷諫議大夫以將

軍事免官舉賢良方正不諧公車建寧元年召拜議  
郎還納忠盡規匪懈于位遷侍中虎賁中郎將年遭  
疾屢上印綬詔書聽許以侍中養疾其年七月被尚  
書召不任應命詔使謁者劉惔賈印綬即拜陳留太  
守君聞使者至加朝服拖紳使者致詔君以手自繫  
陳辭職息其明二十一日遣生奉章食後報還與相  
丞答意氣精了是日疾遂大漸略漏未分奄忽而卒  
將年四十一天子憫悼使者王謙詔具送葬以中守  
具稱賜錢五万布百疋贈穀三千斛同位畢至起

哀主榮未容沒有餘哀於是遐邇縉紳爰暨門人  
相與嘆述君聽追痛不永恒切情慄無不實懷行由  
已作名自人成先民既邁類茲頌 嗟我明哲如何  
勿銘乃作辭曰

猗欬懿德令問有彰祇服其訓克構克堂孝恩唯  
則文藝丕光敦牽忠恕衆悅其良綏弱以仁不云  
我強爰具登朝進退以方見機而作如鴻之翔乃  
位當伯恪處左右兼掌虎族禁戎允理邁茲虛病  
帝用悼止俾守陳留庶篤其祉王人既詔景命不

俟嗚呼昊天殲我英士如何贖也敦不百已哀哉  
永傷萬年是紀

陳留太守胡公碑

君諱頌字秀敷交趾都尉之孫太傅安樂侯之子也  
順帝時爲郎中桓帝時遭叔父憂以疾自勉荊州將  
軍比辟輒辭疾後以高第拜侍御史遷諫議大夫卒  
賢良方正病不詣公車建寧元年七月拜陳留太守  
病加不任應召詔使謁者劉惔即授印綬二十一日  
卒詔出遣使者王謙以中牢具祠特賜錢五萬布二

百疋贈穀三千斛儔類赴送遠近鱗集於是  
簿高吉蔡軫等咸以群選充備官屬來迎者二十四  
人奔驚跋涉承清化逢天之戚不獲延祚痛心絕望  
切怛永慕乃相與衰經庭位號跳靈柩將寤誕自申  
勅脩議表在輿服察御部引各執其職路人感愴觀  
者嘆息蓋三綱之序與並育以舊奉新篤嗟我行人  
敢不自勗遂樹碑作銘以表令德

於藐下國瞻仰後儀欽見我君爰綏我惠式昭績  
息煩勞其類昊天不弔景命顛墜悠上蒸黎惆悵

喪氣政雖未宣問之遺愛祁我君習冠蓋修  
以迓曾不東邁靈魂徘徊靡所瞻逮惟其傷矣  
曾肝摧碎勒銘告哀傳于萬代

新刊蔡中郎伯喈文集卷之五終

新刊蔡中郎伯喈文集卷之六

答丞相可齋議

日月詔召尚書問立春當齋迎氣東郊尚書左丞馮  
方歐殺指揮使求尚書西祠可齋不得無不宜具對  
議即臣盜博士任敏死罪對案禮上帝之祠無所為  
齋齋者所以致齋不敢散其意官室至大指使至微  
不在齋潔之處元和詔祀無光齋足以自潔靜交神  
明既本無嫌間日又寬可齋無疑詩云唯此文王  
小心翼翼七昭事上帝聿懷多福大齋恭以奉明祀文



王所以懷福無不有宜臣敏愚慙死罪

幽冀二州刺史久缺疏

臣聞國家置官以職建名臣愚淺小才竊假階級官以議為名職以身為貴智淺謀滿無所獻替夙夜寤嘆憂悸恒惕臣邕頓首死罪伏見幽州奕騎冀州強弩為天下精兵國家瞻仗四方有事軍帥奮攻未嘗不辨於二州也頃者已來連年饑荒穀價一斛至六七百故獲烏桓校尉夏育出征解甲無功而還士馬乏傷者乃數千兵散亡幾盡生民之本守禦之備無

一可阻百姓元上流離溝壑寇賊並起莫能禁討邊吏寒心朝不守夕卒有他方之急則民之不可驅使自為寇虜則誅之不可禽制豈非可憂之難三府選幽州刺史踰月不定臣忤問其故云避三五十一川有禁當取二州而已二州之中少素有威名之士或拘限歲年示應選用狐疑遲上淹兩州懸空万里蕭條無所管繫每冀州長史初除詔書治嚴不過五日今者刺史如旬示諭誠非其理愚以為三五之禁禁之簿者以陛下威靈神明禁令對相部主尚主畏懼

不敢營辦况乃三五何足為嫌孝景時梁人韓安國坐事備刑起徙中為內史武帝患東越數反惧故特詔會稽朱買臣宣帝時患冀州有盜賊故京兆尹張敞有罪逃命上使七就家召張敞為冀州刺史安國徒隸買臣郡民肯還治其國張敞亡命權授劇州豈顧三五拘官簿得救時之便也卒獲其用遺不感此先帝不誤已然之事三公明知二州尤宜揀選當越禁取能然而畏扞災自遂之不顧爭臣七人之貴苟選科禁竊見日月選既稽滯又未必審得其人則二

部參上將為憂念願陛下出觸禁忌上則三帝用三臣之法任職相○故吏在家若諸州刺史器用可換者無拘時月三五以此十臣懷上發督言幹非義惟陛下留神再省三省

難夏育上言鮮卑仍犯諸郡

嘉平六年夏護烏校尉育上言鮮卑仍犯諸郡自秦巴來三十餘發清幽州諸郡兵出塞一冬春足以掃滅時故護校尉田晏以他論刑原私留京師用尚書行賄通謀中常侍王甫求為將甫建議當出師与育

并力詔書遂用為將破鮮卑中郎將使凶奴中郎將  
南單于以下与育晏三道並出時朝廷六臣多以為  
不便召公卿百官會議中郎蔡邕以為書戒猾夏易  
伐鬼方周宣王命南仲言虜獫狁威蠻荆漢有衛  
霍闡顏瀚海震憲燕然之事征討之作所由尚矣然  
而時有同異勢有可否故謀有成敗不可一也自漢  
興而凶奴常為边害而未聞鮮卑之事昔謀臣所精  
武夫戮力而所見當異其設不戰之計守禦之因者  
皆社稷之臣求久之策也孝武皇帝因文景之畜用

復饒衍南伐越北伐胡西征大宛東并朝鮮安出如  
下帑幣滅空竭官民俱匱乃与塩鐵沽權之利設告  
緡重稅之令民不堪命及盜賊閭東紛然道路不通  
緡衣直指之使奮鉞鉞而並出然後僅得寧息既而  
充牣乃封丞相為富民侯故主父偃曰大務戰勝窮  
武事未有不悔者也夫世宗神武將卒良猛財賦充  
實所征招廣而猶有悔况無彼時地人財之備而欲  
以動此其不可一也鮮卑種衆新盛自匈奴北道已  
來同護地兵千萬彌地千里意智益生才勁捷加以

禁網漏洩善金良鐵出者莫察漢民逋逃為其謀主  
兵疲馬疾過於匈奴今晏歆以三年之期專勝必克  
以段穎兵經營西羌猶十餘年育晏策慮未能遇穎  
鮮早種衆又不弱於西羌也是育張設近期誘熹朝  
廷三年不成必迫於言禍結兵連不得中休轉運糧  
餽不可以勝給天無豐歲官見殫財民人流移於四  
方不能還其骸骨以此時與設橫發一發不已必至  
再三諸夏之內弱者伏尸強者作寇邊陲之患手足  
之齊搖也中國之用胸背之燦灼也其不可二也育

云自春已來三十餘方今郡縣盜賊劫擄人則攻  
犯官民日月有之冠帶之所吏調政密猶不能絕况  
此醜虜羣類抵冒心不受仁瞻不畏威而可使斷無  
盜竊意者高祖乃耻忍平城之耻呂后棄慢書之咎  
於是何者為甚是其不可三也天設山幕秦築長城  
冀起塞垣所以別外內異殊俗也其外則介之夷狹  
其內則任之良吏后嗣遵業慎奉所守無虞國內侮  
之折豈與虫朋之虜狡往來之傷哉乃欲越慕踰域  
度塞出攻得地不可耕農民不可冠帶破之不可破

盡而本朝必為之肝食四海必為之焦枯其不可曰也夫煎盡府帑之畜以恣輕事之人專勝者必未克挾礙者必未敗衆所謂危聖人不任朝議有嫌明王不行是其不可五也按育一戰所獲不知所失昔淮南王諫以伐越曰天子之兵有征無戰言其莫敢擾也使越人蒙死徼幸以逆執事寺之卒有一不備歸者雖得越王之首猶為大漢之羞威不行則欲伐之孤疑避難則守長由通平時變則憂萬人飢餓與空與之不計者何三大宗廟之祭凶年不備况避不繼

之辱哉今開東大國無以相瞻又以動兵非但勞人凶年隨之其罷之此先帝所以尚德音也夫卹民救急雖成郡列縣尚猶棄之况以鄣塞之外未嘗為人居乎臣愚以為宜止攻伐之計令諸管甲循塞垣屯守衛要以堅牢不動為務若乃守邊守衛李牧關其原嚴尤申其要遺業猶在文章俱存二子榮守先帝之規臣曰可矣臣豈愚戇議不足采臣豈

頓首

答詔問災異人事

光祿元年七月十日詔書尺一召光祿大夫楊賜諫  
議六六馬日磾議郎張華蔡邕太史令單鸛請致金  
商門引入崇德署門內南辟惟中為都座漏未盡三  
刻中常侍育陽侯曹節冠軍侯王甫從東省出訖都  
座東西十門刻宥旣訓北面楊公南面日磾華邕楊賜  
西面受詔書各一通尺一木板草書兩常侍又諭旨  
朝廷以災異憂懼百待密問及政事所變改施行務  
令分明賜等稱臣再拜受詔書起跪巫五人各一處  
給財用筆硯為對臣邕言今月十日詔召金商門詔

問臣邕災異之意臣學淺薄心慮愚暗不足以答聖  
問縉衆變易征營怖悸謹別狀上臣頌首<sup>上</sup>

詔曰問去月二十九日有黑氣隨溫殿東庭中黑如  
車蓋降氣奮勢主色有体長十丈餘形狀似龍似虹  
蜺對虹著於天而降施於庭以臣所聞則所謂天投  
虹者也不見尾足者不得勝龍易曰虹之无比无德  
以已親也潜潭已曰虹出后妃陰脅主又曰五色矣  
失至昭于宮殿有兵革之事演孔圖曰蜺者斗氣之  
精也天度投蜺見主惑於毀譽合誠圖曰天子外若

矣威內舊臣无忠故變不虛生古不虛言意者陛下  
関機之内衽席之上獨有以色見進陵尊踰制以招  
衆變若羣臣有所毀譽聖意低回未知誰是兵戎息  
威浸推移忠言不聞胡虹蜺所生也抑内寵任忠政  
决毀譽使貞雅各得所守衛嚴整備威權機不假人  
則其所投也易傳曰陽感天不旋日書曰惟辟作威  
惟辟作福臣或為之謂之凶害是以明允務焉

詔問曰正月三日何曰衣入德陽殿問辭我良伯夏  
敬我上殿吳中黃門恒賢晤言相往來不上得入遂

亡去不知姓名臣聞凡人為怪皆皇極道失下或謀  
上故其傳曰皇上不極是謂不建則有下謀上之病  
孝成綏和二年八月男子王褒衣小冠帶劍入北司  
馬殿東門上殿入室解帷組佩之招前殿署考問褒  
故公車卒病狂不自知入宮天下獄死是時王莽為  
司馬遂為篡乱亦卒誅臣竊思之與綏和時相似而  
有異被服既不問來入雲龍門而為称賢称伯夏教  
綽於裏言伯夏即故大將軍梁商子冀上子不疑等  
皆不以罪受戮殘餘非天所祐以往况今將狂狡之

人為王氏之禍未至殿省而奄亡不伏誅大誠俾見上帝之厚德也潛潭巴曰有人走入宮不知其名大水為戒天子驚群陰太陰群下並奏強盛也建大中之道幸賢良而寵祿之則其救也經曰皇其有極歟時有福用敷錫其福庶民惟于汝極

詔問曰南宮侍中寺聞雌雞欲化為雄尾頭毛已似雄頭尚未變臣聞凡雞為怪皆兒正失也其傳曰兒之不恭是謂不肅時即有雞橋孝宣黃龍元年未央宮軫中雌雞化為雄是時元帝初即位將立皇后

氏為后至初元七年丞相史家雌雞化為雄是歲封后父榮為平陽侯而后正位王氏之寵始盛平侯曼駕后攝政王莽以后兄子為大司馬由是為亂昔武王伐紂曰牝雞之晨惟家之索易傳曰婦人專政因不靜牝雞雄鳴主不榮夫牝雞雄鳴尚有索家不榮之名况乃陰陽易體於實變改此誠大異臣竊以意推之頭為元首人君之象今雞身已變未至於頭而聖知之訪問其故是有其事而不遂成之象也若應之不精誠無所政頭冠或成即為患灾敬慎威儀動



作之容斷娶御政興政之原則其救也夫以匹夫顏氏之子有過未嘗不知知之未嘗復行易曰不遠復無祗悔元吉

詔問曰即祚以來災眚見頻歲月蝕地動風水不時疾厲流下迅風祈樹河洛盛溢臣聞陽微則震恩亂則風貌失則雨視闇則疾厲簡宗廟上不潤下流滿溢明君正上下抑陰尊陽循五事於聖躬致旬於洪御則其救也

詔問星辰錯謬臣竊見熒惑變色入太微西門太白正晝而見臣聞熒惑以夏主當精明其角而有休慶之色又以非其月入尊宿法戒臣謀出端謀或不臣太白而晝而見是淨明強國弱上國強皆有女政又失道而見是為羸長侯王不榮熒惑主禮太白主兵謹禮事治政審察中外言之不能以申明門戶守禦之令以杜漸防萌則其宋景公小國諸侯三有德音而熒惑為之退舍

詔問曰蝗虫冬出臣聞見符致蝗以象其事易傳曰天作不時天降災咎蝗虫喪河圖秘徵篇曰帝人貪

則政暴而吏酷則誅深上而蝗虫出息不急之作省  
殿賦之費進清人黜貪虐介損求安鈎盾別藏以贍  
國用則其救也易曰得臣無家言有天下何私家之  
有

詔問平城門及武庫屋冬損壞臣愚以爲平城門向  
陽之門祈祀法駕所從之出門正者也武庫禁兵則  
截國家之本守也變此二處異於凡屋易傳曰十人  
在位上下咸悖其效城門內崩潛潭巴日出宮瓦自  
墮諸侯強凌主易傳曰昔一柱泥故法弃其舊宮室

輕簡小大在顯位者黜之以尊上整下去暴悖之愆  
諸侯之強凌主之漸正意請行率由舊章已變柱泥  
弃法之咎則其救也洪範傳曰六殄作見若時共禦  
帝用不羞神則不怨五福乃隆用勅上下

詔問朝廷焦心聞災恐懼每訪群公卿士皆各括囊  
述國莫肯建忠規闕以邕博李深奧退食在公故特  
密問宜披演所懷指陳政要所先後勿有依違忌以  
經術分別皂囊封上勿漏所聞臣邕伏惟陛下聖德  
允明深悼變異德音懇誠廢臣博李深奧退詛臣在

公非臣螻蟻蕙怯上所能堪副亦臣輸馮肝膽出命  
之秋豈可以顧患避害復使陛下不聞至戒哉臣豈  
頓首死罪伏思諸異各應皆亡思之怪也天於殷勤  
以赤帝之精輔或未衰故屢見妖變以當責讓因以  
威奄則危可為安凶可作吉假使大運以移豈有遺  
告哉春秋魯定哀公之時周德已絕故如十年無有  
日蝕此為天所棄人故也至於今者異古不他遠見  
門垣近者在署寺公降因前欲使陛下豁然大寤可  
謂切矣至陛下幸深問臣敢不盡情蛄及雞化皆婦

人干政之致也即祿已來中官無地逸竄而乳母趙  
嬈貴重赫上生則訾富侔於帑歲死則丘墓踰越園  
陵兩子受封兄弟典郡過事既以續以求樂門吏霍  
玉依阻城社大為奸禍盜寵竊之藏悔惑之罪晚發  
露雖房獨治畏慎䟽賤安乃得盜意事心積浸然後  
成形虹蜺集庭雌雞變化豈不謂是今者道路所言  
紛上覆云有程大人者宜以趙霍為戒高其隄防明  
其禁限待御於百里之內而知外事誠當窮浩何緣  
聞之所以令安之也又前詔書實核以王氣勢為官

者踰時不覓司隸校尉岑初考彥時哉取典計教者  
一人綴之如王渚所戒成不朝可知而還移州釋本  
問本論者疑太尉顓與交貫為王所進暗昧已成非  
外臣所能審處如成有之近者不治無以致遠傾邪  
在官當有所徵光祿勳璋所在猶清白九刻之中有  
濁今苦紕易牧守數十選伐既不盡由本朝反有異  
輩無以示四方聖意勤七欲清流蕩濁扶正黜邪不  
得但以州郡無課而已長求校尉夫也騎校尉非其  
貴以足其富意優當以見和之故為陛下先群臣早

引以解易傳所載小人在位之咎庭樹禧敦老純厚  
國之老成光祿大夫玄纒達方直有山甫之姿故太  
尉劉寵聞人襲忠實守固襲懼幅剛直寫為謀主如  
見訪問宰相大臣君之四弊優劣是委任用貴成納  
其矣慮優游訪求以盡其情三事者但道失帝策護  
三公有僵仆者不道是時宰相特以礼相引見論議  
因其言居位十數年當此之際尚儉崇經藝浮輕之  
人不引朝廷淺短之書不于可自貴戚歛手中外悚  
慄莫不犯禁不獨得之於迨沒之三公也春秋之義

以貴治賤遠間親小如大引在六逆陞階增則高輔  
位重則居上尊不宜復聽納小吏雕大臣取圖僞讚  
厲以奠沛群臣慘七憂慎自危非曲衡之道夫憂樂  
不並恐喜戚異方有祇畏災畏責躬之念專精一意  
以思變復上方巧之作洪都篇賦之文宜且息心以  
示憂懼詩人畏天之怒不敢戲豫天戒誠不可戲也  
宰府孝廉以高選自不來不受但當察其真偽以加  
黜陟每以辭召不慎功責三公孝廉集採試之以文  
耐並以書跡小文一介之教命臣下超取選取衆心

不厭莫之敢言群公尚先意承旨以懷吏令人間  
職長吏便宜促時誰敢違旨至於宰府孝廉顛倒上  
下義開託屬之門下合明正舊典無益於德矣臣願  
陛下強納忠言忍而絕之則身踴躍息惟萬機以答  
天望以冀嘉應望聖朝自納厲以率左右近臣亦宜  
戮力從化人自抑損天道而滿鬼神謙又高不危常  
滿不益群公之福諸侯凌主之戒不可不察臣豈愚  
戇感激忘身敢觸忌諱手書具對夫君臣不察上有  
漏言之戒下有失身之禍臣安漏所問唯覽臣表御

坐无所不及得求以紀陛下盡心之臣

被收時表

議郎糞土臣邕頓首再拜

皇帝陛下今月十三日臣被尚書召問臣從大鴻臚

劉劭前為濟陰太守臣屬吏張宛長休百日劭為司

隸又託河內郡吏李奇為州書佐及營護故河南尹

羊陟侍御史基母班劭不為用致怨之狀臣征當怖

悸肝膽塗地不知无命所在臣邕死罪臺所問臣三

事真遠者六奔近者三歲藕自尋案實屬宛奇不及

陟班凡休假小吏皆非結恨之本其婚嫁為當臣叔

父衛尉質及邕不敢屬劭質及臣對劭叅驗臣父子

誠有怨恨故中傷劭上勢所當因臺問具臣恨狀不

能受臣為覆蔽臣得以孝問特蒙哀以執事祕觀文

肅所著列於目前姓名畱象繫乎聖今年七月召詔

金商門問變異意詔書褒誣責臣喻旨誘臣使言臣

愚慙出命忘軀不顧後患譏切公卿內及寵近區區

欲答上問救怪異為陛下畱康寧之計而已預知所

言者當必怨臣陛下不念忠言密對多旨刺誅謗卒

至使用疑臣豈不負盡忠之吏哉每有災異輒令百  
官上封事欲以除凶致吉而言者旋陷破亡之禍群  
臣社口以臣為戒誰敢復為陛下盡忠孝者實連枝  
蒙推位在列衆位

奸

伏補益

國家反名仇怨奉公者也年四十六孤特一身前无  
立男得以盡節王室託名忠臣无有餘榮然知陛下  
不復聞至言矣臣豈以允允招致禍患自臣職耳臣  
對問時實為下邳相不開臣謀今者橫見違及使實

恨以衰老白首隨臣摧沒并内抗瀆以决言事厭剔  
其言誠寃誠痛陛下仁篤之心必不忍此忍之未至  
耳臣賣人牢檻尚書為董楚所迫趨歛章辭情何緣  
復達臣死期垂至冒昧自陳乞身當辜戮免質并坐  
臣死之日則生之年也唯陛下加食為百姓自愛臣  
豈死罪

新刊蔡中郎伯喈文集卷之七

和熹鄧后謚

孝和鄧皇后崩臣謀謚於是尚書陳忠上言以為卿  
黨叙孔子威儀俯仰無所遺彤管記君王纖微大小  
無不舉是以德著齒籍名垂於後唯大行皇七規軋  
則坤無包日月厥初作合允有休烈貫魚之次加於  
小媵中匱之叙昭於帷幄遭家不造三元之厄孝傷  
幼冲國祚中絕海內紛焚群臣累息加以洪汎為災  
托菴為客戎蠹動迪威武侮并涼猾夏祚寇袞驚勃



碣家有採薇之思人懷發采之聲皇太后參詣考表  
求人之廣度越平原建立聖主垂疇咨之問遵六事  
之求勞謙克躬菲薄為務是以尚官損服衣不桀英  
雍人徹羞膳不遵擇黃門闕樂魚龍不作織室絕夜  
纂組不經尚方抑巧雕鏤不為離宮罕幸儲峙不施  
遐方斷籩支離不貢罷出宮妾免遣宗室没入者六  
百餘人以紓鬱滯奉率舊禮交戰祖廟以展孝至承  
難之敬蠲正憲法六千餘事以順漢氏三百之期經  
藝華舛恐史闕文衆儒考校東觀閣學士不存博士

一缺廣選十人何有伐檀茆茨不拔屢舉方且顯擢  
孝子遵忠孝之紀啓大臣喪親之哀疾貪吏受取為  
姦糺增舊科之罰惡長吏虛偽進退傷流細錮之十  
年追世祖功臣國士或有斷絕封爵遺苗以奉其祀  
高蘭諸國胤子以紹三王之後事不稽古不以為政  
上不惠和不畱於策猶不自專傳謀遠慮暨凡求厥  
中刑之所加不阿近戚賞之所反不遺反陋終朝反  
側明發不寢徒以百姓為憂不以天下為樂聖誠著  
於禁闈而德教被於萬國故自昏墊以迅康又糴入

千石以至數十叛虜降集賊害邊垂胡革去塞永元  
之世以為遺誅今畏服威靈稽顙即斃徹外擇國慕  
義重譯求獻其琛史官咸和請作主頌害而不聽郡  
國咸上瑞應寢而不宣允恭挹損密勿在勤遭疾不  
務聖念臣子御輦在殿顧命羣司流恩在澤大赦天  
下有始有卒同乎先聖昔書契所載虞帝二妃夏后  
塗山高陽有莘姬氏任母徒以正身匪內思媚周京  
為高未有如大行皇后勤精勞思繼國之祚正三元  
之衡康百六之會消無妄之運者也功德巍上誠不

可及漢世后氏無謚至於明帝始建光烈之稱是後  
轉因帝號加之以德高下優劣混而為一建禮大行  
受大名小行受小名之制謚法有功安居曰喜帝后  
稱禮亦宜同大行皇太后謚宜謚為和熹皇后上稽  
之於典訓下協先帝之稱

為陳留太守上孝子

臣前到官傳問祿史孝行卓異者臣門下祿甲屠夏  
稱孝子平立程末年十四歲時祖父叔病歿故抱伏  
叔尸號泣悲哀口乾氣少喘息裁屬舅偃哀其羸劣

嚼棗肉以哺之未見食噓啼不能吞咽麥飯寒水肯  
用之舅偃誘勸哽咽益甚是後精羹異味遂不過口  
常在柩旁耳聞叔名目應以淚前太守文穆召署孝  
義童云以叔未葬不能止府舍臣輒核問祿史邑子  
殷盛宿彦等辭驗皆合臣即召來見末年十四歲顏  
色瘦小應對甚詳臣問樂為吏否垂泣去曰當喪所  
臣為設食但用麥飯寒水不食肥膩舅本以田作為  
事家舊典學者其至行發於自然非耳目聞見然無  
效也雖成人之年禮識義之能及伏唯陛下下軀因宗

之德當中興之運躬秉萬機建用皇極神紀聘於方  
方淑暢治於群生故醇行感時而生美義因政以出  
清風奮揚休徵誕漫太平之萌昭驗已著臣誠伏見  
幸甚臣聞魯侯能孝命於夷官張仲孝友侯在左右  
周宣之興實始于此且烏以反哺託體太陽羊以跪  
乳為贄禽鳥之微猶以孝寵况未稟純粹之精爽百  
行之根原其人殄瘁而曜弥光其族益章臣不勝願  
會使未美昭顯本朝謹陳狀臣頓首

薦邊文禮

明將軍以申甫之德當中興之隆建上將之任應秉國之德妖寇作孽震驚京師運籌帷幄定策屆勝先禽馬元歸近之變天兵致誅兗豫以清冀荆用次雲消帝卷克厭衆心王室以寧萬國兆民莫不賴作伏惟幕府初開博選清英華髮舊德並為元龜成功立事莫不畢萃雖振鷺之集而雖濟上之在周庭無以或加伏見陳留邊讓字文禮天受逸才聰明賢智纂成伐柯不遠之則亂齒夙孤不盡家訓始任學問便就大業間不遊戲初覽諸經見本知義尋端極緒受

者不能答其問章句不能窳其意詩書易心先通三業以次大義畧舉衆傷篇章無術不綜心通性達剖纖入宜口辨辭長而節之以禮度安祥審固守持內定非禮勿動非法不言處孤疑之論定嫌審之分經典交至檢括並合衆夫嘉焉莫之能奪使讓於先業在唐虞則元凱之比當仲尼則顏冉之亞豈徒俗之凡偶兼渾是非講論而已哉才藝言行卓逸不羣階級名位亦宜超然不以常制為限長幼之拘若復輩從此却選舉非所以彰環瑋之高價昭大知之絕明

也傳曰函牛之鼎一旦帝立之鼎以烹雞多汁則淡而不可食少汁則焦而不可熟大器之於小用固有所不宜也邕誠竊悃邑怪此寶鼎未受犧牛大羹之和又佐煎熬鬱馘之間願明將軍回謀守慮思垂采納就讓疾病所親守更以屬缺招延表貢行狀列于王府躋之宗伯納之機密展其力用副其器量夫若以年齒為嫌則顏淵不得冠德之首子奇不得紀治阿之功苟能其事土穀月史書者而行國其昌邕寢疾羸匍匐拜寄不敢須通

薦皇甫規

臣聞唐虞以師上咸熙周文以濟上為寧區上之楚猶用賢臣為寶衛多君子季札知其不危猶此言之忠臣賢士國家之元龜社稷之貞固也昔孝文溫旬奴之事思李牧於前代孝宣忽奸邪之不散奉張敞於亡命况在於當時謙虛為罪而可遺棄臣伏見護羌校尉皇甫規少明經術道為儒宗修身力行忠亮聞著出處抱義皦然不污葢器林之中以辭徵召之寵先帝嘉之群公歸德盜發東岳莫能嬰討即起家

參拜為太山太守屠斬桀黠綏撫燒弱青兗之郊迄  
用康又自是以來方外有事戎狄猾華進簡前勲連  
見委在伏節奉麾威靈神行演凶悍使為慙愿愛財  
省襦每有餘資養士御衆悅以亡死論其武勞則漢  
室之干城論其文德則皇家之腹心誠宜試用以廣  
振鷺西雍之美臣以頑愚忝汚顯烈轍流汗墨不堪  
之責不勝區區執心所見越職督言罪當死唯陛下  
當留神省察臣竊

新刊蔡中郎伯喈文集卷之七

新刊蔡中郎伯喈文集卷之八

表太尉董公可相國

臣某等聞周有流彘之亂而宣王以興漢有昌邑之  
難而中宗以昭由此觀之生神聖特以靖亂整殘不  
誕滋業輔佐重臣國之楹棟生應期運稟氣山岳是  
故中伯山甫列于大雅蕭曹卽魏載于史籍遭奸臣  
孽妄制弄國權累葉繼六十餘載火熾流沉沸浸以  
不振威移群下福在弄臣海內嗷上被其傷毒故大  
將軍慎侯何進盡忠出身曷議盪滌以清季朝群凶

灌難兵起亂作元舅上者先寇受害禍至執辱社稷  
傾危太尉邵侯卓起自東土封畿之外義勇憤發旋  
赴京師便宜列表奸猾群匿情狀辭意激切感物寤  
靈精兵虎臣承持卓勢奪擊醜類漏刻之間靡有子  
遺卓聞乘輿化趨河津身率輕騎長驅芒卓上解國  
家播越之危下救兆民塗炭之禍然後黜廢頑凶爰  
立聖哲天心聿德萬國賴社及至差功行賞辭多受  
少近臣幸臣一人之封戶至萬數今者受爵十有一  
人總合戶數千不當一非所以褒功賞勲者萬戶今

月七日卓又上書辭疾讓位乞就國士上遣聖嘉之  
至下垂群瞻仰之望臣等謹案漢書高祖受命吞流  
離截竄十有二年陛下應期中興龍飛踐祚奸臣孽  
孽一時殄盡增疾臣者隨流埋沒太尉邵侯卓收拾  
洗濯上臣高第補侍御史轉治書御史陛下天地之  
大德聽納大臣誣飾文舉遂用臣邕充備機密三月  
之中充歷三臺光榮昭顯著非臣愚蔽不才所當盜  
竊非臣碎首糜軀所能補報臣邕頓首上上死罪死  
罪

臣聞世宗之時由千秋有神明感動貞夢至言以寤  
聖聽昭發上心故有一日九遷臣邕草萊小臣思謀  
愚淺生非千女職不狎練加以新來入朝不更卽承  
攝省又書其由百墻陛下統繼大業委政冢宰太傅  
隗以舊典入錄機密事尚書今日禪先華舊齒德上  
公僕射允故司隸校尉河南尹尚書張熹已歷九列  
魯旭侍中牧守宣藩剖符數郡唯臣官薄微賤特單  
輕疋此六臣上當自知况在論者將謂臣何是以夙  
夜寤歎寐息屏營無顏以居無心以寧明時階級入

所勸慕乞在他署抱關執斧以守漏刻則臣之心厭  
抱必逆降榮於瘁退顯於進不勝區區疑戒不敢肅  
飾

巴郡太守謝版

臣尚書邕免冠頓首死罪臣得以頑闇連值盛時超  
自群吏入登機密未及輸力盡心日下五府舉臣任  
巴郡太守陛下不復叅府舉入奏驚惶失守非所敢  
安征營累息不知所措臣邕頓首死罪知納言任重  
非臣所得久忝今月丁丑一章自聞乞閑冗抱關執



蓋不意錄符銀青授任千里求退得進後上先遷為  
衆所恠不合事宜願乞還詔命盡力他役死而後已  
臣得以愚暗盜竊明時周旋三臺充列機衡出入省  
闈登踏丹墀承隨同位與在行列以受酒禮嘉之  
賜詔書前後賜石鏡奩禮經字尚書章句虎議奏合  
成二百一十二卷及董 唾壺彈碁石秤黎賜汗器  
及園廬物誠念及下蓮香瓠子賦惠周至每勅勿謝  
前後重疊錐父母之於子孫無以加此未得因緣有  
事口諫所蒙不意卒遷荷受非任臨時自東未蒙省  
詔慘結屏營踈踈受無命復銀青光寵休顯上耀祖  
先下榮昆裔誠非所望臣邕頓首死罪已土長遠江  
山脩隔頃來未悉輯鞋劉馬撫寧有方柔遠功著臣  
當以頑蒙不開職政宣暢聖化道遵和風非臣才力  
所能供給必以忝辱煩汚有當竭肝膽從事筋絕骨  
破以命繼之

宗廟祝嘏辭

嗣魯孫皇帝叶敢昭告于皇祖高皇帝各以后配昔  
受命京師都于長安國享十有一世歷年二百一十

載遭王莽之亂宗廟隳壞世祖復帝祚遷都洛陽以服中享一十一世歷年一百六十五載予未小子遭家不造早統洪業奉嗣無疆關東吏民敢行稱亂搃連州縣兵聚衆以畜叛逆震驚王師命將征服股肱大臣推皇天之命以已行之事遷周德缺而斯干作應運變道自古有之於是乃以三月丁亥來自雒越三月丁巳至于長安勅躬不慎寢疾旬日賴祖宗之靈以護有瘳體但齋宿敢用潔祀一元大武柔毛剛鬣商祭明眎香合嘉蔬香薦普淖醎醢豐本明菜醴

酒告遷來尚享

九祝辭

高皇帝使工祝承致多福無疆于爾嗣曾孫皇帝使爾受祿于天宜此舊邦萬國和同兆民康又眉壽萬年子也孫也永守民所庶勿替引之

宗廟迭毀議

左中即將臣邕議以為漢承亡秦滅學之後宗廟之制不用周禮每帝即位輒立一廟不正於七列昭穆不定迭毀孝元皇帝皆以功德茂盛尊崇廟稱孝文

曰太宗孝武曰世宗孝宣曰中宗時中正大臣夏侯  
勝猶執議欲出世宗至孝成帝議猶不定大僕王舜  
中壘校尉劉歆據經傳義處不可毀上從其議古人  
據重慎不敢私其君父若此其至也後遭王莽之亂  
光武皇帝受命中興廟稱世祖孝明皇帝聖德聰明  
政叅文宣廟稱顯宗孝章皇帝至孝烝仁恩澤大  
海內賴社廟稱肅宗北方前事得禮之宜自此以下  
政事多疊權移臣下嗣帝殷勤各欲褒崇至親而已  
臣下懦弱莫能執夏侯之直故遂衍益無有方限今

聖朝遵古復禮以求厥衷誠合事宜禮傳封儀自依  
家法不知國家舊有宗儀聖以賢臣所共朔定欲就  
六廟黜損所宗違先帝舊章未可施行臣謹按禮制  
七廟三昭三穆與太祖七孝元皇帝世在第八光武  
皇帝世在第九故以元帝為考廟尊而奉之孝明遵  
脩亦不敢毀元帝於今朝九世以七廟言之則非所  
宗報八月聽酌可出元帝主比惠景昭成哀平帝五  
年一毀祭孝章皇帝孝桓皇帝親在三昭孝和皇帝  
孝順皇帝孝靈皇帝親在三穆廟親未盡四時常陳

孝明以下穆宗敬宗恭宗之號皆宜省去以遵先典  
殊異祖宗不可參並之義今又摠就一崇約尚省不  
復改作惟主及几筵應教而已正厥世之所闕為無  
窮之常典稽制禮之舊則合神明之歡心臣愚竊議  
不足採臣邕云云

上元加服與群臣上壽

伏惟陛下應天淑靈丁期中興誕在幼齡聖資碩義  
威儀孔備俯仰龍光顏如日言稽典謨動蹈規矩維  
熙光明思齋周成早智夙就參美顯宗令月吉日始

加元服進御幘結以章天休臣妾萬國遐邇大小一  
心同歡同喜逸豫式歌且舞臣等不勝踊躍鳧藻謹  
奉生頭酒九鍾稽首再拜上千萬壽陛下享茲吉福  
永守皇極通遵太和靖綏六合宜民宜入受祿于天  
書曰一人有慶兆民賴之其寧惟休詩曰顒卬且  
如珪如璋令聞不忘萬壽無疆

表賀錄換誤上章謝罪

今月十八日臣以相國兵討逆賊故河內太守王臣  
義色陳破壞斬獲首級詣朝堂上賀臣邕奉賀錄故

羽林郎將李參遷城門校尉而署名羽林左監右衛  
在朝堂而不在錄咎在臣不詳省案使參以亡為存  
衍以為亡錯奏謬錄不可行侍御史劾臣不敬當賜  
刑書懲戒不恪陛下天地之德不辱收戮丙辰詔書  
以一月俸贖罪臣邕怔營慙怖屏氣累息不知所自  
投處臣邕頓首死罪臣不惟石慶如馬之慎簡忽校  
儲不謹之愆雖見原宥仰愧先臣傷肌入骨不勝忪  
蒙流汗

讓高陽侯印綬符策

詔制左中郎蔡邕今封邕陳留雍立高陽卿侯下印  
綬符策假限食五百戶歲五十萬穀各米

臣稽首受詔怔營喜懼精魄播超恍惚如夢不敢自  
信臣伏惟糠粃小生高術虛淺少竊方正長歷宰府  
備敷典城著作東觀無狀取罪捐棄朔野蒙恩徒還  
恩過猷畝復階宰朝進發憲臺遂充機密令守巴郡  
還備侍中車駕西還執鞭跨馬及看輪轂升輿下軫  
扶接聖旣至舊京出備即將中外所疑對曰省達群  
臣之中特見褒異訖無雞犬鳴吠之用常以墨塊負

恩寵誠下意寤猥與公卿已下錄功受賞命服金紫  
爵至通侯非臣草萊特功勞微薄所當被蒙臣豈頓  
首死罪臣十四世祖肥如侯佐命高祖以受爵賞統  
嗣曠絕除在疋庶官不遺苗裔復蒙顯封前功輕重  
不侔慙惶累息無心怡寧唐虞之朝猶美三讓臣者  
何人受而不讓臣不勝戰慄怵惕詣闕拜章上所假  
高鄉侯印符策伏受罪誅臣得微勞被受爵邑光寵  
榮華耀燭祖禰非臣小族陋宗器量褊狹不能堪勝  
非臣力用勤勞有所當符受誠無安寧甘悅之拘迫

國憲上行字下不敢逆侯苟順恩旨退省金龜紫綬  
之飾非臣容軀所當服佩中讀符策誥戒之詔非臣  
才量不能祗奉歷日弥久震懼益甚臣聞高祖受命  
元功翼德與共天下者爵士故曰使黃河若帶太山  
若礪國之求存爰及苗裔夫山河至大猶謂之小重  
功輕賞如此其至也是以戰功之事大有陷堅破敵  
斬將旗塞之功小有馘截首級履傷涉血之難勤苦  
軍旅連年累歲首如蓬葆體如漆榦勞持辛苦如此  
其重也以受爵誰曰不宜今者聖朝遷都應順天人

奔走之役臣僕職分其前臣事輕葭享功薄蟬翼臣  
恐史官錄書臣等在功臣之列陷恩澤之科垂名後  
葉作戒未嗣非本朝之德澤遇臣之長策臣是以宵  
寢晨興叩膺增歎心煩慮乱喘呼息吸且鶴鷄巢林  
不過一枝鼯鼠飲河不過腹小人之情足而已不勝  
願上大乞如前章云云

臣忝自叅省資非

人藩屏之用器非邦君執憂

心灼烜耳目昏冒忪蒙蔽罔累息屏氣臣聞稷契之  
壽以德受命不堪讓所不如昔之范正不亡禮讓其

下化之春秋采焉臣雖小醜不足勗勵以度高縱以  
詩人斯亡之戒觀見符策君國之誨兩印雙綬並在  
鞶帶至德元功器量弘大猶可踈踏無心寧止况臣  
蝼蟻無功德而散怠洎嘆以居之且晏嬰

殿之邑張良三萬之戶書籍紀之以是奉葉將所後  
生去就君無弄戲之言憲法有誣罔之効臣不敢違  
飭盡以距上旨疑確之誠與神明通謹奉章詣闕頓  
首敢固以請息伏惟留漏刻一省僵沒之日同壽松

香

新刊蔡中郎伯喈文集卷之八

新刊蔡中郎伯喈文集卷之九

京兆樊惠渠頌

洪範八政一曰食周禮九職一曰農有生之本於是乎出貨殖財用於是在九土上沃為大田多稔然而地有墉壻州有墊下溉灌之便刑趨不至明哲君子勗業農事因高卑之宜驅自行之勢以盡水利而富國饒人自古有焉若夫起鄴鄭國行秦信之臣發南陽鄧臣汝南皆此道也陽陵縣東其地行隄士氣辛螫嘉穀不植草萊焦枯而涇水長流溉其維首編



戶齊萌庸力不供牧人之吏謀不暇給蓋常與猶不  
克成光緒五年京兆尹樊君諱陵字德雲勤恤人隱  
悉心政事苟有可以惠斯人者無聞而不行焉遂謫  
之郡吏申於故左僉以為因其所利之事者不可已  
者也乃命方略大吏魏遂令伍瓊揣度屯慮揆程經  
用以事上聞副在三府農司後取於豪富借力立於  
黎元樹枉累石麥薪積土基趾功堅體力強壯折端  
流歛曠陂惠之於新渠流水門通窰瀆洒之畝畝清  
流浸潤泥填浮游晨之鹵田化為其壤稔黍稼之狀

入不可勝景熙怡悅豫與相謳談疆畔斐然成章謂  
之樊惠渠云爾其歌曰

我有長流莫或道之我有溝澮莫或達之田疇布  
鹵莫修莫釐飢饉開悴莫恤莫思乃有惠君作人  
父母立我東畝黃潦膏凝多稼茂止惠乃無疆如  
何勿喜我壤既營我疆斯成泯泯我人既富且盈  
為酒為醴蒸俾祖靈貽福惠君壽考且寧

郡掾吏張玄祠堂碑銘

掾諱玄字伯雅河南偃師人也其先張仲者實以孝

友為名左右周室大漢初吳張蒼為丞相對北平侯  
其後自河內遷于茲土世為顯姓掾天安恭恪宣慈  
惠和允恭博敏惻隱仁恕正身履道以協閭庭損則  
瞻道遊疏族動中規矩言合典式不知名彰不飾行  
者可謂仁粹淑貞自然之素者已論者嘉之州郡禮  
招署致掾史沉靜寡欲不求榮祿是以豈於天爵薄  
於人位某月日遭疾而卒翻以頑固之質受過庭之  
訓獲執機出宰相邑遷太守得大夫之祿奉蒸嘗之  
祠尋原祿之所由而至於此先考積善之餘慶陰德

之陽報乃於是立祠堂假碑勒銘式明令德以示乎  
後辭曰

於惟我考允迪懿德治信斯順其儀不忒仁惠周  
洽行惟模則為垂餘慶貽此燕翼邈矣遺孫用懷  
多福刊名金石流于罔極

袁甫來碑銘

茂德休行曰袁滿來太尉公之孫司徒公之子逸才  
淑安實所受聰遠通敏越黜此在闕明易孝從誨如  
流習家治易孟氏遇自能誠事不再奉尚一及三具

始知終情性周備夙有就前孝智所生順而不矯篤  
交兄弟和而無忿氣決泉達無所礙滯雖冠帶之中  
士按材考行無以加焉允公族之殊異理家之富佐  
家律其器士嘉其良雖則童稚令門芬芳降生不永  
年十有五四月壬寅遭疾而卒既苗而石穗凋殯華  
英嗚呼悲夫乃假碑旌于墓表嗟其傷矣惟以告哀

童幼胡根碑銘

故陳留太守胡君子曰根字仲原生有嘉表幼而克  
才角犀豐盈光潤玉額聰明敏惠好尚早識言語所

及智思所生雖成人之德無以嘉焉而命不長夙瘥  
凶災年七歲建寧二年遭疾天逝茲祖悼痛昆姑孔  
懷感襁褓之親愛憐國之城乖離乃摧宜就封二祖  
家生李陶等相与追慕先君悲悼遺嗣樹碑刊辭以  
慰哀思辭曰

於惟仲原應氣淑靈實有令儀而氣如瑩明之  
性与躰俱生陶言斯識觀物知名侍者太勤受誨  
則成柔和順美与人靡爭忿不怨對喜不驕盈當  
受福永為光為榮如昊天命降此短齡惜繁華之

方暉兮嚴霜而凋零嗟童孺之夭逝兮傷慈母之  
肝情從皇始乎靈兆兮傷祿魄之斯寧哀慘戚以  
流涕兮念汚軫兮不呈願永懷於不朽兮乃託辭  
於斯銘

司徒袁公夫人馬氏碑銘

維光和七年司徒袁公夫人馬氏薨其十一月塋哀  
子懿達仁達銜恤哀痛靡所寫懷乃撰錄母氏之德  
所履公之門人覩文感義采石於南山懿之群儒假  
貞石以書焉夫人右扶風陵人也曾祖中水侯祖將

作大匠考南郡太守中水侯弟伏波將軍正淑媛作  
合孝明誕生孝章婚姻帝室世為名族夫人應靈和  
德精性妙角犀豐盈實有偉表溫慈惠慎而寡言以  
從師氏四禮之教早達窈窕德象之儀及求正明哲  
俱治婦業孝敬婉變畢力中饋後生仰則以為謀憲  
自公歷據王官至宰相夫人營克家道扶翼政事聰  
明達乎中外隱括及乎無方不出其裁化導宣暢童  
子無驕逸之猶婦妾無捨力之愆故能窮生人之光  
寵獲福祿之豐報朝春政之王室窮桑肅於蚕宮春

秋六十有三懷疾不永懿等追想定省尋思彷彿哀窮念極不知所裁乃申辭曰

於穆母氏其德孔休思齊先始百行聿修宣慈惠和息澤並同義方之訓如川之流伴我小子蒙昧以彪不享遐年以永春秋往而不返潛淪大幽嗚呼哀哉几筵虛設幃帳空陳器物猶在不見其人魂氣飄々焉所安神兄弟何依姊妹何親號咷切怛曾不我聞吁嗟上天何辜而然傷逝不續近者不旋

濟北相崔君夫人誄

維延熹四年故濟北相夫人卒嗚呼哀哉世表母儀宗殞憲師哀々孝子靡所瞻依凡百赴吊至止增悲投帚歔歔共氣赫安乃作誄曰

清和有鑠時惟哲母令儀令色爰以資始寒淵其心淑慎其止于母斯勤在子斯敏仰覽篇籍俯釐絲系多才多藝于何不有休譽邈焉允女之英乃及崔君惟德是行其德伊何實粹爰恭其機契闊中饋敦此婉順疾彼攸遂思齊徽意晨晝夜寢穆

穆其猷莫之与二天祚明德底之方毅於赫崑君  
應茲祉祿夫人有胤翼此清節仁風溫潤義惠優  
渥推恩中外施浹流族食不兼膳服不織縠以榮  
儉嗇以奢為辱堂上其胤惟世之良于其命母受  
茲義方訓以柔和董以嚴剛怒不傷愛喜不亂莊  
納之矩度終然允藏是用登齊享其寵光雖則崇  
盛猶匪寧息同其歸子茂師其職郡光  
綢繆  
祭服貫無荒尊不舍力密勿不忘惟德之極昔  
在共姜陪臣之母勞謙紡績仲尼是紀矧茲夫人

帝室命婦猶日孜孜復有克己人亦有言仁者壽  
長宜登永年黃耆無疆昊天不弔降此殃殃寢疾  
彌留粹爽悴傷慘怛孝子喘上其惶縻神不奉無  
藥不將嗚呼哀哉於是孝子長叫氣絕復蘇號呼  
告哀不知其事昊天上帝忍弔遺孤尋想遊靈馬  
識所恒嗚呼哀哉既殯神柩溥言于婦家宰喪儀  
每礼無遺切上喪主瘠羸哀哀兮長慕涕無晞行  
旅揮涕千里于咨乃卜筮言考其良逝波兆域于  
時翳藏冥上窀穸無時有陽燈燭既滅馬道納光

形影不見定省何望莫礼不虧當嗟其哀矣不可  
彌忘日月代序古皆有喪由斯夫人榮列有章配  
哲士彥既隆且昌顧景赫奕 供孔陽惟以慰懷  
庶無永傷嗚呼哀哉

新刊蔡中郎伯喈文集卷之九終

新刊蔡中郎伯喈文集卷之十

明堂月令論

明堂者天子太廟所以宗嗣其祖以配上帝者也夏  
后氏曰世室殷人曰重屋周人曰明堂東曰青陽南  
曰明堂西曰總章北曰玄堂中央曰太室易曰誰也  
者明也南方之卦也聖人南面而聽天下卿明而治  
人君之位莫正於此焉故雖有五名而主以明堂其  
正中皆曰太廟謹承天順時人之令昭令德宗廟之  
礼明前功百辟之勞起養老敬長之義顯教幼誨釋

之孝朝諸侯選造士於其中以明制度生者乘其能  
而死者論其功而祭故為大教之宮而四孝者具焉  
官司備焉譬如北辰居其所而衆星拱之万象翼之  
政教之所由生專實化之所由來明一統也故言明  
堂之大義深也取其宗祀之青貌則曰青廟取其政  
室之貌則曰太廟取其尊崇矣則曰太室取其堂則  
曰明堂取其四門之孝則曰太孝取其四面周水圓  
如璧則曰辟雍異名而同土其實一也春秋因魯取  
宋之奸賂則顯之太廟以明聖主建青廟明堂之義

今日取郛大禹于宋戊申納于太廟傳曰非禮也人  
君者將昭德塞違故昭令德以示子孫是清廟茅蓋  
昭其儉也夫德儉而有度升降而有數文物以紀之  
吉名以發之以臨照有官也 也 是乎戒懼而不敢  
易紀律所以明大教也以周清廟論曰魯太廟皆明  
堂也魯禘祀周公於太廟明堂猶周宗祀文王於青  
廟明堂也禮記禮弓曰王齋禘於宗廟明堂也孝今  
曰宗祀文王於明堂禮記明堂位曰太廟天子曰明  
堂又曰成王幼弱周公踐天子位以治天下朝諸侯



於明堂制禮作樂頒度量而天下大服成王以周公  
為有勲勞於天下命魯公世禘禮周公於太廟以  
天子之禮升歌青廟下管象舞所以廣魯於天下也  
取周青廟之歌也於魯太廟明魯之太廟猶周之青  
廟也嘗所以昭文王周公之德以示子孫也易傳太  
初篇曰天子旦入東季晝入南季暮入西季太季在  
中央天子所自季也禮記傳保篇曰帝入東季上親  
而貴仁入西季上賓而貴德入南季上齒而貴信入  
北季上貴而尊爵入太季承師而問道與易傳同魏

文侯孝經傳曰太季者中季明堂之位也禮記言太  
明堂之禮曰膳夫是相禮日中出南闈見九族又曰  
子相曰側居西闈視五國之士日入出闈視帝節節  
尔視曰宮中之門謂之闈王居明堂之禮又別陰陽  
門東南稱門西北稱闈故周官有門闈之季師氏教  
以三德守王門保氏教以六藝守王闈然則師氏居  
東門南門保氏居西門北門也督掌教國子與易傳  
保傳王居明堂之禮漆詳發為季四焉文王世子篇  
曰凡大合樂則遂養老天子至力命有司行士與秩

節祭先聖先師焉始之養也適東序釋奠於先老遂  
設三老五更之席位言教孝始之於養由東方歲始  
也又春夏享干戈秋冬享羽旄皆習於東序凡祭養  
老之言語之禮皆小樂正詔之於東序又曰大司成  
論說在東序然則學皆在東序之堂也學者聚焉故  
稱詔太享仲夏之月令祀百辟卿士之有德於民者  
禮記大享志曰禮士大夫享于聖人善人祭于祖堂  
其無位祭于太享禮記昭穆篇曰祀先賢於西享所  
以教諸侯之德也即所以顯行國禮之處也太享明

堂之東序也皆以明堂辟雍之內月令記曰明堂者  
所以明天地統萬物明堂上通於天象曰辰故下十  
二宮象辰也水環四周言王者動作法天地德廣及  
四海方此水也禮記盛德篇曰明堂九室以茅蓋屋  
上圓下方此水冬曰辟雍王制曰天子出征執有罪  
反釋奠於享以訊馘告樂記曰武王伐殷薦俘馘于  
京太室詩魯頌云矯矯虎臣在泮獻馘京鎬京也太  
室辟雍之中明堂大室與諸侯泮宮俱獻馘也即王  
制所謂以訊馘告者也禮記曰祀乎明堂所以教諸

侯之孝也孝經曰孝悌之至通於神明光於四海詩云自西自東自南自北無思不服言行孝者則曰明堂行悌者則曰太享故孝經合以為一義而鎬京之詩以明之凡此皆明堂太室辟雍太享事通文合之義也其制度之數各有所依堂方伯四十四尺坤之策也屋園屋徑二百一十六尺乾之策也太廟明堂方三十六丈通天屋徑九尺陰陽九六之變且園蓋方載九六之道也八闈以象八卦九室以象九州十二室以應辰三十六戶七十二牖以四戶八牖乘九

室之數也戶皆外設而不閉示天下不藏也通天屋高八十一尺黃鐘九九之實也二十八柱列于四方亦七宿之象也堂高三丈以應三統四卿五色者象其行外廣二十四氣世四周以水象四海王者之大禮也月令篇名曰因天時制人事天子發號施令命神受職每月異禮故謂之月令所以順陰陽奉四時効氣物以王政也成法備各從時月藏之明堂所以示承祖考神而明上不敢泄瀆之義故以明堂冠以名月令其篇自天地定位有其象聖帝明君也世有

詔襲蓋以成大業非一代之事也易正月之卦曰真經曰王用亨于帝吉孟春令曰乃擇元日祈穀于上帝顓頊歷術曰天元正月己巳朔日立春日月俱起於太廟宮室五度令月孟春之日月在營室建堯典曰乃命羲和欽若昊天歷象日月星辰敬授人時令曰乃命太史守典司天星辰之行易曰不利為寇利用禦寇令曰兵伐不起不可從我始書曰歲二月間律度量衡中春令日夜分則同度量鈞衡石凡此皆於大歷唐政其類不可稱戴禮夏小正傳曰陰陽生

物之後王事之次則夏之月令也故人無文及周而備文義所說傳衍深遠宜周公之所著也官號職司與周官合用書七十二篇而月令第五十三古者諸侯朝正天子受月令以歸而藏諸廟中天子藏之於明堂也每月告朔朝廟出而行之周室既衰諸侯怠於魯禮文公廢告朔而朝仲尼書譏之經曰閏月不告朔猶朝于廟刺舍大禮而小儀自是告朔遂闕而徒用其羊子貢非廢其令而請去之仲尼曰賜也爾愛其羊我愛其禮庶明王復興之君人者昭而明之

稽而用之耳無逆聽令無逆政所以臻乎大順陰陽  
和平穀豐太平給符瑞至由此而已秦相呂不韋著  
書取月令為紀號淮南王安亦以取為第四篇政名  
曰持則故偏見之徒或云月令呂不韋作或曰淮南  
皆非也

月令問答

問者予何為著月令說也予勿讀記以為月令體大  
經問不宜與記書雜錄並行而記家記之又略及前  
儒持為章句者皆用其意傳非其意傳非其本旨也

不知月令議徵驗而在諸經周官左傳曰親與禮記  
通第而不為徵更生他意橫者綽々久矣光和元年  
餘被于章離重罪從朔方內有獫狁敵衝之虜外有  
寇虜鋒鏑之艱危顯稟々死亡無日過被學者聞家  
蓋而忘之亦自有所覺寤廢幾頗將事情而託未有  
注記著於文字也懼顛蹶墮墜所以示及事總真君  
子而懷之朽腐思誠之九書有陰陽升降天文曆數  
事制度可假以為本數辭託說以辰之象々要者莫  
大臣今故遂於憂怖之中晝夜密勿昧成之勞貫五

駐叅已群書至及國家律令制度遂之曆數盡天地  
三光之情鮮繁文而曼衍非所謂理約而達也道長  
曰短喪危殆競取其心盡而已故不能復刪省蓋所  
以顛探辨物多識前言往行之流也苟便學者以為  
可覽之則余死而不朽也

問者曰子說月令多類以周官左氏假無周官左氏  
傳月令為無說乎曰夫根祗祠則枝葉必相從也月  
令與周官並為時在政令之記異文而同體官名百  
職皆周官解月令甲子沈子所謂以春秋也若夫太

昊蓐收勾芒祝融之屬左傳造義強說生名者同是  
以用之

問者曰既用古文於曆數不用三統用四分何也曰  
月令所用叅諸曆象非一家之事傳之於事不曉學  
者宜以當時所施行夫密近者三統已踈闊廢固不  
用也

問者曰既不用三統以驚蟄為孟春中雨水為三月  
節皆三統法也獨用之何曰孟春月令曰蟄虫始震  
在正月也中春始雨水則雨水二月也以其合故用

之

問者曰曆云 季夏節也而今文見於五月何也曰  
今不以曆節言據時始暑而記也曆於大雪小雪大  
寒小寒皆去十五日然則小暑當去大暑十五日不  
得及四十五日不以節言據時暑也

問者曰中春令不用犧牲以珪璧更日祈不犧牲何  
也曰是月獻黍與太牢祀高禘宗廟之祭以中月安  
得用犧牲祈者求之祭也著令者豫設水旱疫癘當  
禱祈用犧牲者是用之助生養傳祈以幣代牲令章

勾因於高禘之事乃造說曰更者刻木牲如何有禘  
更此說自欲極矣經典傳說無刻代牲之說此故以  
為閭甚正其祀之宗伯似書有轉設三豕渡河之類  
也

問者曰仲冬令曰奄尹申宮令謹門闌也曰闌尹官  
者內官也主宮室出入宮中之門曰闌闌尹之職也  
閭里門非闌尹所主知當闌也

問者曰令曰七騶咸駕今曰騶何也曰本官職者莫  
正於周官上天子馬六種上一騶故六騶左氏

傳晉程鄭為乘馬御六騶屬焉無言七者知當為六也

問者曰今以中秋築城郭於經傳為其時非詩曰定之方中作于楚宮定營室也九月十月之交西南方中故傳曰小昏正而裁水即營室也昏正者昏中也裁殺板裁而始築也今文在前一月不合於經傳也

問者曰子說三難皆以行為本古論周官禮記說以為但遂惡而已獨安取所之曰取之於月令而已四

時通等而夏無難又曰日行也春行少陰秋行少陽冬行太陰上陽皆使不於其類故冬春難以助陽秋難以達陰至夏節太陽行太陰自得其類無所扶助獨不難取之於是也

問者曰反令每行一時轉三旬以應行三日政也夏春行夏令則雨水不時謂行夏也草木旱枯中夏也臣乃有恐孟夏也令總合為一事不分別施之於三月何也曰說者見其三旬不得傳注而為之說所通有所滯礙不得矣孟秋反令行冬令則草木枯後乃



大水敗其城郭以故則也則分為三事後乃大水在  
誰後也城郭為獨自壞非水所為也季冬令曰行春  
令則胎夭多傷民多蠱疾命之曰逆即分為三事行  
季冬令為不敢災異但命之曰逆也知不得斬絕東  
應一月也其類皆如此令之所述畧舉尤者也

問春食麥羊夏食菽雞魚之屬但以為時味之宜不  
合之於五行月令服食器械之制皆順五行者也說  
所食獨不以五行不已畧乎曰盡所思之矣凡十二  
辰之禽五時所食者必家人所畜丑牛未羊戌犬酉

雞亥豕而已其餘龍虎以下非食也春木王勝土  
王四季四季之禽牛屬季夏犬屬 故曰未羊可  
以為春食也夏火王火勝金酉雞可以為夏食也季  
夏食也季夏土王土勝水當食豕而食牛土五行之  
尊者牛五畜之大者四行之性無足以配土德者故  
以牛為季夏食秋金王金勝木寅虎非可食者亥豕  
而無角虎屬也故以犬為秋食也冬水王水勝火當  
食馬而禮不以馬為牲故以其類而食豕也然則豕  
為 菽為金麻為木黍為水冬配其牲為食也雖有

此說而米盭精粹不合於易卦所爲之動及洪範傳  
其士之畜近自卜筮之術故餘略之不以為章句聊  
以應問亦有說而已

問記曰養三老五更子獨曰五更周禮曰八十一御  
妻又曰御妾何也曰字誤也叟長老之稱也其字与  
更相似書者轉誤遂以為更嫂字女旁叟瘦字中更  
今皆以為更矣立孝不形聲何得以為字以嫂瘦矜  
之知是更為嫂也妻者齊也惟一適人稱妻其餘皆  
妾位最在下也是以不得妻云也

蔡中郎伯喈外傳

胡廣黃瓊頌

巖々山岳配天作輔降神有周生申及甫允茲漢室  
誕育二后曰胡曰黃方軌齊武惟道之淵惟德之敷  
股肱元首代你心膂天之烝人有則有類我胡我黃  
鍾厥絕懿魏々特進仍踐其位赫々三事七佩具綬  
奕々四牡沃若六轡袞職龍章其文有蔚參曜軋台  
窮寵

賈功加八荒群生以遂超哉邈乎莫與為二

上漢書十志疏

朔方髡鉗徒臣鬻稽首再拜上書

皇帝陛下臣鬻被受

陛下充異大息初由宰府備數典城以親父故衛尉  
質時尚書召拜郎中受詔詣東觀著作遂與群儒  
並拜議郎沐浴息澤承答聖問前后六年質奉機密  
趨走目下遂竟端右出紀好藩選尹輦轂旬日之中  
登囂上列父一門兼恩龍不能輸寫心力以効絲  
髮之功一旦披章陷波辜戮

陛下天地之德不忍刀鋸截首領得就平罪父子家

屬從充邊力寃全軀命喘息相隨非臣無狀所敢望  
非臣罪惡所當復蒙非臣辭筆所能復陳臣初決罪  
洛陽詔獄生出牢戶顧念元初中故尚書郎張俊坐  
漏泄事當復重刑已出轂門復聽讀鞠詔書馳救一  
等輸作左校俊上書謝恩遂以轉徙郡縣徒遣徧於  
吏手不得頃息含辭抱悲無由上達既倒徙所乘塞  
守烽我在候望憂怖憔悴無心復能操筆成章致於  
闕庭誠知 聖朝不責臣謝但愚心有所不竟臣  
自在布衣常以為漢書十志下盡王莽而世祖以來

唯有紀傳無續志者臣所師事故太傅胡廣知臣頗識其門戶略以所有舊雖未備悉粗見首尾積累思惟二十餘年不在其位非外吏庶人所得擅述天誘其衷得備著作郎建言十志皆當撰錄遂尚議郎張華等分受之所使元順難者皆以付臣先治律曆以籌筭為本天文為驗請太師田注考校連年往來頗有差舛當有增損乃可施行為無窮法道至深微不可獨議郎中劉洪密於用筭故臣表上洪與共參思圖牒尋繹適有頭角會臣被罪逐放邊野臣竊自痛

一為不善使史籍所闕胡廣所校二十年之思中道廢絕不得究竟樓之情猶以結心不能違望臣初欲須測竟乃因縣道具以狀聞今年七月九日匈奴攻郡盜池縣其時鮮卑連犯雲中五原一月之中烽火不絕不言四夷相與合謀所圖廣遠恐遂為變不知所齊郡縣咸情不守朝且臣所在孤危懸命鋒鏑淫戒土灰呼吸無期誠恐遂為隨軀腐朽抱恨黃泉遂不設施謹先願謁科條諸志臣欲制刪定者一所當接續者四前志所無臣欲著者三及經典群書所

宜据摠本奏詔書所當依據分別首目并書章左臣  
初考也妻子逃竄亡失文書無所案請加以惶怖愁  
恐思念荒散十分不得識一所識者又恐謬誤觸冒  
死罪披散愚情願下東觀往求諸奏叅以璽書以補  
綴遺闕昭明國跡章聞之後雖肝腦流離白骨剖破  
無所復恨惟陛下省察謹因臨衣長霍圍封上臣頌  
首死罪稽首再拜以聞

述行賦

廷熹二年秋霜雨逾月是時梁冀新誅而徐璜左官

五侯擅貴於其處又起顯明苑于城西人徒凍餓不  
得其命者甚衆白馬令李雲以直言死鳴臚陳君以  
救雲抵罪璜以予能鼓琴自朝廷

勅陳留太守遣予到偃師病不前得歸心積此事遂  
託所過述而成賦

余有行兮京洛兮遘雨之經時塗迤邐其蹇連兮潦  
汙滯而為灾祭馬蹠而不進兮心鬱伊而憤思耶弘  
慮以存古兮宣幽情而屬詞夕余宿于大梁兮諒無  
忌之神哀晉鄙之無辜兮忽朱亥之篡軍歷中羊之

舊城兮憎佛 之不臣問甯越之裔胃兮藐髣髴而  
無間經圃田而看北境兮悟衛康之封疆迄管邑而  
增歎兮愍叔民之啓商過漢祖之所隘兮弔紀信於  
滎陽降虎牢之曲陰兮路立墟以盤祭動諸侯之遠  
戍兮侈申子之美城甚濤塗之復惡兮陷夫人以大  
名登長坂以凌高兮陟葱山之巖峭建撫臯而立洪  
高兮經萬世而不傾迴峭峻以降阻兮小阜寥其異  
形崗岑紆以連屬兮谿壑瓊其奇寔魏嗟城以乖邪  
兮廓廖壑以崢嶸穢襍而雜榛楛兮被浣臺而羅布

疊茲與臺商兮緣增崖而結莖行遊日以南遊兮覽  
太室之威靈顧大河 北恨兮看洛水之始奔危劉  
定之攸儀兮哀伯禹之所營悼太康之失位兮愍五  
子之歌聲尋修執以增舉兮醜悠々之未央山風洌  
以颺涌兮氣慄々而厲涼雲鬱術而四塞兮雨濛々  
而漸唐僕夫疲而劬瘁兮我馬虺頽以玄黃格莽丘  
而稅駕兮陰曠々而不陽哀衰周之多故兮眺瀕隈  
而增感忿子帶之淫逆兮唁襄王於檀坎悲寵之  
爲瘦兮心惻愴而懷慄操舫舟而沂湍浴兮浮清波

以橫厲想宓妃之靈光兮神幽隱以潛翳實熊耳之  
泉液兮搃伊瀍與澗瀨通渠源於京城兮引職貢乎  
荒裔操吳榜其萬艘兮王王府而納最濟西溪而容  
與兮息輦都而後簡簡公之失師兮疾子朝之爲  
害玄雪黔之以凝結兮零雨集之濼路阻敗而無軌  
兮塗淖弱而難遵率陵阿以登降兮赴偃師而釋勤  
壯田橫之奉為兮義二士之恢墳佇淹溜以候零兮  
感心心之哀兮并日夜而遙思兮霄不保以極晨侯  
風雲之休勢兮天牢端而無文彌信宿而後闕兮

威遺以東運陽光見之顛也兮懷少弭而有欣命僕  
夫其就駕兮吾將注乎京邑皇家赫而天居兮萬方  
祖而並集貴寵扇以彌熾兮貪守利而不戢前車復  
而未遠兮後桀驅而競入窮變巧於臺榭兮民露處  
而寢濕清嘉穀于禽獸兮下糠粃而無粒弘寬裕以  
便辟兮紕忠諫其侵急懷伊呂而黜逐兮道無因而  
獲人唐虞眇其既遠兮常俗生於積習周道鞠為茂  
草兮哀正路之日愆觀風化之得失兮猶紛掌其參  
藿無亮宋以匡世兮亦何為乎此畿甘衡門以寧神



兮詠都人而思婦爰結蹤而迴軌兮復邇族以自綏  
辭曰陵涉路艱以阻兮終其永懷寤陰雨兮歷觀  
群都尋前考之舊聞破事舉兮登高斯賦義有  
取兮則善或惡豈云苟兮翻獨征無倚與兮言旋  
言接我心宵兮

短人賦

侏儒短人憔悴之後出自外域戎狄別種去俗婦義  
慕化企踵遂在中國形貌有部名之侏儒生則象父  
唯有晏子在齊辨勇匡景拒崔刃不恐其餘吒么劣

厥倭窶噓噴怒語與人相距嗜酒喜索罰卒醉則揚  
聲罵詈恣口衆人患忌誰與並侶是以陳賦引譬比  
偶皆得形象誠如所語其詞曰

雄荆難兮鷺鷥鶉鳩兮鶉鷄鷓鴣冠戴勝兮啄  
木兒覲短人兮形若斯熱地蝗兮蘆卽且墜中蛹  
兮蚤蠕頰視短人兮形若斯木門閫兮梁上柱弊  
鑿頭兮斷柯斧鞞鞞兮補屨撲脫椎柄兮擣衣  
杵視短人兮形如許

飲馬長城窟行

青比河邊草綿比思遠道比不可思宿昔夢見之  
夢見在我旁忽覺在他鄉比各異縣展轉不相見  
枯桑知天風海水知天寒入門各自媚誰肯相為言  
客從遠方來遺我雙鯉魚呼兒烹鯉魚中有尺素書  
長跪讀素書比上竟何如上有加飡食下有長相憶

篆勢

因為鳥跡蒼頡循聖作則制文體有六篆巧妙入神  
或象龜文或比龍鱗紆牀放尾長翅短身頡若黍稷  
之垂顛蘊若虫蛇之勢緼揚波振擊龍躍鳥震延頸

賈翼以凌雲或輕舉內投微本濃未若絕若連以  
冰露緣絲凝垂下端從者如懸衡者如編杪者邪趣  
不圓不方若行若飛岐比翻比遠而望之若鴻鵠群  
遊絡繹遷延迫而視之湍際而不可得見指揮不可  
勝原妍柔不能數其詰屈離婁不能覩其隙間般僂  
揖讓而辞巧籀誦拱手而韶翰處篇籍之首目繁比  
彬比其可觀禱華豔於純素為學藝之範開嘉文德  
之弘懿蘊作者之莫刊思字體之俯仰率大略而論

旃

隸勢

鳥跡之變乃惟佐隸蠲彼繁文崇此簡易厥用既行  
躡象有度負若星陣鬱若雲布其大徑尋細不容髮  
隨事從宜靡有常制或穹窿恢廓或櫛比鍼列或砥  
繩平直或蜿蜒繆戾或長邪角趣或規旋矩折修短  
相副異躡同勢奮華輕舉離而不絕纖波濃點錯落  
其間若鍾簋設設張庭燎飛煙嶄崑崔嵬高下屬連  
似崇臺重宇增雲冠山遠而望之若飛龍在天近而  
察之心乱目眩竒姿譎誕不原研桑所不能計罕賜

所不能言何草篆之足筭而斯文之未宣豈體大之  
難覩將秘奧之不傳聊佇思而詳觀舉大教而論旃

釋誨

閑居翫古不交當世感東方客南及揚稚班固崔駰  
之徒設以自通乃斟酌群言題其是而矯其非作釋  
誨以戒厲云爾有務世公子誨於華顛胡老曰蓋聞  
聖人之大保曰位故以仁守位以財聚人然則有位  
斯位有財斯富行義達道士之守也故伊賁有負鼎  
之術仲尼設執鞭之言甯子有清商之歌百里有豢

牛之事夫如是則聖哲之通趣古之明志也夫子生  
清穆之世稟醇和之林覃思典籍韞積六金安貧樂  
賤與世无營沉精重淵抗志高冥包括无外綜析无  
形其已又矣魯不能拔萃出群揚芳飛文登天序以  
爨倫掃六合之穢匿清宇宙之埃塵連光芒於白日  
屬炎氣於景云時逝歲暮默而無聞小子惑焉是以  
有云方今聖上寬明輔弼賢之崇英逸偉不墜於地  
德弘者見宰相而裂土才美者荷祿而蒙賜蓋亦回  
塗要至僥仰取容輯當世之利定不拔之功榮家宗

於此時遺不滅之令蹤夫獨未之思抑何為守彼而  
不通此胡老傲然而笑曰若公子所謂觀曖昧之利  
而忘明哲之害專必成之功而忽蹉跌之敗者已公  
子謾尔歛袂而興曰胡為其然也胡老曰居吾將釋  
汝昔自太及君臣始基有羲皇之洪寧唐虞之至時  
三代之隆亦有緝熙五伯扶微勤而撫之一斯已降  
天網縱人絃弛王塗壞太及隋君臣土崩上下二解  
於是智者騁詐弄者馳說武夫奮勇戰士講銳電駭  
風馳霧散云披變詐乖詭以合時宜或畫一策而結

萬金談崇朝而錫瑞珪連衡者六印磊落合縱者駢  
組流離隆貴翕習積富无崖據巧路已以忘其危夫  
華鬋蒂而菱條去幹而枯文治容而滯士背道而辜  
人毀其滿神疾其邪利端始萌害漸亦牙速也方穀  
夫也 是加鈔豐其屋乃節其家是故天地否閉聖哲  
潛形石門守長沮桀耦耕顏歎抱璞遠瓊保生齊  
人歸樂孔子斯征壅渠驟乘逝而遺輕夫豈傲主而  
背國乎道不可以傾也且我問之曰南風至則黃鍾  
應融風動而魚上冰凝負統則微陰萌兼葭蒼而白

靈凝寒暑相推陰陽代具運及則化里乱相承今大  
漢紹陶唐之洪烈湯曰海之殘災陰隱天之高折鉅  
地之基皇道推融帝猷顯丕祗也庶類含甘吮滋檢  
六合之群品濟之乎雍熙群僚恭已於職司聖主垂  
拱乎兩楹君臣祿也守之以平濟也多士端委縉紳  
鴻漸盈階振鷺充庭警猶鍾山之玉泗濱之石累珪  
璧不為之盈採浮磬不為之索曩者洪源辟而四輿  
集武功定而干戈戢獫狁攘而吉甫宴城濮捷而晉  
凱入故當其有事也則簑笠並載環甲揚鋒不急於

務當其無事也則舒紳緩佩雋玉以步綽有餘裕夫  
世臣門子執御之族天隆其祐主豈其祿抱甕從容  
爵位自從攝真理辭餘官委貴其取進也順傾轉圓  
不足以喻其便逡巡放蕩不足以況其易夫有逸群  
之才人人有優瞻之智童子不問疑於老成瞳矇不  
稽謀於先王心恬澹於守高意无為於持盈繁平煌  
々莫非華榮明哲泊焉不失所寧在濞振蕩乃乱貪  
夫徇財夸者死權瞻仰此事舛燥心煩聞謙盈之効  
迷損益之數騁駑鳥於脩路慕騏驥而增驅早俯乎

外戚之門氣助乎近貴之膏榮顯未副從而顛暗下  
獲重胥之辜前車已覆喪軌而駑曾不鑒禍以知畏  
懼予誰悼哉害其若是天高地厚蹈而墮之怨豈在  
明患生不思戰々兢々必慎厥尤且用之則行聖訓  
也舍之則截至順也夫九河盈溢非一曲所防帶甲  
百萬非一勇所抗今予責匹夫以清宇宙庸可以水  
旱而累堯湯乎惧烟炎之毀燔何光芒之敢揚哉且  
天地將震而樞星直并无景則日陰食元首寬則望  
舒眺侯王肅則月側匿是以君子推微達著尋端見

緒獲霜知冰踐露知暑時行則行時止則止消息盈  
冲取諸天紀利用遭泰可與否樂天知命持神任  
已群車方奔乎險路安能與之齊軌思危難而自豫  
故在賤而不耻方將騁馳平典籍之崇塗休乎息仁  
義之淵藪盤旋乎周孔之庭宇揖儒墨而為友舒  
之足以兆四表收之則莫能知其所有若乃一千載  
之運應神靈之符閭閻乘天衢擁華蓋奉皇樞納  
玄策於聖德宣太平於中區計合謀從已之圖也重  
績不立予之辜也龜鳳山翳霧露

文集外傳終

新刊蔡中郎伯喈詩集卷之一

悲憤詩

十九首 蔡琰題

嗟薄祐兮遭世患宗族殄兮門戶單身執畧兮入西  
關歷險阻兮之羗巖山谷眈兮路曼曼眷東顧兮但  
悲歎冥當寢兮不能安飢當食兮不能餐常流涕兮  
皆不乾薄志節兮念死難雖苟活兮無形顏惟彼方  
兮遠陽精陰氣凝兮雪夏零沙漠壅兮塵冥冥有草  
木兮春不榮人似禽兮食臭腥言堯離兮狀窈停歲  
華暮兮時邁征夜悠長兮禁門高不能寐兮起屏營

登朝殿兮臨廣庭玄雲谷兮翳月星北風厲兮肅冷  
冷胡笳動兮邊馬鳴孤鴈歸兮聲嚶々樂人興兮彈  
琴箏音相和兮悲且清心吐思兮匈憤盈欲舒氣兮  
憑彼驚含哀咽兮涕沾頸家既迎兮當歸寧臨長路  
兮捐所生况呼母兮號失聲我掩耳兮不忍聽追持  
我兮走榮榮頃獲起兮毀顏形還顧之兮破入情心  
恒絕兮死復生

胡笳

我生之初尚無為我生之後漢祚衰天不仁兮降亂

離地不仁兮使我逢此時干戈日尋兮道路危民卒  
流亡兮共哀悲煙雲蔽野兮胡虜盛志意乖兮義節  
虧對殊俗兮非我宜遭惡辱兮當告誰筮一會兮琴  
一拍心憤怨兮無人知

戎錫逼我兮為室家將我行兮向天涯雲山萬重兮  
歸路遐疾風千里兮風揚沙人多暴猛兮如虺蛇控  
弦被風兮為驕奢兩拍張弦兮弦欲絕志推心折兮  
自悲嗟

越漢國兮入胡城亡家失身兮不如無生羶裘為裳



兮骨肉震驚錫羶為味兮枉逼我情鞞鼓喧兮從夜  
達明胡風浩浩兮暗塞管傷今感管兮三拍成啣悲  
蓄恨兮何時平

無日無夜兮不思我鄉土稟氣含生兮莫迥我最苦  
天災國兮人無主惟我薄命兮沒戎虜殊俗心異兮  
身難處嗜慾不同兮誰可共語尋思涉歷兮多難阻  
四成兮益悽楚

鴈南征兮欲寄邊聲鴈北歸兮為得漢音鴈飛高兮  
邈難尋空斷腸兮思悄悄攢眉向月兮撫雅琴五拍

冷冷兮意彌深

冰霜凜凜兮身苦寒飢對肉酪兮不能餐夜聞隴水  
兮聲嗚咽朝見長路杳漫追思往日兮行李難  
六拍悲來兮欲罷彈

日暮風悲兮邊聲四起不知愁心兮說向誰是原野  
蕭條兮烽戍萬里咨賤少弱兮少壯為羹逐有水草  
兮安家葺壘牛羊滿野兮聚如蜂蟻草盡水竭兮羊  
馬皆徙七拍流恨兮惡居於此

為天有眼兮何不見我獨漂流為神有靈兮何故

我天南海北頭我不負天兮天何配我殊匹我不負  
神兮神何殛我越荒州製茲八拍兮擬俳優何知曲  
成兮心轉愁

天無涯兮地無邊我心愁兮亦復然人生倏忽兮如  
白駒之過隙然不得歡樂兮當我之盛年怨兮欲問  
天上蒼兮今上無緣舉頭仰望兮空雲烟九拍懷情  
兮誰與傳

城南烽火不曾滅疆場征戰何時歇殺氣朝朝衝塞  
門胡風夜夜吹邊月故鄉隔兮音塵絕哭無聲兮氣

將咽一生辛苦兮緣別離十拍悲深兮淚成血

我非貪生而惡死不能捐生兮心有以生仍冀得兮  
歸桑梓死當埋骨兮長已矣日居月諸兮在戎壘胡  
人寵我兮有二子鞠之育之兮不羞耻問之念之兮  
生長邊鄙十有一拍兮因茲起哀響纏綿兮徹心髓

其十二

東風應律兮暖氣多知是漢家天子兮布陽和羌胡  
蹈舞兮共謳歌兩國交權兮罷兵戈忽遇漢使兮稱  
近詔遣千金兮贖妾身喜得生還兮逢聖君嗟別稚

子兮會無因十有二拍兮哀樂均去住兩情兮誰具

陳

不謂殘生却得全歸撫抱胡兒兮泣下沾衣漢使迎  
我兮四牡駢々號失聲兮誰得知與我生死兮逢此  
時愁為子兮日無光輝焉得羽翼兮將汝歸一步一  
遠兮足難移魂銷影絕兮恩愛遺十有三拍兮絃急  
調悲肝腸攪刺兮人莫我知

身歸國兮兒莫知隨心懸々兮長如飢四時萬物兮  
有盛衰惟我愁苦兮不暫移山高地闊兮見汝無期

更深夜闌兮夢汝來斯夢中執手兮一喜一悲覺後  
痛吾心兮無休歇時十有四拍兮涕淚交垂河水東  
流兮心是思

十有五拍兮節調促氣填胸兮誰識曲處琴廬兮偶  
殊俗願得歸來兮天從欲再回漢國兮歡心足心有  
懷兮愁轉深日月無私兮曾不照臨子母分離兮意  
難任同天隔越兮如商參生死不相知兮何處尋

十六拍兮意茫々我與兒兮各一方日東月西兮徒  
相望不得相隨兮空斷腸對萱草兮憂不忘彈鳴琴

兮心何傷兮別子兮歸故鄉  
奮怨平時新怨長泣血  
仰頭兮訴蒼天胡為生我兮獨雁此殃

十七拍兮心鼻酸關山阻修兮行路難  
去時懷土兮心無緒來時別兒兮思漫  
塞上黃蒿兮枝枯葉乾  
沙場白骨兮刃痕箭瘢風霜凜兮  
春夏寒人馬飢  
羸兮筋力單豈知重得兮入長安  
歎息欲絕兮淚闌干

胡笳本出自胡中緣琴翻出音律同  
十八拍兮曲雖終響有餘兮思無窮  
是知絲竹微妙兮均造化之功

哀樂各隨人心兮有變則通  
胡與漢兮異域殊風天  
與地隔兮子西母東  
苦我怨氣兮浩於長空  
六合雖廣兮受之應不容

古詩 一十九首

行行重行行與君生別離  
相去萬餘里各在天一涯  
道路阻且長會面安可知  
胡馬依北風越鳥巢南枝  
相去日已遠衣帶日已緩  
浮雲蔽白日游子不顧返  
思君令人老歲月忽已晚  
棄捐勿復道努力加餐飯

其二

青青河畔草鬱鬱園中柳盈盈樓上女皎皎當牕牖  
娥娥紅粉裝纖纖出素手管為倡家女今為蕩子婦  
蕩子行不歸空牀難獨守

青青陵上柏磊磊澗中石人生天地間忽如遠行客  
斗酒相娛樂聊厚不為薄驅車策駑馬游戲宛與洛  
洛中何鬱鬱冠帶自相索衢羅夾巷王侯多第宅  
兩宮遙相望雙闕百餘尺極宴娛心意戚戚何所迫

其四

今日良宴會歡樂難具陳彈箏奮逸響新聲妙入神

令德唱高言識曲聽其真齊心同所願含意俱未伸  
人生寄一世奄忽若颺塵何不策高足先獲要路津  
無為守窮賤坎軻長苦辛

西北有高樓上與浮雲齊交疏結綺窓阿閣三重階  
上有絃歌聲音響一何悲誰能為此曲無乃把梁妻  
清商隨風發中曲正徘徊一彈再三歎慷慨有餘哀  
不惜歌者苦但傷知音稀願為雙鴻鵠奮翅起高飛

其六

涉江采芙蓉蘭澤多方草采之欲遺誰所思在遠道

還顧望舊鄉長路漫漫浩浩同心而離居憂傷以終老  
其七

明月皎夜光促織鳴東壁玉衡指孟冬衆星同歷歷  
白露霑野草時節忽復易秋蟬鳴樹間玄鳥逝安適  
替我同門友高車振六翮不念携手好棄我如遺跡  
南箕北有斗牽牛不負軛良無盤石固虛名復何益

其八

冉冉孤生竹結根泰山阿與君為新婚菟絲附女蘿  
菟絲生有時夫婦會有宜千里遠結婚悠悠隔山阿

思君令人老軒車來何遲傷彼蕙蘭花含英揚光輝  
過時而不采將隨秋草萎君亮執高節賤妾亦何為  
其九

庭前有奇樹綠葉發華滋攀條折其榮將以遺所思  
馨香盈懷袖路遠莫致之此物何足貴但感別經時

其十

迢迢牽牛星皎皎河漢女纖纖擢素手札札弄機杼  
終日不成章泣涕零如雨河漢青且淺相去復幾許  
盈盈一水間脈脈不得語

迴車駕言邁悠悠涉長道四顧何茫茫東風搖百草  
所遇無故物焉得不速老盛衰各有時立身苦不早  
人生非金石豈能長壽考奄忽隨物化榮名以為寶

其十一

東城高且長逶迤自相屬迴風動地起秋草萋已綠  
四時更變化歲暮一何速晨風懷苦心蟋蟀傷局促  
蕩滌放情志何為自結束燕趙多佳人美者顏如玉  
被服羅裳衣當戶理清曲音響一何悲絃急知柱促  
馳情整巾帶沈吟聊躑躅思為雙飛燕啣泥巢君屋

其十二

驅車上東門遙望郭北墓白楊何蕭蕭松柏夾廣路  
下有陳死人杳杳即長暮寐潛黃泉下千載永不寤  
浩浩陰陽移年命如朝露人生忽如寄壽無金石固  
萬歲更相送聖賢莫能度服食求神仙多為藥所誤  
不如飲美酒被服紈與素

去者日以疎來者日以親出郭門直視但見丘與墳  
古墓犁為田松柏摧為薪白楊多悲風蕭上愁殺人  
思還故里間欲歸道無因

生年不滿百常懷千歲憂書長苦夜短何不秉燭遊  
為樂當及時何能待來茲愚者愛惜費俱為後世嗤  
仙人王子喬難可以等期

凜凜歲云暮蟪蛄夕鳴悲涼風率已厲游子寒無衣  
錦衾遺洛浦同袍與我違獨宿累長夜夢想見容輝  
良人惟古歡狂駕惠前綬頭得常巧笑携手同車歸  
既來不須更又不處重闌亮無晨風翼焉能凌風飛  
眇眇以適意引領遙相睇徒倚懷感傷垂涕霑雙扉

其十五

孟冬寒氣至北門何慘慄愁多知夜長仰觀衆星列  
三五明月滿四五蟾兔缺客從遠方來遺我一書札  
上言長相思下言久離別置書懷袖中三歲字不滅  
一心抱區區懼君不識察

從遠方來遺我一端綺相去萬餘里故人尚爾  
文綵雙鴛鴦裁為合歡被著以長相思緣以結不解  
以膠投漆中誰能別離此

明月何皎皎照我羅床幃憂愁不能寐攢衣起徘徊  
客行雖云樂不如早旋歸出戶獨彷徨愁思當告誰



引領還人房下淚沾衣裳

飲馬長城窟行

青青河邊草絲絲思遠道遠道不可思風音夢見之  
夢見在我傍忽覺在他鄉他鄉各異縣展轉不可見  
枯桑知天風海水知天寒入門各自頽誰肯相為言  
客從遠方來遺我雙鯉魚呼兒烹鯉魚中有尺素書  
長跪讀素書上中竟如何上有加餐食下有長相憶

古詩

上山采蘼蕪下山逢故夫長跪問故夫新人復何如

新人雖言好未若故人媒顏色類相似手爪不相如  
新人從門入故人從門去新人工織繡故人工織素  
織繡日一匹織素五丈餘將繡來比素新人不如故

傷歌行

昭昭素月明暉光燭我床憂人不能寐耿耿夜何長  
微風吹閨闥羅帷自飄颺攬衣曳長帶寢履下高堂  
東西安所之徘徊以彷徨春鳥翻南飛翩翩獨翱翔  
悲聲命儔匹哀鳴傷我腸感物懷所思泣涕忽沾裳  
佇立吐高吟舒憤訴穹蒼

長歌行

青青園中葵朝露待日晞陽春布德澤萬物生光輝  
常恐秋節至焜黃華葉衰百川東到海何時復西歸  
少壯不努力老大徒傷悲

整篋引

置酒高殿上親友從我遊中厨辦豐膳烹羊宰肥牛  
秦箏何慷慨齊瑟和且柔陽阿奏奇舞京洛出名謳  
樂飲過三爵緩帶傾庶羞主稱千金壽賓奉萬年酬  
又要不可忘薄終義所尤謙謙君子德磬折欲何求

驚風飄白日光景馳西沅盛時不可再百年忽我道  
生在華屋處零落歸山丘先民誰不死知命亦何憂

美女篇

美女妖且閑采桑岐路間柔條何冉冉葉落何翩翩  
攘袖見素手皓腕約金環頭上金爵釵腰佩翠琅玕  
明珠交玉體珊瑚間木難羅衣何飄飄輕裾隨風還  
顧眄遺光彩長嘯氣若蘭行徒用息駕休者以忘餐  
借問女安居乃在城南端青樓臨大路高門結重關  
容華耀朝日誰不希令顏媒氏何所營玉帛不時安

佳人慕高義求賢良獨難衆人何嗷嗷安知彼所觀  
盛年處房室中夜起長歎

雜詩六首

高堂多悲風朝日照北林之子在萬里江湖迴且深  
方舟安可極離思故難任孤鴈飛南遊過庭長哀吟  
翹思慕遠人頭欲託遺音形影忽不見翻上傷我心

其二

轉蓬離根飄飄隨長風何意迴颺舉吹我入雲中  
高高上無極天路安可窮類此遊客子捐軀遠從戎

毛褐不掩形薇蕢常不充去々莫復道沈憂令人老

其三

西北有織婦綺縞何續紛明晨秉機杼日晏不成文  
太息終長夜悲嘯入青雲妾身守空閨良人行從軍  
自期三年歸今已歷九春飛鳥繞樹翔嗷々鳴索群  
願為南流星馳光見我君

南國有佳人容華若桃李朝遊江北岸夕宿瀟湘汜  
時俗薄朱顏誰為發皓齒俯仰歲將暮榮耀難久恃

其五

僕夫早嚴駕吾將行遠遊  
欲何之吳國為我仇  
將騁萬里途東路安足由  
江介多悲風淮泗馳急流  
願欲一輕濟惜哉無方舟  
閑居非吾志甘心赴國憂

其六

飛觀百餘尺瞻矚仰撫軒  
遠望周千里朝夕見平原  
烈士多悲心小人偷自閑  
國仇亮不塞甘心思喪元  
拊劒西南望思欲赴泰山  
絃聲悲聲發聆我慷慨言

情詩

微陰翳陽景青風飄我衣  
遊魚潛綠水翔鳥薄天飛

耿耿客行七遙役不得歸  
始出嚴霜結今來白露晞  
遊子歎黍離處者歌式微  
慷慨對嘉賓悽悽內傷悲

送應氏二首

步登北芒坂遙望洛陽山  
洛陽何寂寞宮室盡燒焚  
垣墻皆頽弊荆棘上參天  
不見舊耆老但覩新少年  
側足不行徑荒疇不復田  
遊子久不歸不識陌與阡  
中野何蕭條千里無人煙  
念我平生居氣結不能言

其二

清時難屢得嘉會不可常  
天地無終極人命若朝霜

願得展嬾婉我友之朔方親暱并集送置酒此河陽  
中饋豈獨薄賓飲不盡觴愛至望苦深豈不愧中腸  
山川阻且遠別促會日長願為比翼鳥施翮起高翔  
三良  
功名不可為忠義我所安秦穆先下世三臣皆自殘  
生時等榮榮既沒同憂患誰此捐軀易殺身誠獨難  
攬涕登君墓臨穴仰天歎長夜何冥冥一往不復還  
黃鳥為悲鳴哀哉傷肺肝

七哀

明月照高樓流光正徘徊上有愁思婦悲歎有餘哀  
借問歎者誰言是宕子妻君行踰十年孤妾常獨栖  
君若清路塵妾如濁水泥浮沉各異勢會合何時諧  
願為西南風長送入君懷君懷良不開妾身當何依

短歌行

對酒當歌人生幾何譬如朝露去日苦多慨當以慷  
憂思難忘何以解憂唯有杜康青青子衿悠悠我心  
但為君故沈吟至今呦呦鹿鳴食野之苹我有嘉賓  
鼓琴吹笙明明如月何時可掇憂從中來不可斷絕

越陌度阡枉用相存契闊談讌心會舊恩月明星希  
鳥鵲南飛繞樹三兩何枝可依山不厭高海不厭深  
周公吐哺天下歸心

苦寒行

其上太行山艱哉何巍巍羊腸阪詰屈車輪為之摧  
樹木何蕭索北風聲正悲熊羆對我蹲虎豹夾路啼  
谿谷少人民雪落何霏霏延頸長歎息遠行多所懷  
我心何怫鬱思欲一東歸水深橋梁絕中道正徘徊  
迷感失故路暮無所宿栖行行日已遠八馬同時飢

擔囊行採薪斧冰持作糜悲彼東山詩悠悠使我哀

善哉行

上山采薇薄暮苦饑歛谷多風霜露沾衣野雉群雛  
猿援相迫還望故鄉鬱何壘壘高山有崖林不有枝  
憂來無方人莫知之人生如寄多憂何為今我不樂  
日月如馳湯湯中流中有行舟隨波轉薄有似客遊  
策我良馬被我輕裘載馳載驅聊以忘憂

燕歌行

秋風蕭瑟天氣涼草木搖落露為霜群燕辭歸鴈南

翔念君客遊多思腸  
懽懽思歸恋故鄉  
何為淹留寄他方  
幾妾榮上守空房  
憂來思君不敢忘  
不覺淚下沾衣裳  
挫琴鳴絃發清商  
短歌微吟不能長  
明月皎皎照我床  
星漢西流夜未央  
牽牛織女遙相望  
爾獨何辜恨可梁

雜詩二首

漫漫秋夜長  
烈上北風涼  
展轉不能寐  
披衣起彷徨  
彷徨忽已久  
白露沾我裳  
俯視清水波  
仰看明月光  
天漢迴西流  
三五正從橫  
草蟲鳴何悲  
孤雁獨南翔

鬱上多愁思綿上思故鄉  
願安得翼欲濟可無梁  
向風長歎息  
斷絕我中腸

西北有浮雲  
亭亭如車蓋  
惜哉時不遇  
適與飄風會  
吹我東南行上至吳會上  
非我鄉  
安能久留滯  
棄置勿復陳  
客子常畏人

芙蓉池作

乘輦夜行遊  
逍遙步西園  
雙渠相溉灌  
嘉木繞通川  
卑枝拂羽蓋  
修條摩蒼天  
驚風扶輪轂  
飛鳥翔我前  
丹霞夾明月  
華星出雲間  
上天垂光彩  
五色一何鮮

壽非松喬誰能得神仙遨遊快心意保已終百年

明堂詩

於昭明堂明堂孔陽聖皇宗祀穆穆煌煌上帝宴饗  
五時序誰其配之世祖先武晉天率土各以其職  
倚與緝熙允懷多

辟雍詩

乃流辟雍辟雍湯湯聖皇蒞止造舟為梁備備國老  
乃父乃先抑抑威儀孝友光明於赫太上示我漢行  
洪化唯神

靈臺詩

乃經靈臺靈臺既崇帝勤時登爰考休徵三光宣精  
五行布序習習祥風祁祁甘雨百穀蓁蓁庶草蕃蕪  
屢惟豐年於是樂胥

賢異詩

嶽修貢兮川效珍吐金景兮歌浮雲寶鼎見兮色紛  
紜煥其炳兮被龍文登祖廟兮享聖神昭靈德兮祚  
億年

白雉詩



啓靈篇兮披瑞圖獲白雉兮效素鳥嘉祥阜兮集皇  
都發浩羽兮奮翹英容繁朗兮於溥精彰皇德兮作  
周成未延長兮膺天慶

詠懷詩

夜中不能寐起坐彈琴鳴薄帷  
惟鑑明月清風吹我襟  
孤鴻號外野翔鳥鳴北林  
徘徊將何見憂思獨傷心

其二

二妃遊江濱逍遙隨風翔  
交甫懷環珮婉孌有芬芳  
倚靡情歡愛千載不相忘  
傾城迷下蔡容好結中腸

感激生憂思護草樹蘭房膏沐為誰施  
其雨怨朝陽如何金石交一旦更離傷

嘉樹下成蹊東園桃李秋風吹飛蘂  
零落從此始繁華有憔悴堂上生荆杞  
驅馬舍之去去上西山趾一身不自保  
何况戀妻子凝霜被野草歲暮亦云已

其四

昔日繁華子安陵與龍陽天天桃李花灼灼有輝光  
悅澤若九春馨折似秋霜沅沔發娑媚言笑吐芬芳  
携手等歡愛宿昔同衣裳願為雙飛鳥比翼共翱翔

丹青著明誓永世不相忘

天馬出西北由來從東道春秋非有訖富貴焉常保  
清露被皇蘭凝霜沾野草朝為美少年夕暮成醜老  
自非王子晉誰能常美好

登高臨四野北望青山阿松柏翳岡岑飛鳥鳴相過  
感慨懷辛酸怨毒常毒多季公悲東門蘇子狹三河  
求仁自得仁豈復歎咨嗟

開秋垂涼氣蟋蟀鳴床惟感物懷歎憂悄悄令心悲  
多言焉所告繁辭將訴誰微風吹羅袂明月耀清暉

晨鷄鳴高樹命駕起旋歸

平生少年時輕薄好絃歌西遊咸陽中趙李相經過  
娛樂未終極白日忽蹉跎驅馬復來歸反顧望三河  
黃金百鎰盡資用常苦多北臨太行道失路將如何

其九

昔聞東陵瓜近在青門外連畝距阡陌子母相鈎帶  
五色耀朝日嘉賓四面會膏火自然熬多財惟患害  
布衣可終身寵祿豈足賴

步出上東門北望首陽岑下有采薇士上有嘉樹林

良辰在何許凝霜霑衣襟寒風振山岡玄雲起重陰  
鳴鴈飛南征鷓鴣發哀音素質遊商聲悽慘傷我心

其十

昔年十四五志尚好書詩被褐懷珠玉顏閔相與期  
開軒臨四野登高有所思丘墓蔽山岡萬代同一時  
千秋萬歲後榮名安所之乃悟羨門子噉噉今自嗤

其十一

徘徊蓬池上還顧望大梁綠水揚洪波曠野莽茫々  
走獸交橫馳飛鳥相隨翔是時鷓鴣火中日月正相望

朔風厲嚴寒陰氣下微霜羈旅無倚匹俛仰懷哀傷  
小人計其功君子道其常豈昔終憔悴諒言考斯章

其十二

炎暑惟茲夏三旬將欲移芳樹垂綠葉清雲自逶迤  
四時更代謝日月遞差馳徘徊空堂上初但莫我知  
顧覩卒歡好不見悲別離

灼灼西墜日餘光照我衣迴風吹四壁寒鳥相因依  
周尚銜羽蛩蛩亦念飢如何當路子磬折忘所歸  
豈為夸與名憔悴使心悲寧為燕雀翔不隨黃鸝飛

黃鶴遊四海中路將安歸

獨坐空堂上誰可與歡者出門臨去路不見行車馬  
登高望九州悠悠分曠野孤鳥西北飛離獸東角下  
日暮思親交晤言用自寫

湛湛長江水上有楓樹林臯蘭被徑路青驪逝駿  
遠望令人悲春氣感我心三楚多秀士朝雲進荒淫  
朱華振芬芳高蔡相追尋一為黃雀哀涕下誰能禁

新刊蔡中郎伯喈文集卷之一

終

新刊蔡中郎伯喈詩集卷之二

雜詩

職事煩填委文墨紛消散馳翰未暇食日晏不知晏  
沈迷簿領書回回自昏亂釋此出西城登高且遊觀  
方塘含白水中有鳧與鴈安得肅肅羽從爾浮波瀾

雜詩

微風清扇雲氣四除皎上亮月麗于高隅與命公子  
携手同車龍驥翼上揚鏹臨暝肅上霄征造我友庐  
光燈吐曜華幔長舒寫觴酌醴神鼎熟魚絃超子野

歎過絲駒流咏太素俯讚玄虛孰克英賢與爾剖符

雜詩

晷度隨天運四時互相承東壁正昏中固陰寒節升  
繁霜降當夕悲風中夜與朱火青無光蘭膏坐自凝  
重衾無暖氣挾纒如懷水伏枕終遙夕寤言莫予應  
永思慮替慨然獨撫膺

雜詩

秋風乘夕起明月照高樹閑房未清氣廣庭發暉素  
靜寂愴然歎惆悵忽遊顧仰視垣上草俯察階下露

心虛躄自輕飄飄若仙步瞻彼陵上栢想與神人遇  
道深難可期精微非所慕勤思終遙夕永言寫情慮

雜詩

志士惜日短愁人知夜長攝衣步前庭仰觀南鴈翔  
玄景隨影運流響歸空房清風何飄飄微月出西方  
繁星依青天列宿自成行蟬鳴高樹間野鳥號東廂  
織雲時髣髴溼露沾我裳良時無停景北斗忽低昂  
常恐寒節至凝氣結為霜落葉隨風摧一絕如流光

雜詩

朔風動秋草邊馬有歸心胡寧九分析靡上忽至今  
王事勞我志殊隔過商參昔往鷓鴣鳴今來蟋蟀吟  
人情懷舊鄉客鳥思故林師涓久不奏誰能宣我心

雜詩

吳寇未殄滅亂象侵邊疆天子命上宰作蕃于漢陽  
開國建元土玉帛聘賢良子非荆山璞謬登和氏璫  
羊質服虎文燕翼段鳳翔既懼非所任怨彼南路長  
千里既悠邈路次限関梁僕夫罷遠陟車馬困山岡  
深谷下無底高岩暨穹蒼豐草停滋潤霧露沾衣裳

玄林結陰氣不風自寒涼顧瞻情感切惻愴心哀傷  
士生則懸弧有事在四方安得恒逍遙端坐守閨房  
引義割外情內感實難忘

雜詩

秋風何冽冽白露為朝霜柔條旦夕勁綠葉日夜黃  
明月出雲岫皎皎上流素光被軒臨前庭嗽上晨鴈翔  
高志局四海塊然守空堂壯齒不常居歲暮常慨慷

雜詩

暮春和氣應白日照園林青條若搖翠黃華如散金

嘉卉苑有觀，顧此難久耽。延頸無良塗，頓足託幽深。  
榮與壯俱去，賤與老相尋。歡樂不照顏，慘愴發謳吟。  
上上何嗟及，古人可慰心。

雜詩十首

秋夜涼風起，清氣蕩暄濁。靖烈吟階下，飛蛾拂明燭。  
君子從遠役，佳人守紫獨。宵苦幾何時，鱗燄忽改燭。  
房櫳無行跡，庭草萋已綠。青苔依空墻，蛛網四屋  
感物多所懷，沉憂結心曲。

其二

大火流坤維，白日馳西陸。浮陽映翠林，迴飈扇綠竹。  
飛雨洒朝蔭，輕露棲叢菊。龍蟄暄氣凝，天高萬物肅。  
弱條不重結，芳蕤豈再覆。人生瀛海內，忽如鳥過目。  
川上之歎逝，前脩以自勗。

金風扇素節，丹露啓陰期。騰雲似涌煙，宮雨如散絲。  
寒花發黃采，秋草含綠滋。閑居玩萬物，離后念所思。  
案無肖氏牘，庭無貢公基。高尚遺王侯，道積自成基。  
至人不嬰物，餘風足染時。

朝霞迎白日，丹氣臨腸谷。翳上結繁雲，森上散雨足。

輕風催勁草凝霜竦高木密葉日夜疎叢林森如束  
疇昔歎時遲晚節悲年促歲暮懷百憂將從季主卜

其五

昔我資章雨聊以適諸越行上入齒荒區駱從祀髮  
窮年非所用此貨將安設甕醃奪瓊璠魚目笑明月  
不見卸中歌能否居然別陽春無和者比人皆下節  
流俗多昏迷此理誰能察

朝登魯陽關狹路峭且深流澗萬文餘園木數千尋  
咆虎響窮山鳴鶴聒空林淒風為我嘯百鬚坐自吟

感物多思情在險易常心竭未戒不虞徒戀越羅裳  
王陽驅九折周文走岑崟經阻貴勿遲此理著未分

其七

此鄉非吾上此郭非吾城霸旅無定心翻上如懸旌  
出覩軍馬陣入聞鞞鼓聲常惧羽檄飛神武一朝征  
長鉞鳴鞘中烽火列邊亭捨我衡門衣更被綬綳纓  
疇昔懷微志惟慕竊所經何必操干戈堂上有奇兵  
折衝樽俎間制勝在兩楹巧遲不足稱拙速乃垂名

其八



述職投邊城羈束戎旅間下車如昨日望舒四五圓  
借問此何時胡蝶飛南園沅波恣舊浦行雲思故山  
聞越衣文虵胡馬頽度燕土風安所習由來有固然

其九

結宇窮岡曲耦耕出教陰荒徒寂以閑出岫峭且深  
淒風起東谷有淪興南岑雖無箕畢期膚寸自成霖  
澤雉登隴雉寒猿擁條吟磳壑無人跡荒楚鬱蕭岑  
投耒循岸垂時聞樵采音重基可擬志廻淵可比心  
養真尚無為道勝貴陸沈游思竹素園寄辭翰墨林

其十

黑蛟曜重淵商羊儻野庭飛蕪應南箕豈隆迎號屏  
雲根臨八極雨足灑四溟霖瀝過二旬散漫亞九齡  
階下伏泉涌堂二水衣生洪濼浩方割人懷昏墊情  
沈液激陳根綠葉腐秋莖里無曲突烟路無行輪聲  
環堵自頽毀垣閭不隱形尺燼重尋桂紅粒貴瑤瓊  
君子守固窮在約不莢真雖榮由方贈慙為溝壑名  
取志於陵子比足黔婁生

雜詩二首

結廬在入境而無車馬問君何能爾心遠地自偏  
采菊東籬下悠然見南山山氣日夕佳飛鳥相與還  
此還有真意欲辨已忘言

秋菊有佳色裛露掇其英  
况此忘憂物遠我遺世情  
一觴雖獨進盃盡壺自傾  
日入群動息歸鳥趨林鳴  
嘯傲東軒下聊復得此生

雜詩

思婦臨高臺長想憑華軒  
弄絃不成曲哀歌送苦言  
箕箒留江介良人處鴈門  
詎憶無衣苦但知孤白溫

日暗牛羊下野雀滿空園  
孟冬寒風起東壁正守昏  
朱火獨照人抱景自愁怨  
誰知心曲亂所思不可論

情詩

微陰翳陽景清風飄我衣  
遊魚潛綠水翔鳥薄天飛  
眇眇客行士遙役不得歸  
始出嚴霜結今未白露晞  
遊子歎黍離處者歌式微  
慷慨對嘉賓悽愴內傷悲

情詩二首

清風動帷簾晨月燭幽房  
佳人處遐遠蘭室無容光  
襟懷攏虛景輕衾覆空床  
居歡惜夜促在戚怨宵長

拊枕獨嘯歎感慨心內傷  
遊目四野外逍遙獨延佇  
蘭蕙綠清渠繁華蔭綠渚  
佳人不在茲取此欲誰與  
巢居知風寒穴處識陰四  
不魯遠別留安知慕儔侶

遊仙詩

京華遊俠客山林隱道棲  
朱門何足榮未若託蓬人  
臨源挹清波陵岡撥丹萸  
靈谿可潛盤安事登雲梯  
漆園有傲吏萊氏有逸妻  
進則保龍見退為觸藩  
弋高蹈風塵外長揖謝夷齊

青谿千餘仞中有一道士  
雲生梁棟間風出窓戶裏  
借問此何誰云是鬼谷子  
翹跡企賴陽臨河思洗耳  
闔闔西南來潛波渙鱗起  
靈妃顧我笑粲然起玉齒  
蹇修時不存要之將誰使

翡翠戲蘭苕容色更相鮮  
綠羅結高林蒙籠蓋一山  
中有真寂士靜嘯撫清絃  
放情凌霄外嚼蕊挹飛泉  
赤松臨上游駕鴻乘紫烟  
左挹浮丘袖右拍洪崖者  
借問蟬螭輩寧知龜鶴年

六龍安可頻運流有代謝  
時變感人思已秋復願夏

淮海變微會吾生獨不化雖欲騰舟歛雲螭非我駕  
愧無魯陽德迴日令三舍臨川哀年邁撫心獨悲叱  
其五

逸翮思拂霄迅足羨遠遊清源無增澗安得運吞舟  
珪璋雖特達明月難暗投潛穎怨青陽陵茗哀素秋  
悲未測丹心零淚緣纓流

雜縣寓魯門風暖將為災吞舟浮海底高浪駕蓬萊  
神仙掛雲出但見金銀臺陵陽挹丹溜容成揮五杯  
姮娥揚妙音洪崖頷其頰升降隨長烟飄飄戲九垓

奇齡邁五龍千歲方嬰孩燕昭無靈氣漢武非仙才  
其七

晦朔如循環月盈已復魄葶收清西陸朱羲將由白  
寒露拂陵茗女蘿辭松柏薜榮不終朝蟬蛸豈見文  
圓兵有奇草鍾山出靈液王孫列八珍安期鍊五石  
長揖當塗人去耒山林客

秋胡詩九首

倚梧傾高鳳寒谷待鳴律影響豈不懷自遠每相匹  
婉被幽闕女作嬪君子室峻節貫秋霜明艷伴朝日

嘉運既我從欣願自此畢

燕君未及歡良人顧有遠脫巾千里外結綬登王畿  
戒徒在昧旦左右相依驅車出郊郭行路正倭遲存  
為久離別沒為長不歸

嗟余此行後三陟窮晨暮嚴駕越風寒解鞍犯霜露  
原隰多悲涼迴颺卷高樹離獸起荒蹊驚鳥縱獵去  
悲哉遊宦子勞此山川路

超遙行人遠究轉年運徂良人為此別日月方向除  
孰知寒暑積僂僂見榮枯歲暮臨空房涼風起坐隅

寢興日已寒白露生庭蕪

勤役徒歸一頓反路遵山河昔辭秋未素今也歲載華  
委月觀時暇桑野多經過佳人從此務窮究援高柯  
傾城誰不顧弭節停中阿

年往誠思勞路遠闊背形雖為五載別相與昧平生  
舍車遵往路竟藻馳目成南金豈不重聊自意所輕  
義心多苦調密此金玉吉

高節難久淹却乘空復辭選上前途盡依上造門基  
上堂拜嘉慶入室問何之日暮行采歸物色桑榆時

美人望昏至慙嘆箭相持

有懷誰能已聊用申苦難離居殊年載一別阻河閨  
春來無時豫秋至恒早寒明發動愁心閨中起長嘆  
慘悽歲方晏日落遊子顏

高張生絕絃杳急由調起自昔在光塵結言固終始  
如何久為別百行僞言諸已君子失明義誰與偕沒齒  
愧彼行露詩井之長川記

新刊蔡中郎伯皆詩集卷之二

終

新刊蔡中郎獨斷文集卷上

陳留蔡邕撰

漢天子正號曰皇帝自稱曰朕臣民稱之曰陛下其  
言曰制詔史官記事曰上車馬衣服器械百物曰乘  
輿所在曰行在所上居曰禁中后曰省中印曰空所  
至曰幸所進曰御其命令一曰策書二曰制書三曰  
詔書四曰戒書

皇帝皇王后帝皆君也上古天子庖犧氏神農氏稱  
皇堯舜稱帝夏殷周稱王秦承周末為漢驅除自以

德兼三皇功包五帝故以為號漢高祖受命功德宜之因而不改也

王者至尊四號之別名

王歲內之所稱王有天下故稱王

天王諸夏之所稱天下之所歸往故稱天王

天子夷狄之所稱父天母地故稱天子

天家有官小吏之所稱天子無外以天下為家故稱天家

天子正號之別名

皇帝至尊之稱皇者煌也盛德煌也無所不照帝者諦也能行天道事天審諦故稱皇帝

朕我也古者尊卑共之貴賤不嫌則可同號之義也堯曰朕在位七十載皐陶與帝舜言曰朕言惠可庶行屈原曰朕皇考此其義也至秦天子獨以為稱漢因而不改也

陛下者陛階也所由升堂也天子必有近臣執兵陳

於陛側以戒不虞謂之陛下者群臣與天子言不敢

指斥天子故呼在陛下者而告之因卑達尊之意也



上書亦如之及群臣士庶相與言曰殿下閣下執事之屬皆此類也

上者尊位所在也太史令司馬遷記事當言帝則依通但言上不敢喋瀆言尊號尊王之義也

未與出於律律曰敢盜乘輿服御物謂天子所服食者也天子至尊不敢喋瀆言之故託之於乘輿乘猶載也輿猶車也天子以天下為家不以京師宮室為常處則當乘車輿以行天下故群臣託乘輿以言之或謂之車駕

天子自謂曰行在所猶言今雖在京師行所至耳巡行天下所奏事處者為宮在京師曰奏長安宮在泰山則曰奏奉高宮唯當時所在或曰朝廷亦依違尊者所都連舉朝廷以言之也親近官侍從稱曰大家百官小史稱曰天家

禁中者門戶有禁非侍御者不得入故曰禁中孝元皇后父大司馬陽平侯名禁當時避之故曰省中今宜改後遂無言之者

璽者印也印者信也天子以玉螭虎紐古者尊卑共

之月令曰固封璽春秋左氏傳曰魯襄公在楚季武子使公冶問璽書追而與之此諸侯大夫印稱璽也也衛宏曰秦以前民皆以金玉為印龍虎紐唯其所好然則秦以來天子獨以印稱璽又獨以玉群臣莫敢用也

幸者宜幸也世俗以幸為僥倖車駕所至群臣被其德澤以僥倖故曰幸也先帝故事所至見長吏三老官屬親臨軒作樂賜食阜帛越中加珮帶民爵有級數或賜田租之半是故謂之幸皆非其所當得而得

乙王仲任曰君子無幸而有不幸小人有幸而無不幸春秋傳曰民之多幸國之不幸也言民之得所不當得故謂之幸然則人主必慎所幸也御者進也允衣服加於身飲食入於口妃妾接於寢皆曰御親愛者皆曰幸幸說從上章

策書策者簡也禮曰不滿百文不書於策其制長二尺短者半之其次一長一短兩編下附篆書起年月日稱皇帝曰以命諸侯王三公其諸侯之薨于位者亦以策書誅謚其行而賜之加諸侯之策三公以罪

亦賜策文體如上策而繅書以尺一木兩行唯此為異者也

制書帝者制度之命也其文曰制詔三公赦令贖令之屬是也刺史太守相刻奏申下土遷書文亦如其微為九卿若遷京師近宮則言官具言姓名其免若得罪無姓凡制書有印使符下遠近皆璽封尚書令印重封唯赦令召三公請朝堂受制書司徒印封露布下州郡

詔書者詔誥也有三品其文曰告某官上如故事是為詔書群臣有所奏請尚書令奏之下有制曰天子答之曰可若下某官云上亦曰詔書群臣有所奏請無尚書令奏制之字則答曰已奏如書本官下所當至亦曰詔戒書戒敕上史太守及三邊營官被敕文曰有詔勅某官是為戒敕也世皆名此為策書失之遠矣

凡群臣尚書被天子者有四名一曰章二曰奏三曰表四曰駁義

章者需頭稱稽首上書謝恩陳事請闕通者也

奏者亦需頭其京師官但言稽首以聞其中者所請  
若罪法劾案公府送御史臺公卿校尉送謁者臺也  
表者不需頭上言臣某言下言臣某誠惶誠恐稽首  
頓首死罪死罪左方下附曰某官臣某甲上文多用  
編兩行文必以五行詣尚書遇者也公卿校尉諸將  
不言姓大夫以下有同姓官別者言姓章口報聞公  
卿使謁者將大夫以下至吏民尚書左丞奏聞報可  
表文報已奏如書凡章表皆啓封其言密事得帛囊

其有疑事公卿百官會議若臺閣有所正處而獨執  
異意者曰駁義駁義曰某官某甲議以為如是下言  
臣愚慙義異其非駁義不言議異其合於上意者文  
報曰某官某甲議可

漢承秦法群臣上書皆言昧死言王莽盜位篡古法  
去昧死曰稽首光武因而不改朝臣曰稽首頓首非  
朝臣曰稽首再拜公卿侍中尚書衣帛而朝曰朝臣  
諸營校尉將大夫以下亦為朝臣  
王者臨撫之別名

天子曰兆民諸侯曰萬民今之諡侯古之諡侯百乘之家曰百

姓百乘之家子男之國也

天子所都曰京師京水也地下之衆者莫過於水地

上之衆者莫過於人京大師衆也故曰京師也

京師天子之畿內千里象日月日月躔次千里

天子命令之別名

命出君下臣名曰命

令奉而行之名曰令

政著之竹帛名曰政

天子父事天母事地兄事日姊事月常以春分朝日於東門之外示有所尊訓人民事君之道也

天子所事之別名

天子父事三老者適成於天地人也兄事五更者訓於五品也更者長也更相代至五也能以善道改更

已也又三老老謂父也舊也壽也皆取首妻男女完

具者古者天子親袒割牲執饗而饋三公設九九卿

正獲使者安車輶輪送迎而至其家天子獨拜于屏

明旦三老詣闕謝以其禮過厚故也又五更心為叟

老稱與三老同義也

三代建正之別名

夏以十三月為正十寸為尺律中太族言萬物始簇而生故以為正也

殷以十二月為正九寸為尺律中大呂言陰氣大勝

助黃鍾宣氣而萬物生故以為正也

周以十一月為正八寸為尺律中黃鍾言陽氣踵黃

泉故以為正也

三代年歲之別名

唐虞曰載也歲也言一歲莫不覆載故曰載也夏曰

歲一曰稔也商曰祀周曰年閏月者所以補小月之

減日以正歲數故三年一閏五年再閏

天子諸侯后妃夫人之別名

天子之妃曰后上之言後也諸侯之妃曰夫人夫人

之言扶也大夫曰孺人孺人言之屬也士曰婦人婦

人之言服也庶人曰妻上言齊也公侯有夫人有世

婦有妻有妾皇后赤綬玉璽貴人緇綬金印緇綬色

似綠

天子后立六宮之別名

三夫人帝嚳有四妃以象后妃四星其一明者為正妃三者為次妃也九嬪夏后氏增以三而九合十二人春秋天子取十二夏制也二十七世婦殷人又增三九二十七合三十九人八十一御女周人上法帝嚳正妃又九九為八十一增之合百二十人也天子一取其十二女象十二月三夫人九嬪諸侯一取九女象九州一妻八妾卿大夫一妻二妾士一妻一妾

王者可封邑之差

帝之女曰公主儀比諸侯帝之姊妹曰長公主儀比諸侯王異姓婦女以恩澤封者君比長公主

天子諸侯宗廟之別名

左宗廟東曰左帝牲牢三月在外牢一月在中牢一月在明牢一月謂近明堂也三月一時已足肥矣徙之三月示其潔也

右社稷西曰右宗廟社稷皆在庫門之內雉門之外

天子三昭三穆與太祖之廟七七廟一壇一墀曰考

廟考廟皇考廟顯考廟祖考廟皆月祭之諸侯二  
昭二穆與太祖之廟五五廟一壇一墀曰考廟王考  
廟皇考皇考廟皆月祭之

大夫以下廟之別名

大夫一昭一穆與太祖之廟三三廟一壇考廟王廟  
四時祭之也士一廟降大夫二也上士二廟一壇考  
廟王考廟亦四時祭之而已自立二祀曰門曰行下  
士一廟曰考廟王考無廟而祭之所謂祖稱曰廟者  
也亦立二祀與上士同府史以下未有爵命號為庶

人及庶人皆寢無廟四時祭於寢也周祧文武為祧  
四時祭之而已去祧為壇去壇為墀有禱焉祭之無  
禱乃止去墀曰鬼壇謂築土而無屋也

薦考妣於適寢之所祭

春薦韭知夏薦麥魚秋薦黍豚冬薦稻薦制無常牲  
取與新物相宜而已

天子之宗社曰泰社天子所為群姓立社也天子之  
社曰王社一曰帝社古者有命將行師必於此社授  
以政尚書曰用命賞于祖不用命戮于社



諸侯為百姓立社曰國社諸侯之社曰侯社 亡國之社古者天子亦取亡國之社以分諸侯使為社以自儆戒屋之奄其上使不通天柴其下使不通地自與天地絕也面地向陰示滅亡也

大夫以下成群立社曰置社大夫不得特立社與民族居百姓已上則共一社令之里社是也

天子社稷土壇方廣五丈諸侯半之

天子社稷皆太牢諸侯社稷皆少牢

天子為群姓立七祀之別名

曰司命曰中雷曰國行曰國門曰泰厲曰戶曰竈  
諸侯為國立五祀之別名

曰司命曰中雷曰國門曰國行曰公厲

大夫以下自立三祀之別名

曰族厲曰門曰行

五祀之別名

門秋為少陰其氣收成祀之於門祀門之禮北向設主於門左樞戶春為少陽其氣始出生養祀之於戶祀戶之禮南面設主於門內之西行冬為太陰之盛

寒於水祀之於行在廟門外之西按壤厚二寸廣五尺輪四尺北面設主於按上一作軼壤竈夏為太陽其氣長養祀之於竈祀竈之禮在廟門外之東先帝于門與西東設主於竈陞也中雷季夏之月土氣始成其祀中雷神在室祀中雷設主于牖下也

五方正神之別名

東方之神其帝太昊其神勾芒南方之神其帝神農其神祝融西方之神其帝少昊其神蓐收北方之神其帝顓頊其神玄冥中央之神其帝皇帝其神后土

六神之別名

風伯神箕星也其象在天能興風雨師神畢星也其象在天能興雨明星神一曰靈星其象在天舊說曰靈星火星也一曰龍星火為天田厉山氏之子柱及后稷能殖百穀以利天下總祠此三神以報其功也漢書稱高帝五年初置靈星祠后土祠位在壬地社神蓋共工氏之子勾龍也能平水土帝顓頊之時舉以為土王天下賴其功堯祠以為社凡樹社者欲令萬民知肅敬也各以其野所宜之木以名其社其野

位在未地稷神蓋房山氏之子柱也柱能殖百穀帝  
顓頊之世率以為田正天下賴其功周棄亦播殖百  
穀以稷五穀之長也因以稷名其神也社稷二臣功  
同故同堂別壇俱在未位土地廣博不可偏覆故封  
社稷露之者必受霜露以達天地之氣樹之者尊而  
表之使人望見則加畏敬也先農神先農者蓋神農  
之神也農作耒耜教民耕農至少昊之世置九農之  
官如左

春扈氏

唐止也

農正趣民耕種

鴻鵠

夏扈氏農正趣民

除秋扈氏農正趣民收斂切冬扈氏農正趣民蓋  
藏切棘扈氏農正常謂茅氏一曰掌人百物切行扈  
氏農正晝為民驅鳥借宵扈氏農正夜為民驅獸借  
桑扈氏農正趣民養蠶切脂老扈氏農正趣民收麥切  
疫神帝顓頊有三子生而亡去為鬼其一者居江水  
是為瘟鬼其一者居渚水是為魍魎其一者居人宮

室樞隅處善驚小兒故命方相氏黃金四目蒙以熊  
皮玄衣朱裳執戈楊楯常以歲堯十二月從百隸及  
童兒而時儼以索宮中毆疫鬼也桃弧棘矢土鼓鼓

且射之以赤丸五穀播洒之以除疾殃已而立桃人  
常索儋牙虎神荼鬱壘以執之儋牙虎神荼鬱壘二  
神海中有度朔之山上有桃木蟠屈三千里卑枝東  
北有鬼門萬鬼所出入也神荼與鬱壘二神居其門  
主閱領諸鬼其惡害之鬼執以常索食虎故十二月  
歲竟常以先臘之夜除之也乃書荼壘并懸常索於  
門戶以禦凶也

四代臘之別名

夏曰嘉平殷曰清祀周曰大蜡漢曰臘

五帝臘祖之別名

青帝以未臘卯祖

青帝大  
吳木行赤帝以戌臘午祖

白帝以丑臘酉祖

白帝少  
吳金行黑帝以辰臘子祖

黃帝以辰臘未祖

黃帝軒  
后土土行

天子八蜡八神之別名

蜡之言索也祭日索此八神而祭之也大同小異為

位相對向祝曰土及其宅水歸其壑昆虫母作豐年

若土歲取千百

先嗇

司嗇

農

郵表綴

豨虎

豨食田 虎食田 豨迎其神而祭之

坊

水庸

昆蟲

五祀之別名

祀臣五義

法施於民則祀以死勤事則祀以勞定國則祀以能

禁大災則祀能大患則祀

六號之別名

神號尊其名為美稱若曰皇天上帝也鬼號若曰皇

祖伯其祗號若曰后土地祗也牲號牛曰一元大武

羊曰柔毛之屬齊號黍曰薌合梁曰香蕡之屬也

騶玉曰嘉玉幣曰量幣之屬也

凡祭宗廟禮牲之別名

牛曰一元大武豕曰剛鬣豚曰膾肥羊曰柔毛鷄曰

翰音犬曰羹獻雉曰疏趾兔曰明視

凡祭號牲物異於人者所以尊鬼神也脯曰尹祭稟

魚曰商祭鮮魚曰脰祭水曰清滌酒曰清酌黍曰薌

合梁曰香蕡稻曰嘉蔬鹽曰醎益玉曰嘉玉幣曰量

幣

太祝掌六祝之辭

順祝順豐年也年祝求永貞也告祝祈福祥也化祝  
弭災兵也瑞祝逆時雨寧旱也榮祝遠罪病也

宗廟所歌詩之別名

清廟一章八句洛邑既成諸侯朝見宗祀文王之所

歌也

維天之命一章八句告太平於文王之所歌也

維清一章五句奏象武之樂也

烈文一章十二句成王即政侯助祭之所歌也

天祚一章七句祀先王公之所歌也

昊天有成命一章七句郊祀天地之所歌也

我將一章十句祀文王於明堂之所歌也

時邁一章十五句巡狩告祭柴望之所歌也

執競一章十四句祀武公之所歌也

思文一章八句祀后稷配天之所歌也

臣工一章十句諸侯助祭遣之於廟之所歌也

噫嘻一章八句奏夏祈穀于上帝之所歌也

振鷺一章八句二王之祭來助祭之所歌也

豐年一章七句蒸嘗秋冬之所歌也

有瞽一章十三句始作樂合諸樂而奏之所歌也

潛一章六句季冬薦魚春獻鮪之所歌也

雍一章十六句禘太祖之所歌也

既見一章十四句諸侯始見於武王廟之所歌也

有客一章十三句微子來見祖廟之所歌也

武一章七句奏大武周武所定一代之樂所歌也

閔予小子一章十一句成王謀政於廟之所歌也

敬之一章十二句群臣進戒嗣王之所歌也

小毖一章八句嗣王求忠臣助已之所歌也

載芟一章三十一句春藉田祈社稷之所歌也

良耜一章二十三句秋報社稷之所歌也

綠衣一章九句繹賓尸之所歌也

酌一章九句告成大武言能酌先祖之道以養天下

之所歌也

柏一章九句師祭講武類禡之所歌也

賚一章六句大封於廟賜有德之所歌也

般一章七句巡狩祀四嶽河海之所歌也

右詩三十一章皆天子之禮樂也

五等爵之別名

一本云周制也

三公者天子之相相助也助理天下其地封百里侯者侯也侯逆順也其地方百里伯者白也明白於德其地方七十里子者滋也奉天王之恩德其地方五十里男者任也立功業以化民其地方五十里守者秦置也秦兼天下置三川守伊河洛也漢改曰河南守武帝會曰太守世祖都洛陽改曰正

諸侯大小之差

諸侯王皇子封為王者稱曰諸侯王徹侯群臣異姓

有功封者稱曰徹侯武帝諱改曰通侯或曰列侯也朝侯諸侯有功德者天子特命為朝侯位次諸卿王者耕籍田之別名

天子三推三公五推卿諸侯九推

三代學校之別名

夏曰校殷曰庠周曰序天子曰辟雍謂流水四面如璧以節觀者諸侯曰頍宮頍言半也義亦如上

五帝三代樂之別名

黃帝曰雲門顓頊曰六莖帝嚳曰五英堯曰咸池舜



曰大韶一曰大雅夏曰大夏殷曰大濩周曰大武天子八佾八佾六十四人八者象八風所以風化天下也公之樂六佾象六律也侯之樂四佾象四時也

朝士卿朝之法

左九棘孤卿大夫位也群臣在其後右九棘公侯伯子男位也群吏在其後三槐三公之位也州長象庶在其後

四代獄之別名

唐虞曰士官吏記曰臯陶為理尚書曰臯陶作士夏

曰均臺周曰囹圄漢曰獄

曰夷樂之別名

王者必作四夷之樂以定天下之歡祭神明和而歌之以管樂為之聲

東方曰蘇南方曰任西方曰秣離一作禁北方曰禁一作

新刊蔡中郎獨斷文集卷下

陳留蔡邕撰

易曰帝出乎震震者木也言宓犧氏始以木德正天下也木生火故宓犧氏歿神農氏以火德繼之火生土故神農氏歿黃帝以土德繼之土生金故黃帝歿少昊氏以金德繼之金生水故顓頊氏以水德繼之水生木故顓頊氏歿帝嚳氏以木德繼之木生火故帝嚳氏歿帝堯氏以火德繼之火生土故帝舜氏以土德繼之土生金故夏禹氏以金德繼之

金生水故殷湯氏以水德繼之水生木故周氏以木德繼之木生火故高祖以火德繼之伏羲氏為太昊氏炎帝為神農氏黃帝為軒轅氏少昊為金天氏顓頊為高陽氏帝嚳為高辛氏帝堯為陶唐氏帝舜為有虞氏夏禹為夏后氏湯為殷商氏

武王為周

高祖為漢

高帝

在位十二年生惠帝

惠帝

十年無後

呂后攝政

八年立惠帝弟禮王為文惠

文帝

二十年生景帝

景帝

十六年生武帝

武帝

五十四年生昭帝

昭帝

十二年無后立元衛太子孫為宣帝

宣帝

二十五年生元帝

元帝

十六年生成帝

成帝

二十六年無后立弟定陶王子為哀帝

哀帝

五年無后立弟中山王子為平帝

平帝

五年王莽篡

王莽

十六年劉聖公殺之

聖公

二年光武殺之

光武

二十三年生明帝

明帝

十八年生章帝

章帝

丁三年生和帝

和帝

十七年生殤帝

殤帝

一年無后取清河王子為安帝

安帝

十九年生順帝

順帝

十九年生冲帝

冲帝

一年無後取和帝孫安宗王子為質帝

質帝

一年無后取河間敬王孫彞吾侯子為桓帝

桓帝

二十五年無后取解犢侯子立為靈帝

靈帝

二十五年生史侯董卓早殺之立史侯弟陳留王為帝

從高帝至桓帝三百八十六年除王莽劉聖公三百六十六年從高乙未至今壬子歲四百乙未為元帝王莽不入數高帝以甲午歲即位以乙未為元帝嫡妃曰皇后帝母曰皇太后帝祖母曰太皇太后其

衆號皆如帝之稱秦漢以來少帝即位后代而攝政  
 稱皇太后詔不言制漢興惠帝崩少子弘立太后攝  
 政哀帝崩平帝幼孝元王皇后以太皇太后攝政和  
 帝崩安帝幼和熹御皇后攝政孝順崩冲帝質帝桓  
 帝皆幼順烈梁皇后攝政桓帝崩今上即位桓思竇  
 后攝政后攝政則后臨致前朝群臣后東面少帝西  
 面群臣奏事上書皆為兩通一詣太后一詣少帝  
 一世 二世 三世 四世 五世 六世 七世  
 八世 九世 十世 十一世 十二世 十三世 十四世  
 十五世 十六世

中山平

孝王帝

定陶哀帝

共王

奕史宣元成

太皇帝帝帝

子孫

高祖漢帝 景帝 武帝 昭帝

長安 春陵 鬱林 太守

紅鹿南光明章和  
 郁尉姚政帝帝帝  
 清河安明冲  
 孝王帝帝帝

于東 樂安 勃海 質  
貞至 袁主 孝主 帝  
河南 侯翼 帝 桓  
鮮頓 鮮頓 灵獻帝  
孝至 侯翼 帝 哀帝

文帝弟雖在三禮兄弟不為後文帝即高祖子於  
惠帝兄弟也故不為惠帝後而為弟二宣帝弟次昭  
帝使皇孫之子於昭帝為元孫以係祖不得上與父  
齊故為七世光武雖在十二於父子之次於成帝為  
兄弟於哀帝為諸父於平帝為父祖皆不可為之後  
上至元帝於光武為父故上繼九帝而為九世故可

圖曰赤九世會昌謂光武也十世以光謂孝明也十  
一以興謂孝章也成雖在九哀雖在十平雖在十一  
不稱次

宗廟之制古者以為人君之君前有朝後有寢宮則  
前制廟以象朝後制寢以象寢廟以藏主列昭穆寢  
有衣冠几杖象生之具總謂之官月令曰先薦寢廟  
詩云公侯之官頌曰寢廟奕<sub>七</sub>言相連也是若其文  
也古不墓祭至秦始皇出寢起之於墓側漢因而不  
改故金陵上稱寢殿有起居衣冠象生之備皆古寢

之意也居西都時高帝以下每帝各別立廟月備法  
駕遊衣冠又未定迭毀之禮元帝丞相匡衡御史大  
夫貢禹乃以經義處正罷遊衣冠毀先帝親畫之廟  
高帝為太祖孝文為太宗孝武為世宗孝宣為中宗  
祖宗廟皆世七奉祠其餘惠景以下皆毀五年而籍  
毀祭猶古之禘祫也殷祭則及諸毀廟非殷祭則祖  
宗而已光武中興都洛陽乃合高祖以下至平帝為  
一廟歲十一帝主於其中元帝於光武為禰故雖非  
宗而不毀也後嗣遵承遂常奉祀光武舉天祚以再

受今復漢祚更起廟稱世祖孝明昭崩遺詔遵餘毋  
起寢廟歲主於世祖廟孝章不敢違是後遵承歲主  
於世祖廟皆如孝明之禮而園陵皆自起寢廟孝明  
曰顯宗孝章曰肅宗及後踵前孝和曰穆宗孝安曰  
恭宗孝順曰敬宗孝桓曰威宗唯殤冲質三少帝皆  
以未踰年而崩不列於宗廟四時就陵上祭寢而已  
今洛陽諸陵皆以晦望二十四氣伏社臘及四時曰  
上飯太官送用園令食監典省其親陵所宮人隨鼓  
漏理被枕具盥水陳嚴具天子以正月五日畢供後

上原陵以次周備公卿百官小從四姓小侯諸侯家婦凡與先帝先后有瓜葛者及諸侯王大夫郡國計吏匈奴朝者西國侍子皆會尚書官屬陞西除下先帝神座後文夫計吏皆當軒下占其郡穀價四方災異欲皆使先帝魂神具聞之遂於觀陵各賜計吏而遣之正月上丁祠南郊禮畢次北郊明堂高祖廟世祖廟謂之五供五供畢以次上陵也四時宗廟用牲十八大牢皆有副俸西廟五主高帝文帝武帝宣帝元帝也高帝為高祖文帝為太宗武帝為世宗宣帝為中宗其廟皆不毀孝元功薄當毀光武復天下屬第於元帝為予以元帝為禰廟故列於祖宗後嗣因承遂不毀也

東廟七王光武明帝章帝和帝安帝順帝桓帝也光武為世祖明帝為顯宗章帝為肅宗和帝為穆宗安帝為恭宗順帝為敬宗桓帝為威宗廟皆不毀少帝未踰年而崩皆不入廟以陵寢為廟者三殤帝康陵中帝懷陵質帝靜陵是也追號為后者三章宗貴人曰敬隱后葬敬北陵安帝祖母也清河孝德皇后安



帝母也章帝梁貴人曰恭懷后葬西陵和帝母也安陵張貴人恭敏后葬北陵順帝母也兩廟十二主三少帝三后故用十八太牢也

漢家不言禘祫五年而再殷祭則西廟惠帝景昭皆別祠成哀平三帝以非光武所後歲主長安故高廟四時祠於東廟京兆尹侍祠衣冠車服如太常祠行陵廟之禮順帝母故天姓李或姓張高祖得天下而父在上尊號曰太上皇不言帝非天子也孝宣繼孝昭帝其父曰史皇孫祖父曰衛太子太子以罪廢及

皇孫皆死宣帝但起園陵長孫奉守不敢加尊號於父祖也光武紀孝元下不敢加尊號於父祖也世祖父南頓君曰皇考祖鉅鹿都尉曰皇祖曾祖鬱林太守曰皇曾祖高祖春陵節侯曰皇高祖起陵廟置章陵以奉祠之而已至殤帝崩無子弟安帝以和帝兄子從清河王子即尊號依高帝尊父為太上皇之義追號父清河王曰孝德皇順帝崩成帝無子弟立樂安王子是為質帝偏於順烈梁后父大將梁冀未得尊其父而崩桓帝以蠡吾侯子即尊位追尊父蠡

吾曰孝崇皇母區太夫人曰孝崇后祖父河間孝王  
曰孝穆皇祖母妃曰孝穆后桓帝崩無子今上即位  
追尊父解犢侯曰孝仁皇母董夫人曰孝仁后祖父  
河間敬王曰孝元皇祖母夏妃曰孝元后

天子太社以五色土為壇皇子封為王者受天子之  
社土以所封之方色東方受青南方受赤他如其方  
色直以白茅授之各以其所封方之色歸國以立社  
故謂之受茅土漢丹以皇子封為王者得茅土其他  
功臣及郎亭他姓公侯各以其戶數租入為限不受

茅土亦不立社也

漢制皇子封為王者其實古諸侯也周末諸侯或稱  
王而漢天子自以皇帝為稱故以王号加之總名諸  
侯王子弟封為侯者謂之諸侯群臣異姓有功封者  
謂之徹侯後被武帝詔改曰通侯法律家皆曰列侯  
功德優盛朝廷所異者賜位特進位在三公下其次  
朝侯位次九卿下皆平冕文衣侍祠郊廟稱侍祠侯  
其次下士但侍祠無朝位次小國侯以肺腑宿衛親  
公主子孫奉墳墓在京者亦隨時見會謂之猥朝侯

也

巡狩校獵還公卿以下陳洛陽都亭街上乘輿到公卿下拜天子下車公卿親戚顏色然後還宮古語曰在車則下惟此時施行

正月朝賀三公奉璧上殿向御座北面太常贊曰皇帝為君吳三公伏皇帝坐乃進璧古語曰御坐則起此之謂也舊儀三公以下月朝後皆常以六月朔十月朔旦朝後又以盛暑省六月朝故今獨以為正月十月朔朝也冬至陽氣始起麋鹿解角故寢兵鼓身

欲寧志欲靜不聽事送迎五日臘者歲終大祭縱吏民宴飲非迎氣故但送不迎正月歲首亦如臘儀冬至陽氣起君道長故賀夏至陰氣起君道衰故不賀鼓以動衆鐘以止衆夜漏盡鼓鳴則起晝漏盡鐘鳴則息也

天子出車駕次第謂之鹵簿有大駕有小駕有法駕大駕公卿奉引大將軍參乘太僕御屬車八十一乘備千乘萬騎在長安時出祠天於甘泉備之百官有其儀注名曰甘泉鹵簿中興以來希用之先帝時特

備大駕上原陵他不常用唯遭大喪乃施之法駕公卿不在鹵簿中唯河南尹執金吾洛陽令奉引侍中參乘奉車即御屬車三十六乘北郊明堂則省諸副車小駕祠宗廟用之每出大僕奉駕上鹵簿於尚書中常侍御史主者即令史皆執注以督整諸軍車騎春秋上陵令又省於小駕直事尚書一人從令以下皆先行

法駕上所乘曰金根車駕六馬有五色安車五色立車各一皆駕四馬是為五特別車俗人名之曰五帝

車非也又有戎立車以征伐三蓋車名根耕車一名芝車親耕藉田乘之又有蹋猪車慢輪有畫田獵乘之綠車名曰皇孫車天子孫乘之以從

凡乘輿車皆羽蓋金華爪黃屋左纛金鏐方鉞繁纓重轂副帝黃屋者蓋以黃為裏也

左纛者以鼈牛尾為之大如斗在最後左駉馬駿上金鏐者馬冠也高廣各四寸如玉華形在馬駿前方鉞者鉄廣數寸在鏐後有三孔插翟尾其中繁纓在馬膺前如索帛者是也

重轂者轂外復有一轂施牽其外乃復設牽施銅金  
鏤形如緹亞飛鈴以緹油廣八寸長注地左畫蒼龍  
右畫白虎繫軸頭今二十石亦然但無畫耳前驅有  
九旂雲罕闐戟皮軒鑿旗車皆大夫載鑿旗者編羽  
毛引繫橦旁俗人名之曰鷄翹車非也後有金鉦黃  
越黃門鼓車古者諸侯貳車九乘秦滅九國無其車  
服故大駕屬車八十一乘也尚書御史乘之最後一  
車懸豹尾以前皆皮軒虎為之也

永安七年進金根耕根諸御車皆一轅或四馬或六

馬金根箱輪皆以金鑄正黃兩臂前後刻金以作龍  
虎為龜形之但以青縑為蓋羽毛無後戶冕冠周曰  
爵弁殷曰昀夏曰收皆以三十升漆布為殼廣八寸  
長尺二寸加爵冕其上周黑而赤如爵頭之色前小  
後大殼黑而微白前大後小夏純黑而赤前小後大  
皆有收以持斧詩曰常服黼昀礼朱干玉戚昀而舞  
大武周書曰王與大夫蓋弁古皆以布中古以絲孔  
子曰麻冕礼也今也絕儉漢雲翹冠樂祠天地五郊  
舞者服之冕冠垂旒周禮天子冕前後垂延朱絲藻

有十二旒公侯大夫各有差別漢興至孝明帝永平二年詔有司採尚書臯陶篇及周官禮記定而制焉皆廣七寸長尺二寸前圓後方朱綠裏而玄上前垂四寸後垂三寸係白玉珠于其端是為十二旒組纒如其綬之色三公及諸侯之祠者朱綠九旒青玉珠卿大夫七旒黑玉珠皆有前無後組綬各視其綬之色旁垂黼纒當耳郊天地祠宗廟祀明堂則冠之衣黼衣佩玉珮纒約孔子曰服周之冕鄙人未識謂之平天冠

天子冠通天冠諸侯王冠遠遊冠公侯冠進賢冠公王三梁卿大夫尚書二千石博士冠兩梁千石六百石以下至小吏冠一梁天子公卿特進朝侯祀天地明堂皆冠平冕

天子十二旒三公九諸侯卿七其纓與組各如其綬之色衣玄上墀下日月星辰山龍華蟲祠宗廟則長冠揚玄其武官太尉以下及侍中常侍皆冠惠文冠侍中常侍加貂蟬御史冠法冠謁者冠高山冠其卿射行禮公卿冠委貌衣玄端執事者皮弁服宮門僕

射冠却非大樂郊社祝舞者冠建華其狀如婦八纒  
履迎氣五郊舞者所冠亦為冕車加出後有巧士冠  
似高山冠而小

饋者古之卑賤執事不冠者之所服也孝武帝幸館  
陶公主家召見董偃傳青構綠饋主贊曰主家庖  
人臣偃昧死再拜謁上為之起乃賜衣冠引上殿董  
仲舒武帝時人其上兩嘗曰執事者皆赤饋知皆不  
不冠者之所服也元帝額有壯髮不欲使人見始進  
饋服之群臣皆隨焉然尚無巾如今半饋而已王莽

無髮乃施巾故語曰王莽秃饋施屋冠進賢者宜長  
耳冠惠文者宜短耳各隨所宜

通天冠天子常服漢服受之秦禮無文遠遊冠諸侯  
王所服展筓無山禮無文高山冠齊冠也一曰側注  
高九寸鐵為卷梁不展筓無山秦制行人使官所冠  
今謂服之禮無文太傅胡公說曰高山冠蓋齊王冠  
也秦滅齊以其君冠賜謁者

進賢冠文官服之前高七寸後三寸長八寸公侯三

梁卿大夫尚書博士兩梁千石六百石以下一梁漢

制禮無文

法冠楚冠也一曰柱後惠文冠高五寸以纚裹鐵柱  
卷秦制執法服之今御史廷尉監平服之謂之獬豸  
獬豸獸名蓋一角今冠兩角以獬豸為名非也太傅  
胡公說曰左氏傳有南冠而縶者國語曰南冠以如  
夏姬是知南冠蓋楚之冠秦滅楚以其君冠而賜御  
史

武冠或曰繁冠今謂之大冠武官服之侍中上常侍  
加黃金附貂蟬鼠尾飾之太傅胡公說曰趙武靈王

效胡服始施貂蟬之飾秦滅趙以其君冠賜侍中齋  
冠成曰長冠竹裏以纚高七寸廣三寸形制如板  
高祖冠以竹皮為之謂之劉氏冠漢制禮無文而人  
不識謂之鵠尾冠逮華冠以鐵為柱卷貫大珠九枚  
今以銅為珠形制以纚簾記曰知天文者服之左傳  
曰鄭子城好聚鵠冠前圖一作以為此則是也天地  
五郊明堂月令舞者服之

方山冠以五采殼為之漢祀宗廟大享八佾樂五行  
舞者服之衣冠各從其行之色如其方色而舞焉



術士冠前圓吳制遷迤四重趙武靈好服之今者不用其說未聞

巧士冠高五寸要後相通埽除從官服之禮無文却非冠官門僕射者服之禮無文

樊噲冠漢將軍樊噲造次所冠以入項籍管廣七寸前出四寸司馬殿門大護衛士服之

却敵冠前高四寸通長四寸後高三寸監門衛士服之禮無文

珠冕爵身收通天冠進賢冠長冠緇布冠委貌冠皮

弁惠文冠古者天子所加者其次在漢禮

帝謚

遠拂不成曰隱

靖民則法曰廣

翼善傳聖曰堯

仁聖盛明日舜

殘人多壘曰桀

殘義損善曰紂

慈惠愛親曰孝

愛民好與曰惠

聖善同文曰宣

聲聞宣遠曰昭

尅定禍亂曰武

聰明睿智曰獻

溫柔聖善曰懿

布德執義曰揆

仁義說民曰元

安仁立政曰神

布網治紀曰平

亂而不損曰靈

保民耆艾曰明

辟土有德曰襄

真心大度曰匡

大慮慈民曰定

知過能改曰恭

丕匡其國曰聲

一德不懈曰簡

夙興夜寢曰敬

清白自守曰貞

柔德好衆曰靖

安樂治民曰康

小心畏思曰億

中身早折曰悼

慈仁和民曰順

好勇致力曰莊

恭仁短折曰哀

佐國逢讎曰愍

名實過爽曰繆

雍過不通曰幽

暴虐無親曰厲

致志大圖曰景

辟土兼國曰禘

經緯天地曰文

執義揚善曰懷

短折不成曰殤

去禮遠衆曰煬

怠政外交曰攜

治典不敷曰祈

右蔡氏獨斷一編古之制度文為類於  
此乎考錄本多舛今稍是正而刻之舒  
類得熙庚子六月初吉江都呂宗孟書

獨斷文集序

或有遺予漢左中郎將蔡邕  
獨斷一帙喜其書之远古也  
爰命工刻之嗟乎邕在東漢  
本以文學見重於時而且以  
孝行名何失足藿奸竟罹誅

殛則所謂孝所謂學者亦可  
知矣士君子立身一敗萬事  
瓦裂者可鑒也已然班孟堅  
有漢書而伯喈有此固足傳  
也若彼鈎黨諸君子舉不賴  
是卒烜赫宇宙間與風霆日

星相為愆又乃不待刻而自  
流行布濩使邕得與斯列則  
死且不朽而是書雖不傳可  
也覽者有感於斯云  
弘治癸亥孟秋之吉

賜進士第僉湖廣按察司事分

巡湖北道安城劉遜序

嘉靖仲冬宗  
文堂鄭氏刊

嘉靖  
仲冬  
宗文  
堂鄭  
氏刊